

中國方志叢書·第一三一號

據 民國黃占梅修程大璋纂
國 九 年 鉛 印 本 影 印

廣西省

桂平縣志

(一)

4/14/06

成文出版社印行

8918950



10095896

中國方志叢書導言

論方志在史籍中的地位及功用

論我國史籍的源流，要以尚書和春秋最古。章學誠（一七三八一—一八〇一）有六經皆史的說法，認為古人未嘗離事而言理，六經皆是先王的政典。魏自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展跡象的總匯，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年羅允之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中概說：「今者國史之業，既無專司，而著作體裁亦宜翼變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事艱難，職是之由。」這樣看來，我國累存的史料確是不少，可惜史學研究上還待重行檢討哩！

PDF
PDG

唐宋以來，史籍的編纂却也演進許多，官修的演化為編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二二），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇二），曾爲和州、永清、亳州修志，又做過臚沔的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，俱於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主氣方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依類類剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年翟兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目、徐家匯天主堂藏書、金陵大學、南洋中學、中山大學諸書目，並知王經瑞藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的環循律陷坑，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要盡量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。四歷史研究者須有哲學的氣質，參用科學的方法，獲取藝術的成果。(四)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種敘一物一事的專志等（如鹽水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓實史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有趣的史料。又如何炳棣曾利用方志研究中國的早熟稻種。

(7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往日的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、畲的風俗，方志記載也很可靠。

(15) 歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢安康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

桂平縣志

民國庚申粵東
編譯公司排印

桂平重修縣志叙

桂平粵右大邑也其地廣百五十里袤三百七十里人口四十萬昔在漢代爲布山阿林兩縣唐析置皇化大賓羅繡常林與布阿兩縣爲六分隸潯繡二州其區畫之密如此以視夷壤羈縻土州襲據遠殊矣而志書之作自乾隆前道光後無聞焉此非往代文化之遲亦非近年士夫不以文獻爲重也攷古志地者所務在山川方域風俗物產而已唐之元和郡縣志始涉及古蹟宋太平寰宇記則兼及人物藝文自是作者踵武輒用總志之類目爲專志分門故言郡縣志者斷自宋始然多起吳越之間元明而後諸省始互相仿效桂平

者潯州首邑也潯州自明迄清數百年間志修八次

自按河崇志

二以前但有抄本及崇禎間知府戴金重修并爲錄板授是爲

文助修爲四次乾隆二十年知府胡魏公修爲五次道光緒十八

年知府夏公 諸邑事咸藉登載而桂平官紳每以首邑之故

先預提挈并多紓其杼柚夫既盡瘁於全郡之鉛槧自無暇

於營一邑之纂修惟乾隆間連江吳公樞亭來任縣治爲欲

周知一邑之事山川方域咸列丹青戶口財賦日陳几案積

錄成帙可資志料因利乘便加以修飾遂獲成書取名資治

圖志其始固非爲志作而志卒因之閱七十年長山袁公琴

池來任去道光五年知府孫公修府志時不過十餘稔而復

修縣志蓋因孫志之畧而不備而欲以縣志彌其憾也

按魏篤

志叙云胡志失之繁孫志失之畧繁之失小畧之失大今致孫志之作去吳樞亭作桂平縣志時已五十餘年而列傳人無取義今玩袁志於孫志以其生年月日與其孫同而載之尤

已得然則吳袁兩公之作固各有其因不能以他方之遲早爲

例而與乾隆前及道光後之以府志爲志者抑又情事差殊者矣暨辛亥改革溥治久廢府志已無庸再修而自清代光宣以來邑中新政迭興如學校實業自治之屬咸爲諸郡邑先驅又往日金田一役魏府志多書缺有間夏府志亦以多所忌諱或詳或隱閱者猶未滿懷其中亟當補志者不少至於賢能師儒文學與夫男女節義貞孝之行出於見聞可傳

可法者更難湮沒抑無待論也則紀載之事視吳袁兩公時又豈可同日語哉丁巳秋余來忝知縣事聞前任黃君東園設局修志草創未成余思竟厥業謀於縉紳父老咸爲興起樂與綢繆始也局困於資人牽於事繼乃資與人集規模既定余卸職而去今重宰是邦書已告成是非余之功乃前余而來者之善爲倡後余而至者之善爲繼而邦人君子奔走採掇有始有終其心力之爲尤難沒焉爰弁言如右若夫志書與吏事相關則永淳古君捧之已序及之不復贅時民國九年夏正庚申秋九月也知桂平縣事南昌李本銘序

志名最古孟子滕文篇引志云喪祭從先祖是也而方志之

名則見於周禮外史氏掌四方之志誦訓氏掌道方之志以詔觀事然其書無攷至漢書則有地理志而非專書也唐李吉甫始爲郡縣志遍載十道不限一方宋朱長文乃有吳郡圖經羅願有新安志實爲各府縣志之權輿自是以後作者漸衆不能盡錄蓋治化愈進則地方之情形愈悉而記載亦愈詳自然之勢也攷桂邑志書之作始自乾隆戊子先賢吳公樞亭定名資治圖志蓋欲有所資以爲治即按圖而可知并望後之官斯土者顧名思義稽故實而措之宜其旨弘矣越七十年道光壬寅復有先賢袁公琴池踵而修之先達黃公雲湄主任纂修畧變體例易名桂平縣志書成於洪楊金田

起事之前七年時地方漸形不靖故書中於練團防盜諸政三致意焉其致治未亂保邦未危之意灼然可見雖易名縣志猶是資治之意也歷咸同光宣以至民國又復七十年矣及今不修則無徵不信前任黃君東園有見及此爲倡行修志謀諸搢紳長老僉以爲不可緩乃聘邑紳程先生子良主任纂修雖以人事無常滄桑屢易而卒底於成己未秋予由陸川調桂得受讀終篇於土地政事人文俱能綜本末要始終復以橫議之披猖懼斯文之將喪於國粹聖教及仁孝清貞之俗咸褒揚而羅舉之其銳意於詳人所畧蓋將爲趨鶩新風而鄙薄舊俗者作回頭之岸撫卷反復不覺古今去來

之在前比之樞亭琴池兩作有過之無不及也抑又聞之修史者必探夫各志故論者謂讀通志不若讀郡志讀郡志不若讀縣志君子以爲知言今是書在桂平旣爲信志推之天下後世卽可爲信史矣余承乏斯邑無補於志聿觀厥成遂叙言如右民國九年春知桂平縣事永淳古濟勳謹識

邑志重修經始於丙辰春間前縣長黃公東園捐白金開局於潯陽書院委紳勸捐襄事屬余總纂余不獲已爲發凡起例以遣采訪諸事方草創而捐資猝未集度支垂匱屬國會重開余亟赴都局遂散丁巳秋縣長李公佑臣蒞事續籌設局因余未歸以總纂事乞於黃少瀛先生先生以老病辭時

各門漸有分纂仍苦資盡比余歸而局已散戊午春縣長屬
余竟前緒余鑒於初次之開局而後勸捐欲速不達稍休以
待資集復值幼兒痘折未能強抑於懷瘍結右肘握管多艱
遲至八月局始復開其年冬十一月分纂稿脫局亦以資盡
而散余乃携稿東粵將總纂待刊自嫌采訪多畧或又以楊
蕭韋石諸人不立傳難饜人望已未暮春余復歸邑重訪而
五齡弱女陔爾中暑而亡情緒益惡愴然復東甫卸裝忽遭
劇瘧居數月吾家端門來促曰志猶未可刻耶余答以無資
端門曰吾先支出後取償於衆衆不能償則請同邑之仕於
兩粵者爲之助不亦可乎余然其言而同邑諸君子亦慨助

不吝余乃檢閱各稿參証羣籍舊聞或誤各爲訂正訪錄有缺時爲補詢或事非局例所容則爲增設類目自去冬迄今春增且刪謄而印者什之九旋牽鄉事重翻舊瘡日月幾何東江戰起涉夏徂秋颯驚羊石余乃避亂於番禺南村主門人鄔慶時家旣斷風鶴且遠賓朋遂獲從容成書全行付梓計五十九卷一千二百五十二頁約五十餘萬言夫天下事因易而創難昔陳穀亭先生爲吳令修資治圖志立言無多而慘淡經營歷數寒暑而始成事在創也黃雲涓先生爲袁令纂修舊志旣藉吳志以爲基復有新出孫修府志以爲之助采掇不煩故閱數月而稿脫事在因也今茲之作文三倍

兼值世變見聞是非遠異乎昔故綱目更張創多因少遂歷五稔始克出版然除去中間停擱日月積計纂修者僅歲有餘而已以言完善吾斯未信至於蹉跎幸免焉矣其分纂與經理及捐助題名已著卷首卷末不具書民國九年夏正庚申秋九月程大璋記於番禺南村草堂

例言 二十四則

一全書纂修義例已分見於各類序文中今以餘旨未盡爲補列於後

一舊志有二種一爲乾隆間吳志縮之資治圖志二爲道光間袁湛業之桂平縣志吳志書與板俱已燬沒袁志板亦燬而書存民間僅得一部始欲師範書續班書之例於舊志所已有者略而不錄恐新者存而舊者佚迺以舊志爲底本而增修之以期自漢開邑以來百里文獻久而可徵仍名桂平縣志一切紀載斷至己未年止

即民國六年

一舊志成於道光二十三年

舊志後即袁此

迄今七十有餘稔中

經咸同間之大亂重以光宣間之新政事蹟既繁則門類比舊宜增第恐其紛而無緒因倣鄭獻甫象州志例而略變通之分五大綱曰紀地曰紀政曰紀事曰紀人曰紀文其餘細目另有專篇茲不備錄

一紀政即象志紀官紀事即象志紀故官義苦狹故義嫌泛因易名政事以求該切

一清儒論修志者有兩大家戴東原務詳沿革章實齋亟崇文獻蓋戴長於經章諳於史故所言殊旨如此其實兩者俱難偏廢而舊志於沿革一門寥寥十數行文簡而事脫今別爲創作其中亦有援引原文者仍爲注明以示異同

不苟

一歷代建置遺蹟廢自清朝者入古蹟其爲民國所罷者仍分載於各類中而孰存孰圮並爲注明

一近代學者喜談金石舊志缺如理宜彌憾今以諸碑書體稱善者列古蹟中其名山摩崖及壇廟題額苟屬名流遺蹟無論字數多寡咸爲訪錄金屬自銅鼓而外如鐵柱銅鑪諸物造自明朝以前者亦爲考載此在本境志例無異大輅椎輪其中不免挂漏世有永叔明誠當資而諒之一古之志地者旨在經邦治民故山川風土特詳自宋而後喜載名勝體非不善然承其流者揚之太甚則志乘同於

文學類書論者病之今立義務廣凡地上所載善美兼取

善者利用美者陶情

哲用
孝藝
說西

匪獨山川物產城署校院爲

然至如橋梁之屬論者多志在表揚建置而今以其與水
潦經入道路來去村市位置切合故訪册所有輒不輕棄
以備閱者作思憶聯貫之助又如古蹟中古墟古埠古村
之類亦各志罕見茲以其關於民族遷徙可供舊事參稽
故亦列之非同支蔓

一紀地以地爲範圍桂平爲潯首邑府治在焉故凡有建置
無論爲府爲縣皆載之爲其在桂平地內也紀政則以政
爲範圍非屬於桂平者宜勿載惟潯陽書院藏書樓書籍

爲三十年內地方文化所自出今府制既廢潯志難望重修記載之責舍首邑誰屬故備錄其目俾後之理文教者得所依據以稽其存佚又有潯州學田潯陽書院膏火田在桂平境內者宜入紀地爲便於統核起見列入紀政田賦中俱屬變例不得已也

一桂平在漢爲布山阿林兩縣屬鬱林郡有唐頌宦績養奮賢良讎道元水經注於鬱水流經布山條稱其同軌同文金鉷廣西通志論潯州風俗云漢谷永吳陸績廸之以詩書禮樂宋明道伊川風流廣被士子益翕然向學全郡如此首邑可知而舊志於學校制度僅及清世難饜人望若

云斷代爲書何以職官人物溯及漢代將謂歷朝學制已具詳史部無煩重贅則其在清朝者亦已見於皇朝通考諸書何不一概畧之或因前代有獠獠亂事疑從前民俗未脫夷風文化難言斯尤非是攷廣西諸蠻最古者爲烏潯蠻里里一作黎烏潯在交趾郡西蠻里在九真徼外自漢時已多向化其地俱不在布山阿林域內此外有獠人出梁益之間至唐代始來攻桂州桂州者今之桂林也德宗貞元十年有黃蠻洞首領黃少卿等陷欽廉潯貴憲宗元和十二年爲容管經畧使陽旻克復距貞觀開元設學立教之日已有百年其族出自西原接連雲南大理至宋

有儂智高亦其族類據廣源作亂侵及潯州不久敗滅餘
若南丹撫水亦現於宋代而俱未涉及桂平縣境而陳坦
然梁穆諸賢且踵起矣時有祝穆作方輿勝覽云潯州民
純政簡多業儒又云鬱江東注溪蠻洞獠不際其境民之
從化豈徒然哉此蓋實錄也

或以迄隋唐無平遠舉姓自六朝

不知於六邊之九品中正族無京邑試士人應舉須

何有於六邊之九品中正族無京邑試士人應舉須

非乞憐州吏始蒙介薦也粵人賈直拙於試既求獎則憑被取解自

唐登科踰無人讀其書應明微之不然則在漢而有養自唐對策前登載

州後郡始與桂平自清乾隆以前邑中物華州郡志亦見

多府志亦憑藉明代始作去免書缺有聞此廣西所同又聞必

桂平爲然矣書中風俗門有獠種族豎而詞有未盡重詳於此

若夫獠人爲漢之五溪

蠻其踪跡在今湖南南北常澧辰沅荆宜各郡邑間魏晉時率族北遷唐宋而後始蔓延嶺外元世潛由柳州融縣侵入平南明洪武八年始有藤峽之亂而學校選舉之在明代者則灼然可考蓋獠人遷徙無常不能以其地之有無其族定其文化之深淺故今編學制沿舊志職官人物之例斷自漢始其文出於舊志或舊志缺略者仍爲叙明以存其跡惟戶口兵防電田賦稅課祭費祿餉之屬隨時地而異其制則著錄必以於見府縣各志者爲斷與記學制殊例

一桂平屠捐因清末設立練勇四哨而起當時養民練不得不捐民歛此實一時權宜之計然名之爲捐則非國家經制與稅課迥然不同始欲刪去不錄旋以所入既鉅行之且久亦邑內一椿大事豈可不載之以明其原委今以案語附於稅課之後當亦關心桑梓者所願覽焉

一舊志風俗僅詳節令原非尙簡蓋自漢至清二千年間六藝之文五倫之教與夫冠婚喪祭起居飲食早已九州同風細節或殊大體無別詳之或嫌於贅若在今日則俗隨政變教隨俗易始萌孽於海疆漸浸淫乎內地目前以爲陳言者他年將以爲奇聞古事故舊志所畧俱爲補錄時

代既殊則記載之詳略亦異遠識之士當謂知言

一風俗內言語一門爲舊志所無而他方作者多有茲例但

其所務在同中求異往往名本古雅因聲轉稍遠不窮其

源遠代以別字或爲造新字以炫異聞

俗如許禹人曰獠而

不知獠之爲老謂子曰愚而不知子字舉是故言者非正

音之字有楚辭可証如是之類不可枚舉是故言者非正

異之其而今所述則在異中見同凡境內語言聲音僻異

爲南北官語所無而淵源於周漢古書者畧爲証明其所

自出一以便於學校教師疏通古訓一以見國內無論何

方多屬言之有文文依於古則文合而語言之分者可因

文以求合

言科學名詞爲古今方

所無者不在此例文離乎古則文分而語言

易合者因文而更分世之爲文學者始欲廢古語從方言
繼又欲廢方言從國語未免好勞拳拳之意實與他方異
撰惟時促不能多述但祇隨意舉錄仍望閱者補所不逮
一桂平兵事自漢及隋間有紛擾皆隨起隨滅惟唐德宗貞
元間被黃蠻洞首自遠來陷歷二十餘年前見爲時雖久而
占地猶未廣也至明大藤峽徭始洪武迄嘉靖屢征屢起
騷擾及於兩廣而終不及金田一役據有長江南北頡頏
清朝之大其事爲世人所欲聞然志爲桂平而作故事亦
以桂平爲限今以道光二十六年洪秀全等拜會於紫荆
山起至咸豐元年八月由新墟趨永安止其未趨永安以

前清軍自桂林遠來與戰雖未入邑境者亦爲述及以期
一邑內事始末瞭然金陵首領以楊章蕭石秦陳諸人爲
最著別入列傳不入紀事範圍

一方志列傳與國史所作寬狹殊途昔孟子論善士有鄉國
天下之分以此爲推則省志所錄人物行事當寬於國史
縣志又當寬於省志故上者貴乎文簡事賅不然則與其
文略而事佚毋甯文繁而事備蓋文繁者千年後猶可代
修事佚者百年內已難追溯孰得孰失無待煩言

按志
畧文
傳

史通義已言之再三要其大旨不外史采於志
於史志畧則史更難得其詳而人物言行去取寬嚴當
於因乎志體大小則求之及今列論
於此以表作旨並待高明正論

今篤循斯旨不敢自鳴

高簡致幽光沉沒若有以孔父題墓魯哀作誄相責實病

未能

尊玩他志傳文每多失畧雖名宦鄉賢美譏不載

事實例如旌鄉則曰公平正直作吏則曰卓有政聲無
異排列銘旌鄉則曰公平正直作吏則曰卓有政聲無
知列蓋由子孫拙於文辭不能誦述及墓修時棄去則傷不
補訪則無及勉強照登實非得已並不能以此爲圭臬惟
今此墓修其猶病諸而論者猶謂過於敷陳爲辨於此

男女殉義一事已足千秋暨婦女守節年例相符則不必

其平昔有別善可書亦須入志始已次第列表後嫌奪篇

幅因以類附各傳之後錄其名氏注明爲某年某事而死

及守節年歲非徒省簡冊而閱者因類以稽亦稍便焉

一列傳事蹟少而官階多爲史學家所詬病而是編因選舉

表載登選各人出仕有傳者俱注云職銜詳傳

因造表時以職銜多

寡不一則表文疏密不齊易占篇幅故設爲斯例

彼略則此詳例無一定是在智者觀其會通

一紀文爲象志所無其說云章實齋論修志欲於藝文專門外別增文徵一門謂藝文只載書名文徵可收衆作殊不知志地方何與於選文字彼果有關於地方利病建置名勝已細注於各門各條之下其他作家名篇當於本人傳中及之豈必以刊志者代人刊集耶云云按章鄭兩家之論各有是非夫方志者史部支流如章氏言則以文徵一門廣收衆作以脩志任選文厠史部於集部於例爲不純

然如鄭氏言以各文細注於各門各條之下詳之則卷帙
厚薄割配爲難略之則全豹未窺無殊判事之家毀改憑
証何以昭信來哲又若諸家書目有傳者自可列入傳內
其無傳者將何所歸

目存及散佚民間未能
搜獲者其日終無所附

始欲仿明儒學案及漢學師承記傳
例撮各書大旨爲著者立傳而書亡傳

立紀文例師章氏文徵而範圍特異書目必爲邑人所著
詩賦文錄必關於本邑建置利病以及古蹟名勝用以佐
紀地紀政紀事紀人之不逮質之於經如六藝之外別有
論語經不可借而考之於史如杜佑通典各門之別載禮
未嘗不可學論方諸蕭統文選姚氏類纂區以別矣

一 援引各書凡言袁志或言袁舊志或但言舊志者皆為道光間知縣袁湛業所修桂平縣志其言夏志或夏府志或但稱府志者俱為光緒間知府夏敬頤所修潯州府志外此俱有專名不能相混

其注采訪訪冊補訪等字或竟未注者俱屬新增

一 舊志作者固負一方之譽原不欲更動原文以掩其功惟今時勢變遷綱目既已不同則諸事部居不能無所移易故保甲鄉規舊志附墟里今入民治各里民情舊志亦附墟里今入風俗學田膏火舊志在學校今入田賦祀典祭資舊志為專篇今移與祿餉同卷

舊志祀典不能不載祭儀僅列祭資自不能不以此

為本類正文今編祀典已詳載祭儀物品故移資於食貨與祿餉同卷以便稽覽

石灰糞田利

病舊志在物產今入民業諸巒風土舊志爲專篇今附風俗銅鼓鐵柱舊志俱在雜記今入金石全邑八景舊志亦在雜記今附古蹟之後至如人物舊志分賢能良善辭章耆壽列女今爲賢能師儒文學果行耆壽列女而殿以楊蕭韋石諸人爲類既殊故其中移易尤多今略爲揭出俾閱者於新志中略窺舊志面目

舊志序例目錄詳記
文書目考內可參看

一纂修得失視去取當否昔朱竹垞喜臨安志詳紀曉嵐美澗水志簡其實志之優劣不在乎是比而較之則與其失於簡毋寧過於詳

澗水志外有朝邑縣志二卷二十四頁
晚風謂其不可無一不容有二則紀亦

非專以簡爲貴前論縣志列傳宜寬於正史猶是各方通則就桂

平論更有不能簡者舊志駭要絕無支蔓而卷數十有六
頁數三百七十有六若不問是非而惟簡是務則必遠師
激水其書不過四十有四頁於舊志已不能容何況新增
各事不能簡者一先輩遺集多數板燬言天下之治亂猶
可節刪記桑榆之利病焉可輟錄不能簡者二士務眞修
不求文以顯譽故行述壽序之作無多俗重風水遷葬無
恒故碑誌墓銘之刻亦少所藉以流傳盛德者除邑志無
他書不能簡者三同光而後國故發舒光宣新學載馳載
驅選擇而載猶苦書胥不能簡者四是編之作固不敢徇
情濫登更未敢任意抹煞世有疑者願鑒斯言

一志例隨作者異同攷據義理詞章小說家數攸分輕重斯別要以折衷於經史者近是然文體當無一定夫詩書易禮春秋之文固各自爲體而馬遷史記亦後濃淡兼備莊趣雜出滙萃衆流不拘一派況志乘中山川景物鄉土雜記壇廟亭閣橋梁之屬於正史中見者殊少則稗官外史之作暨陳留風俗荆楚歲時南方草木之狀洛陽伽藍之篇凡如此類多有可師編者但求辭達未暇論文惟不敢以一家繩尺自縛

一修志爲公家著述財用既有定限歲月亦難久延故作者千百傳者殊稀是編隨修隨印並非全稿贍正再三磨勘

然後付梓故有心知其非而未及檢正者茲爲舉出如下
以待他日再版時更正 一邑人任本境武職者宜列入
紀政職官而訪冊登入仕進表致職官內武職姓名寥寥
纂時未及檢移翻以武人久任故人數不多爲疑 二祀
典專載文廟釋奠釋菜諸儀在今日爲亟不容已纂時但
詳錄近制取其完備而逐條沿革適值亂離猶未注出
三紀事下編卷頁繁重宜分析爲二擬自清順治至道光
爲中編咸豐以後爲下編與上編共爲三編今猶未果又
其中記洪秀全事出纂者口氣當稱洪軍或稱洪黨若錄
清朝諭奏宜照錄原文不能竄易此爲記載公例纂時未

能一律 四紀文內詩賦文錄作者籍貫職銜未遑注出

五清末興學校創自治各書稟文多洋洋千言未及訪
登 六耆壽傳中其人存歿未經查注

一校讎之事財慳人少加以活版字印訛脫勢所難免擬別
爲校勘記以附於後

木
之
果
二
八

蘇
子
雅
學
PDG

重修桂平縣志銜名

主修

知

桂

平

縣

事黃占梅

知

桂

平

縣

事李本銘

知

桂

平

縣

事古濟勳

總纂

國

會

議

員程大璋

分纂

清

拔

貢

威

甯

知

州李文瑞

清

進

士

鶴

慶

知

州馮舜生

清舉人直隸知縣蒙啓謨

國會議員程修魯

清拔貢廣東直隸州州判楊篤生

董事

清廩生李獻瑞

歷知岑溪鎮溪縣事梁湛霖

校對

溇州中學堂畢業生陳仲懷

清生員黃登豐

采訪

馮俊鎔

區禮風

梁心源

韋顯章

梁柏年

侯棟生

姚湘嵐

梁萬軒

黃翰開

梁拔才

曹月田

本

之

序

一


一

蘇
氏
學
堂
PDG

主
下
系
志
街名

三

粵東編譯公司承印



桂平縣志目錄

序 三篇

例言 二十四則

卷一 星野

卷二 氣候

卷三 沿革

卷四 山川上 山 巖洞石在內

卷五 山川下 川 井潭 湖 泉 渡 泓 塘 內池

卷六 關隘

卷七 方域

紀地一

紀地二

紀地三

紀地四

紀地五

紀地六

紀地七

卷八 里甲

紀地八

卷九 墟市

紀地九

卷十 城池

紀地十

卷一一 廨署

紀地一一

卷一二 學校上

舊學校

紀地一二

卷一三 學校中

新學校

紀地一三

卷一四 學校下

書院 賓典

紀地一四

卷一五 壇廟

附祠產

紀地一五

卷一六 亭閣

紀地一六

卷一七 橋梁

附石路

紀地一七

卷一八 物產上 動物

卷一九 物產下 植物

卷二十 古蹟 古廡城 古亭閣 古學校 古金礦石

紀地一八
紀地一九
紀地二十

卷二一 職官 官制表 列傳

卷二二 祀典 紀政一

卷二三 學制上 舊制 紀政二

卷二四 學制下 新制 紀政三

卷二五 兵防 附監獄 紀政四

卷二六 郵傳 附電報 紀政五
紀政六

卷二七 民治

紀政七

卷二八 食貨上

戶口 田賦 學租

紀政八

卷二九 食貨中

民業

紀政九

卷三十 食貨下

倉儲課 祭資 祿餉 卹例

紀政十

卷三一 風俗

附 盜 獵 種 族 攷

紀政一一

卷三二 紀事上編

自漢 武帝 元鼎 六年 至 明 崇禎

紀事一

卷三三 紀事下編

自清 順治 四年 至 民國 八 年

紀事二

卷三四 列傳一

賢能

紀人一

卷三五 列傳二

師儒

紀人二

卷三六 列傳三

文學

紀人三

卷三七

列傳四

果行

紀人四

卷三八

列傳五

藝術

紀人五

卷三九

列傳六

耆壽

紀人六

卷四十

列傳七

列女

紀人七

卷四一

列傳八

楊蕭章石諸人

紀人八

卷四二

選舉上

文科

紀人九

卷四三

選舉下

武科

紀人十

卷四四

仕進

紀人一一

卷四五

書目

紀文一

卷四六

文錄一

山川之文

紀文二

卷四七

文錄二

城池麻署學校之文

紀文三

卷四八

文錄三

壇廟之文

紀文四

卷四九

文錄四

樓閣塔橋石路之文

紀文五

卷五十

文錄五

物產之文

紀文六

卷五一

文錄六

古蹟之文

紀文七

卷五二

文錄七

職官祀典食貨風俗之文

紀文八

卷五三

文錄八

紀事之文 附紀人之文

紀文九

卷五四

賦錄

紀文十

卷五五

詩錄一

氣候山川關隘之詩

紀文一一

卷五六

詩錄二

城池之詩

紀文一二

卷五七

詩錄三

環廟之詩

紀文一三

卷五八

詩錄四

亭閣樓榭各古蹟之詩

紀文一四


卷五九

詩錄五

紀事之詩 附諸號風十詩

紀文一五

附圖



蘇子瞻
名
PDG

桂平縣志卷一

紀地

星野

桂平古布山縣地郡屬鬱林漢書地理志爲牽牛婺女分野
晉天文志爲入軫十一度餘夫越地自東至西相距頗遠宋
蔡戡以越東界北接吳屬星紀西界北接楚屬鶉尾桂平在
綉水之西牂江之北故知其非應牛女矣况晉書以零陵入
軫十一度始安屬零陵郡桂林以南不當入軫耶顧星土書
鄭康成謂已亡後人執方位以求旣不能合取廣狹以準亦
不能符嘉興徐發雖有地皇甲申分星之說恐不足據且禮

記引緯書考靈耀謂星一度統地二千九百三十二里則軫宿度分其桂平一邑所能專耶舊志繪圖置說未免尙屬通套茲故畧之惟北極之出地高下各處不同若盡如諸志不著明即無以相見其地之所直近人測算以桂平北極出地爲二十三度二十七分三秒則比歷象考成所定京師極高四十度五十九分三秒數少十七度三十二分比省會極高二十五度一十三分七秒數少一度四十六分四秒雖分秒不能無差而以度分里數計之桂平去京師當不滿四千四百里通志謂八千四百七十里以道路紆折言也去省會不滿五百里通志謂八百七十里亦以道路紆折言也知此而

晝夜短長寒暑進退並可細求至各地偏京師東西幾度又爲定時刻先後所關近人測桂平爲偏西六度三十六分則比歷象考成所定廣西偏西六度十四分四十秒數多二十一分二十秒雖分秒更不能無差而以度分應時法計之節氣朔望比省會僅早一分餘比京師則早一刻十分餘用其數爲此地減法將奉行政典如花縣班春霜辰祭降固罔至後時即下至民間興作亦咸有所準非若空談星野者之無補也

以上俱錄舊志星野之說爲近來治地學者所不言然今航海者猶必仰觀天文蓋測地之遠者山川河阜不能作

表識則指星次以爲準此分野之法所由興若夫天上地下之相值位置能無差誤此因於術之精粗非古法之無用故存之以待學者

又桂平在漢爲布山與阿林在隋爲桂平布山阿林皇化大寶唐世分析尤多詳沿舊志云桂平古布山縣地乃省舉

之詞

桂平縣志卷二

紀地

氣候

附舊志論煙瘴

地理之繫於民俗教化至切也而氣候尤其大端昔堯命羲和揭星鳥星火星虛星昴之象以示人並省四方東作南訛西成朔易之異是爲講輿地者言氣候之始至禹作洪範則風雨寒燠列入庶徵春秋戰國之間有裨竈梓慎之倫復以占候定人事吉凶後儒多非之然其數難言而其理可徵虛者難知實者可測攷王制凡居民之材必因天地寒煖燥濕廣谷大川異制民生其間者異俗剛柔遲速異齊五味異齊

器械異宜此則古今儒流所莫能非者實諸西方地學家言更與此相應自來作志者咸莫能廢先例不可違也今以寒熱風雨霧露霜雪冰雹次第列下又桂平舊屬舊稱瘴區近數百年已無此患舊志辨之詳矣因並附焉

寒熱 縣地隸嶺外漸近赤道日光直射之期比他省爲久故論帶度宜寒涼少而溫熱多大約自三月至九月皆爲夏候自九月至十二月爲秋候自十二月至二月爲春候其可稱爲冬者不過十二月中數日或十數日而止若無海氣之侵入則斯例當常年不變惟地近海疆水氣蒸騰能減太空熱力遂至寒熱情狀起伏無常夏秋候相等而夏天雨氣多

故夏不熱而秋熱冬春候相等而春天陰雨多故冬不寒而春寒總言之晴熱而雨寒是以昔人詩云四時皆是夏一雨便成秋惟每年二月十九觀音誕日必寒然是日必有陰雨風 縣距海不遠而阻以高山叢嶺故海颶罕至舊志自元帝至十二年及清乾隆十八年二十七年颶風僅二次近日西山樹被風折多株事非常見尋常夏來南風冬來北風而在十二月前後恒有寒甚而忽轉南風者謂之回南南風起雨作天冷而北風至謂之轉北

雨 冬春間常數十日霏霏不晴及七八月間則常數十日不雨夏天雨大不勻或有同在十里之內此處滂沱而彼處

日烈者謂之分龍雨曬日而兩者謂之白撞雨又名白曬水雲朶經過而雨爲過雲雨五月十日後雨爲磨刀雨

雷 每歲十二月初雷聲即起蓋有霜無雪之地則雨水早而隆隆之響亦必先來此嶺外之所同不似他處待至春深乃聞雷鳴也

霧 地上水氣升於空中爲雲或因地氣暖天氣寒壓水點不能上升則停而爲霧多在山麓江岸間春正月後即有之露 起於九月比他省爲遲因秋氣含熱水不凝聚之故舊志載宋眞宗咸平二年甘露降潯州大中祥符六年冬十一月甘露降當冬深而有露此嶺外自爲天氣也

霜 起自十一月間至十二月乃有白屑敷於草面然亦非常見

雪雹 雪數十年而一見雹則常有嘉慶二十四年冬十一月二十二二十三兩日下雪如棉花道光十五年十二月二十夜大雪光緒十八年壬辰十二月二十日夜半下雪地積寸許山陸俱白翌午方消然形堅圓小如綠豆墮瓦有聲無飛花六瓣之觀蓋色則爲雪而形則爲雹因高處雨點墮半空陡感冷氣顆顆降下非若北方之雪爲雲氣逐漸釀成與雹之構造正同但縣內之雹成於春春雨大故雹大似雪之雹結於冬冬雨微故雹體亦微人遂以雪目之耳

冰 每歲十二月正月之交陰雨沈霾淺水小溪時有薄冰拾之即融亦非常有但數年一見而已

凡此皆嶺外氣候所同不特桂平爲然攷禮記月令仲春始雨水雷將發聲孟秋涼風至白露降季秋霜始降孟冬水始冰仲冬冰益壯季冬冰方盛冰澤腹堅皆與縣內相差求其所以然亦因乎縣內夏氣多春秋氣少冬氣則絕無僅有故不同耳由是農家耕種可爲兩造草木蔬果之生辰亦因此而異齊民要術所論種植時節固不能盡依矣因地制宜理難違背若挾其海外夸大之見以變易地方所宜則無異毀瓦畫墁非惟無益而又害之

附錄舊志論瘴氣

桂海虞衡志二廣惟桂林無瘴自是而南皆瘴鄉矣瘴有
青草黃梅新禾黃茅等名據此所云乃六七百年前志語
也歷宋元明以至於今我聖朝光天化日甘雨祥雲其覆
耀而涵濡之者又二百年於茲矣東西南朔極數萬里之
輿圖人樂雍熙物無夭札而况桂邑爲禹貢荊州之近地
乎昔之所謂瘴者不獨桂林無之梧潯以上之郡縣皆無
之極之泗城西隆之重山峻嶺人迹罕經之處亦無之舊
通志謂草木壅翳蛇虺出沒者概乎其未之見也至閔叙
粵述謂草卑土薄陽氣常泄人居其間湊理不密膚多汗

出往往致病夫陰陽癘癘何地無之而以歸咎於其地之氣候殆亦不必然矣惟本縣吳志云桂平寒暖得中霜雪稀零林葉弗換北人宦遊旅客者不畏隆冬而畏溽暑府志謂潯州四時常花三冬無雪夏不熱而秋熱冬不寒而春寒又謂人煙漸密則草木之陰翳漸除開墾亦多則山川之瘴癘日遠乃寔錄也但近此十年中春至二月後卽漸覺融和夏熱而秋暑不久至於冬至後竟有重裘彌月者此其氣候亦頗近於中州矣惟樹葉不脫於秋而脫於春隨脫隨出雨澤每苦於春而連於夏晴少雨多五六月間有日出而下雨者謂之白撞雨又謂之過雲雨七八月

下夜雨晚禾最宜謂之秋霖夜雨此皆氣候之常然而無所變易者總之地有氣而天有時氣候雖有不同陰陽本無或異加以金甌燮理玉燭調和雖極之冰塞大山莫不被春溫而承秋肅又何限於八蠻之遠而憂乎五瘴之傳也哉

按舊志但言瘴氣之消滅而未及水質之變攷府舊志云潯州禹貢荊州之域分野軫十一度江水腥濁發源交趾諸山流出皆孔雀所糞巨蟒所浴水色時而碧時而紅穢濁不可近舟人以礬澄水加以雄黃然後飲之中毒者仍十居九八惟連皮綠豆泡湯灌下極效驗他方多無益也

貴縣志引

此亦最舊之情狀今南河水清澈城中飲水者必取於南河而以井水爲浣濯之用未聞有飲江水而致病者凡舊志所云詢諸八旬父老無有知者意國土因人類之繁殖雖僻隅偏壤氣候亦由是而變越南交趾爲地固遠而孔雀之產漸稀巨蟒之跡亦滅則水毒之說今固異於昔之所聞矣

桂平縣志卷三

紀地

沿革

志地首問沿革沿革明則歷代分合同異範圍廣狹劃然可辨而後政治布施人物生產或留或去得其標準舊志於此載有專篇而頗嫌疏略且布山之屬於桂平非屬於貴縣未能證明又縣治實在城西而誤在今縣治此其疏也今本原文增修爲正其誤而補其所未及斯亦鉛槧中常事非敢以後學輕議先賢也

桂平歷代地理沿革如下

唐虞

三代

屬荆揚徼外

以上袁
志

七國

越爲楚所滅諸族子分散江南海上各稱君長號百

粵時縣屬在內

以上袁
志據

秦

始皇略定揚越謫戍五方南守五嶺後遺任囂攻取陸

梁之地遂平南越爲南海桂林象郡縣屬桂林

本史記
及通典

二世末趙佗據南越并擊桂林象郡

袁志

縣屬南越所有

漢

高帝遣陸賈使和輯百越武帝元鼎六年置蒼梧南海

七郡鬱林與焉

本袁志
有蒼梧交

七郡者自南海鬱林

爲縣十

二一定一周八增食九中留十林四林十鬱一領方十六臨雍七縣爲

布山阿林

地理志

按漢鬱林郡屬交州

附攷

袁隲業志云治爲布山或云布山乃貴縣地惟阿林爲桂

平今縣治乃布山遺蹟矣

按袁志桂平縣署地年代荒遠微

信無從存而不論可也則此袁志所
云實沿吳志之舊特未標注出處耳

貴縣志

光緒癸未年修本

布山縣考云漢鬱林郡本秦桂林郡地

元鼎六年開郡更名鬱林今潯州府貴縣卽郡治領布山

今貴縣及桂平興業地

阿林

今桂平縣地

中留

後作溜今武宣縣地

等十二縣後漢

因之惟領少雍鷄一縣歷吳晉宋齊皆沿襲郡名治布山

及梁始易郡置定州後改南定州領縣三治布山

今貴縣鬱

平

業今與縣

阿林

平今桂縣

陳仍梁制隋平陳廢郡改爲尹州大業

初改爲鬱州旋復爲郡廢武平龍山懷澤布山四縣入爲

郡治

今貴縣

考其時尙領有阿林一縣

平今桂縣

據此則布山當

爲鬱林郡治

貴即縣今

而阿林

平今桂縣

乃鬱林郡屬邑也故輿地

廣記載桂平縣本漢布山縣地鬱林郡所治也猶之興業

縣亦載布山縣地其地同歸布山管轄實非布山舊縣水

經注云鬱水東逕布山縣北鬱林郡治也又東入阿林縣

潭水

縣即北

今桂平

注之則布山附郡在上流而阿林在下愈

覺曉然蓋布山之在鬱林郡治譬今之府城首邑後割布

山地併阿林爲縣而舊名亦屢易然古鬱林郡既在今貴

縣治則舊布山縣卽在今貴縣治若徒以布山之地而論
又不獨桂平一縣爲然耳廣西通志載郡縣沿革布山縣
之下皆分注貴縣及桂平興業縣地此一証也又通志沿
革表於貴縣之下大書布山縣者五均注鬱林郡治而桂
平縣之下分注布山縣地者四而阿林縣則大書直書焉
古人詳爲分別若此似不爲無見雖通志撰於前明而廣
西郡邑圖志宋李上交著上 早見於宋史其時去古未遠圖籍堪
稽後人慎勿執臆見而曰訂古人之誤可耳按今貴州城
在鬱江之北唐代遷建者舊鬱林郡城在鬱江之南
漢陸績所築依水新注載鬱水東逕布山縣北云云

夏府志云桂平本漢布山通志乃繫於貴縣謹案貴縣於

唐爲貴州新唐書貴州理鬱林縣舊唐書理鬱平縣通典
寰宇記廣記紀要諸書皆以爲漢廣鬱縣地則貴縣原非
布山惟陸績顯朝岡在鬱林縣北二十里元和志寰宇記
載之似郡治又在今貴縣然舊志縣南有鬱林故城相傳
爲吳陸績太守所築在紀要旣以爲未足據至嚴子進補
志并以布山繫鬱林州下則更混入今鬱林矣嘗攷通典
桂平漢布山縣地舊唐書寰宇記廣記桂平漢布山縣鬱
林郡所治紀要桂平漢布山縣鬱林郡治此一統志布山
廢縣在今府治西五十里則亦桂平地是諸書皆以桂平
爲布山此外屬布山地者惟平南之大同陽川二舊縣見

於元和志他無聞焉蓋大同陽川仍與桂平之宣鄉接壤於貴則不相屬也而通志云爾者殆因隋廢布山武平入鬱林縣而誤及與

按漢代布山爲今桂平非今貴縣布山治在縣西五十

里

一府之統志及方輿紀要皆言府西即趙里之古城古

東塘汎里數十餘里每十里值今七里也非在今縣治袁

志以爲在今縣治實沿吳舊志之誤未加攷正辨見卷二十古蹟內漢布山廢縣條下茲不暇論惟貴縣志以貴縣爲漢鬱林郡治布山爲漢鬱林首邑卽今貴縣而以阿林專屬桂平其說亦本於通志通志之誤夏府志

已辨之於前而詞有未盡又貴縣志據水經注云鬱水東經布山縣北東入阿林潭水注之潭水卽今桂平縣北江則布山附郡上流而阿林在下愈覺瞭然云云攷水經注作於酈道元在通典寰宇記新舊唐書之先若未辨其援引之誤則貴志証據爲強而布山爲桂平之說難信夫欲明布山非貴縣第一當知漢鬱林郡治不在今之貴縣攷貴縣爲漢之廣鬱非爲鬱林夏府志已舉新舊唐書通典寰宇紀廣紀紀要諸書以爲証無庸再辨第二當明興業非布山縣地若興業爲布山縣地則貴縣之爲漢布山縣治猶爲近似然興業置於唐朝

而新舊唐書及杜佑通典俱未言其爲某代某地後出之書定爲布山縣地果何所本况輿地紀勝並以興業爲漢廣鬱縣地理韻編亦依之據此則貴縣志以桂平不過爲漢布山縣地實非布山舊縣而欲舉興業爲例其說可破第三當知貴縣志引水經注有二誤一刪截注文之誤按水經注原文云東逕布山縣北鬱林郡治也吳陸緒謂子績曰從今以後六十年車同軌書同文至太康元年晉果平吳又逕中留縣南與溫水合又東入阿林縣云云攷中留卽今武宣見地理志溫水亦兼稱鬱水並見水經注細玩注文鬱水旣先經中留縣南今武

中宜在桂平南東北桂平或在武宜西南似當爲
留縣西南徒言南或省文約略之詞

乃東經阿林則

其地當在今縣東軍陵里東塔之上下爲鬱水別稱至

於阿林則在今縣南東達於吉一二里北臨大江

據寰宇記阿林

在河州東南百二十里而隨之是化唐之補州常林
郡縣俱其遺地見新舊唐書及通典地多在今縣南泉

化在今軍陵吉一二里之間據此則所謂逕中留縣南與

溫水合者言鬱水流經今北江之下東塔之上也所謂
又東入阿林者由東塔以下流至吉二里也由此而推
則所謂東逕布山縣北非貴縣之北乃今縣治之東南
嘗以行舟所經按之新刊廣西輿地全圖鬱水至貴縣
後即向南流迨及桂平縣境則折而向東復北趨縣之

東南與黔水合以水經注文証之曲折相符貴縣志乃刪去原文吳陸績以下三十九字於是讀者不知其間有逕中留縣南與溫水合一語徒以東逕布山縣北鬱林郡治也東入阿林潭水之十九字爲據遂妄以潭水之西卽爲阿林恰當今桂平阿林之西爲布山恰當今貴縣其誤一二不攷僞字以經文爲註文之誤據朱謀瑋水經注校本潭水注之之字爲溫字注云潭水注之實爲潭水注溫此是經文雜入注中試以經文証之如存水出犍爲郁鄆縣東南至鬱林定周縣爲周水又東北至潭中縣注於潭而潭之去處無文又溫水出特何

夜郎縣又東至鬱林廣鬱縣爲鬱水又東至領方縣東與斤南水合東北入於鬱而鬱之去處無文惟經文東北入於鬱五字後注文內東入阿林縣五字之下有潭水注溫四字若抽作經文則此四字恰爲溫潭兩水之結束於文字次第亦順更以注文証之於經文東北入於鬱後叙鬱水由夜郎東經談彙牯東南逕毋歛縣又逕鬱林廣鬱縣爲鬱水又東北逕領方縣卽繼以前所引東逕布山下至東入阿林縣五十七字可謂經因注明注爲經作不溢不漏則其下潭水注溫四字必另爲一行原屬經文無疑貴縣志沿用譌本以溫爲之認

經爲注遂謂潭水直注阿林不知以完全注文玩之溫水實在縣之東南阿林實在溫水之東若謂潭水直注阿林則潭水當爲大黃江而非今北江矣貴縣志知其難通不得已隱去注文逕中留縣南與溫水合一語以求曲合其說尤非實事求是之旨其誤二攷四庫全書總目言酈道元水經注傳寫多譌自明以來無善本經語注文率多混淆貴縣志所引蓋非可信之善本據此則彼以鬱水東入阿林潭水注之兩語定桂平爲阿林而非布山之說可破第四當知漢布山縣地之範圍前據一統志及紀要云布山在府西五十里此徒就城治而

言今攷唐有大賓縣爲布山縣通地在潯東四十里實

卽爲今姜里地實姜山有陵江縣在府北漢布山縣地要

亦爲今崇姜里地見方輿記并以夏府志所言大同陽

川二里觀之則府城以西潭水今潭水以東下至平南

西境俱在漢布山範圍而貴縣志以阿林爲布山下流

之說更可破夫攷古者特以明是非當無此疆彼界之

見布山之或爲桂平或爲貴縣何關兩地之榮辱而研

求沿革爲治地學者所難苟故先列諸說而辨証如左

晉南越爲郡十七鬱林與焉屬廣州爲縣九縣仍爲布山

阿林武興新邑廣平鬱平領方宋齊因之

梁 置桂平郡縣爲郡治桂平二字始見於此布山阿林二

縣仍屬鬱林

按漢時自今縣治以東至平南東境爲之觀其遺地梁置桂平郡蓋布山阿林二

於隋之大業縣由桂平可詳則後

隋 南越外爲郡十八永平鬱林與焉

按鬱林郡梁置定州改

初爲尹州大業初改爲鬱州 永平爲縣十一鬱林爲縣十二縣爲桂平阿

林皇化俱屬鬱林郡

與鬱林鬱平領方馬度安城甯浦樂山石南領山爲十二皇化又名宜

二里開皇十一年拆阿林置在今吉平 又爲大賓屬永平郡

與永平武林隋建安五年拆甯人淳人隋安普甯爲十一

並賓山之蹟陽

按隋以前有武平縣建置無攷隋時與布山縣俱廢入

鬱林

今武平縣在

唐

南越外爲州七十潯州繡州與焉屬嶺南道

四輔州置武德

蓋阿林縣地在今天縣南潯州貞觀七年置其地在今天縣後西

及縣東北各里入焉嶼州地始置南當時縣地爲桂平宣

化大賓屬潯州

屬大賓地見隋武德四年屬藤州貞觀三年

州屬桂平州十二年以武德州屬州旋復州宣化即皇

化州見隋武德間風興州旋風州又爲常林羅繡阿

林屬繡州

常林羅繡皆以河

按杜佑通典載邑境在唐代爲兩州六縣乃據貞觀十

二年以後之制其前別有陵江縣屬潯州地在今崇姜

里卽明代之崇江里貞觀十年置十二年省入桂平又有歸城盧越兩縣屬繡州武德四年析阿林縣置貞觀六年省入常林仍移治廢歸城故城盧越省入羅繡

見俱

新舊
唐書

五代 繡州潯州俱屬南漢潯州領桂平皇化二縣大寶省

入桂平繡州領三縣仍唐舊制

夏府
志

按袁舊志云五代時潯州屬有桂平楚南漢以桂平屬

爲潯州治

宋 南越外爲州三十七潯州與焉屬廣西路

開州寶五年
繡州以其地廢

人容州
普甯縣

領縣二縣爲桂平

與平南爲二
屬貴州併省皇
開寶五年桂
入焉六年桂
復平

省屬 潯州 羅州 既廢併 桂平之統各縣而為一自斯始

元 設潯州路屬廣西道領縣二縣屬仍為桂平

皆乃 宋舊

明 改潯州路為潯州府屬廣西布政司領縣三

以洪武二年 貴州為

貴州 屬 桂平與焉

清 沿明制為潯州府廣西省領縣四

以象州 武宣 馬

之縣屬仍舊

民國 廢府存縣制仍清舊

桂平縣志卷四

紀地

山川上

凡民性風俗學術生計皆因於地理而尤以山川所繫爲切攷禹貢每述某州必以某山某水爲界其例最古今按縣內河流多山嶺立名村墟亦多以山水取號亦猶行古之道也然則欲周知居民情狀以資敷政舍是奚由哉昔爾雅之興山川立爲專篇周官之制山川設有專職史記著河渠之書桑欽有水經之作及郭璞著經專名山海自是作者繼起益以山川爲重今沿舊詳叙非徒以供詞人馮眺資料而已

山

凡山嶺石巖洞坪俱入此籍

舊志叙此分方排列實本山海經舊例惜采訪太簡府志稍詳而凌亂無次今合舊志府志並訪冊所報校而錄之仍依舊志序次更逐方標目醒觀關隘險要別爲他卷

西方諸山

西山 一名思靈山靈水出焉靈或作陵在城西五里故名
西山宋以前縣城居此山形上銳下廣蟠根數里如荷葉倒
蓋又若巨網自空中倒撒復若大人端坐左右張手於椅欄
也城西諸山以十數體狀向背各別獨此山儀度端正東與
西門相值馬來山側立右背有如輔相北山自左肩後伸出

如椅屏半露東則木魚嶺橫拱山麓南則雞翼山胡蝶嶺從
列待命北則福船嶺橫拖於左麓咸若爲此山指揮故舊志
以爲郡之主山而城內文武公廨府縣文廟學校書院皆坐
西向東而以此山爲枕焉路徑出自西門入桂山村踰官橋
上木魚嶺東過茶亭沿松徑數十武稍南羣卉交映綠陰滿
天蒙蒼荒翳露小石橋西折有石級穿林罅入山門平岡斜
衍南壑北澗佳境漸開又數十武爲唐李御史祠祠三進內
供李明遠像別建詳壇壝末祠左原有小池蓄水今填植竹樹旁
穿小徑出祠後爲洗石庵別建詳壇壝末倚山東向有上
中下三座中座上爲文昌樓座右壁閣門外爲廳事東向前

有小園花草鮮妍光景優美文昌樓左爲半青閣閣下左眺
長林柵立遠處流泉潺潺于簷下蓄之以池不事提汲而
湯沐浴如右爲妙虛樓樓右外眺高邱叢木壓拂窻簷舊日
棲霞亭疑在此處

及府志遺蹟云棲霞亭在西山洗石庵右同治間張榮祖重建

石級數武折西升老松散佈鱗幹爭騰奇石雜陳俯仰蹲偃
欹正殊姿嫩苔枯蘚渲染斑駁蔚草披離畫圖罕有又百餘
武密樹遮空叢草填壑炎陽斷隔清泌有聲旁有巨石題碧
雲天三字爲此地寫影又南折西向爲龍華寺寺左舊有望
鴈亭右有畫亭今遺址已沒寺西北望林石幽翠百步許有
姚翁巖爲宋州守姚嗣宗得名今已荒蕪寺內三座中座有

大廳窻向東開前座瓦背樹光浮於戶下人間世遠隔千尋
廳內題聯不少同治間知府魏薦聯云吏隱訪遺蹤半世功
名春夢裡思陵觀夕照萬家煙火晚炊時爲文家傳誦廳上
亦有文昌閣閣左右有房民國六年增建寺上座爲佛殿殿
右爲僧室室前小院右壁有曹秀先遊西山記石刻出寺右
石徑十數武爲乳泉泉清冽如杭州龍井而甘美過之時有
汁噴出白如乳故名乳泉泉上題石有劉公泉三字又有乳
泉二字爲乾隆間潯州知府胡南藩書蓋同爲一泉而今昔
異名也泉前後俱龍王堂舊址今新建亭閣兩處欄檻相映
自龍華寺外至此別有天地

建遊
詳

泉右石梯上百數級有吏

隱洞廣丈餘爲唐御史李明遠隱居處再上二百餘級爲半山亭亭已圯柱礎猶存再上四百級爲觀音巖道光四年爲龍華寺僧盟初所闢閱四歲巖成續有布施者於巖口構小庵爲僧人香火處架竹引泉沿崖種樹可風可茗而筇屐之客紛然矣巖口一聯云玉洞天開現大地山河三千世界雲巖風捲露半空樓閣十二闌干誠茲山勝絕處也蓋本山自登山門後愈進愈高隨地可以觀遠而不及觀音巖之揚睫無遺南而白石青峯北而紫荊五指蒼翠濃淡遠橫於六七十里之外近則黔鬱兩江雙練交映環抱城郭浩浩東注碧波萬頃光浮脚下於洗石龍華乳泉而外又爲一境蓋樓臺

結構莫如洗石樹影濃陰莫如碧雲泉壑幽趣莫如乳泉而極目千里俯仰天地莫如觀音巖遊者務窮其趣分類玩賞西風既漸競言光線有欲斷龍華寺前各樹以博開眼界者槍父也徒慕幽靜不求世界大觀喜塵寰之隔絕而不升巖縱覽者抑又無志也舊志云此山薄暮陰翳烟景萬千舊以西山晚照爲八景之一乾隆間知縣楊大節詩云鐘裏巒林殘照出空中樓閣暮烟迷或者以爲非然後吳志縮作辨異辨之云孝廉李開葱告予西山當日暮後或半夜自城望半山隱隱有火光如炬故傅邑侯有乍吐輕紅夜有無句府志以罕見疑誣改爲殘陽返照失虛景矣說甚有據乾隆二十

八年秋間望後余於署中後院夜二鼓時見西山翠微間有數十火炬如神燈狀由山腰魚貫屈曲漸次上山頂而滅家人驚異予謂此李孝廉所稱眞境也三十年秋見山腰有四五火炬如大燈狀須臾滅又與前所見略異云時日去今未久事非無稽故存錄之

附攷

錄府志

思靈山縣西五里一名思陵又名西山

李通志

潯州有思靈山

九城志

秀峙窮窿映帶府城上有三清巖宋

淳化初州守姚嗣宗遊此亦曰姚翁巖有泉曰乳泉卽思

陵水源也

一統志

相傳唐時李御史明遠登此羽化巖有吏隱洞三字宋時

封西山郡王士人禱之輒應

李通志

北山 在西山左肩後屬永和里形似半截巨眉橫伸空際高與西山齊山上有飛來寺山下爲覆船嶺山左有路入馮

爺廟經炮竹坪至藍山

舊志
失載

藍山 在縣西二十里西山右背屬永和里西通趙里同樂

塘黃茅嶺等處

錄舊志
并補訪

馬來山 又名馬來嶺屬永和里在西山右肩之後近觀狀如高髻高度與西山彷彿遠視如馬飛騰螺黛接天迥出西山之上城西峯巒複疊此爲最高下有仙人竈

舊志并
補訪

木魚嶺 在西山前形似木魚故名

雞翼山 在馬來山下當西山之右屬永和里

蝴蝶嶺 在雞翼山下遠當西山之右相距二里許屬永和里形似蝴蝶展翅故名

石灰嶺 在城西六里蝴蝶嶺之南屬永和里

赤嶺 在縣西八里許居石灰嶺南與新村爲鄰屬永和里

石羊山 在縣西二十里爲西山右臂山下有烏羊村金通志云作獅子岡又西十里誤

訪誌

金牌山 在縣西三十里許馬來山之後峰巒秀峙周圍二十餘里山下有佛子坳爲西方險要詳關隘

據馬志圖并采訪冊

黃茅嶺

在縣西三十餘里趙里之北界甫里

從舊志四錄

獅子寨

在縣西甫里東南上下有寨脚寨眼寨頭等村東

與趙界界

舊志

雞冠寨

在縣西三十餘里在甫里東北黃茅嶺之西南從

此折向西北山峯參差重疊不知其名

舊志
出錄

登勾山

在縣西五十里甫里北高大雄偉上有池俗呼仙

女塘廣約二十五畝四時不涸

天平嶺

在縣西五十里屬甫里比登勾山稍低小而秀峙

過之延亘數里

鳳巢山

縣西五十里在甫里北俗名鳳凰山又名鳳凰嶺

省志云下有龍潭疑即舊志所言九龍潭

訪以上冊

大望山 在鳳巢山東屬甫里

見舊志圖

獅子岡 縣西五十里在甫里西南界厚祿里以形如獅故名獨流江繞其下象鼻山崎其左

羅容山 在獅子岡東去縣城四十里許

舊志并采訪冊

羅影山 縣西七十里在武平東甫里西

方輿紀要作五十里誤

團氣嶺 縣西八十里屬厚祿里界貴縣思籠里延亘二十

餘里舊志無

采訪冊

石梯岡

縣西九十里削直如梯故名一統志作石梯山通

武宣舊志云通容縣誤此岡爲遠西險要別詳關隘篇

千歲嶺 一名銛翠山縣西一百十里武平里西延亘二十餘里峯巒昂峙形如華蓋欲雨則雲繞嶺顛農人以此占晴雨界貴縣北山里舊志無

三巖山 縣西一百二十里武平里西北三峯並峙高峻爲

武平諸山冠人跡罕至上產天然茶色味俱佳經宿不變以上訪冊

鷓鷹山 在縣西武平里

譚嶺 在武平里南

思淋 在武平里南

黃思 在武平里東南界貴縣以上見舊志圖

西北諸山

大藤峽 縣西北五十里舊志引通志作六十里在紅石磯之下弩灘之上地界永安桂平平南藤縣之間四山環繞綿亘數百里北通羅淥三洞紫荊羅運等三十六巢巖洞以百計而九層樓仙人關三妹洞尤險沙灣兩岸間江水激駛向有藤大如斗勢若徒杠晝沉夜浮猺賊渡以行劫徑通龍山八寨明成化間襄毅伯韓雍斬之名斷藤峽置武靖州及東鄉龍山巡檢司正德間御史陳金更名永通峽嘉靖間諸猺復流劫潯梧文成公王守仁合師征之其後峽賊侯勝海等又滋事督臣蔡經討平之凡三興大役而後底定

志府

明徐祖

有大藤峽遊記及韓雍程敏政董傳策王守仁沈明臣邱濬

各家詩歌詳紀文

按邑內西北方諸山複雜重疊統系難分多在藤峽內外

附攷

錄府志

永通峽一名斷藤峽民謠曰昔永通今不通求不得葬江

中誰其作者噫陳公按即都御史陳公金也

名勝志

大藤峽在西北六十里紅石磯之下弩灘之上北通羅潑
三洞紫荆羅運等三十六集中有七層樓下有三妹洞
獠寇侯大狗等盤踞劫掠峽岸有藤橫生過江日沉水底
夜浮水面渡賊而南以通龍山八寨成化間韓襄毅公雍
統兵勦之遂斫其藤夜而復生用穢物制之方斷遂服其
黨易名斷藤峽隨遷武靖州於黃甲嶺下以守其處又立弩

碧二堡以鎮之後又不靖陳御史以魚鹽之利陷之稍稍
受約束乃以斷藤峽爲永通峽至嘉靖間諸猺又據險爲
亂王守仁合師征之賴以稍安

一統志

崑崙岡

即崑山縣西北七十里俗呼崑崙界屬崇姜里

碁盤山

縣西北七十里或名碁石山

屋厦山

縣西北一百十里萬歷以前畔猺出沒處

以上舊志

總兵山

在縣西北崇姜里西崑崙岡北

風洞山

在縣西北崇姜里西東與總兵山連

砂蓬嶺

在縣西北崇姜里總兵山北

馬鞍山

在縣西北崇姜里砂蓬嶺東

石人山 在縣西北崇姜里馬鞍山北

硃砂嶺 在縣西北崇姜里馬鞍山東

以上舊志圖

羅淥山 即羅淥洞縣北百八十里屬崇姜里俗呼太平洞
有山名九重樓最峻峻一名九層樓明侯大狗作亂多居此

路通紫荆東鄉隘黃第嶺等處

府志

都溫山 在縣西北百里崇姜里羅淥山南

雞髻山 在縣西北崇姜里中

狀元山 在縣西北崇姜里北

筆架山 在縣西北崇姜里狀元山東

以上舊志圖

北方諸山

橫嶺 在府城北五里舊志云在桂平縣南九十里據明一

統志補

夏府志

麒麟山 在縣北崇姜里有上麒麟下麒麟等村

圓嶺 在縣北崇姜宣二里界

以上舊志

玉梳嶺 在縣北宣二里大帽頂之南

石鹿山 在縣北五十里九域志載潯州有石鹿山山上有

石如鹿

舊志

大塘嶺 在縣北宣二里圓嶺之北上有塘一口深約七尺

廣十餘畝故名山形三十六曲綿亘百餘里明猺賊侯大狗
在山頂建築營寨設立行場有十字街買賣街之稱今遺址

爲山人種藍地

冊訪

觀音山

在縣北宣二里大塘山東北貌類觀音故名

冊訪

朋隘山

在縣北宣二里觀山東有路通武宣東鄉爲洪秀

全起事時卵覆之區

大帽頂

在縣北宣二里朋隘山東

鷄心嶺

在縣北宣二里大帽頂之南

赤峯嶺

在縣北宣二里羅旺鄉北高百餘丈上有古圯廟

一顏曰勅封故又名勅封嶺廟存爐鼎是明萬歷間物

冊訪

羅蛟山

在縣北宣二宣一里交界背負紫荊北與羅宜相

連下有羅蛟江

舊志

產藍與木薯

冊訪

羅宜山 又名羅嶷在縣北宣一里羅蛟山北有路通象州

界平南

冊訪

雙界山 在縣北紫荆山西羅淥洞北爲桂平武宣交界要道昔年官兵與洪楊爭奪之所

據黃榜書附志摘認

界當作髻因形似

故名城西北諸山脈由此發

補訪

馬占大嶺 在宣二里

舊志圖

紫荆山 在縣北宣二里之西北由縣治五十里至新墟由新墟十里至山層巒疊障中包裹村庄田地周圍百有餘里北連平南永安諸山西通象州武宣界無巖泉之靈秀有草木之蒼莽乃當日猺獠聯絡之窩巢狼虎奔馳之徑路也其

形勢險阻詳見關隘

志舊

游客偶思流覽必循山口水濟南行

沿仄徑達於深谷谷上兩山均處瀑布下垂俗呼萬年油謂

水光潔澤無斷續也山產肉桂最良

志府

附攷

志錄府

紫荊山縣北七里

志金

自山而北巖壑深廣爲猿獠門戶

志一統

桂皮出此者佳

志李通

志

高振嶺 在縣北百里明成化二年韓襄毅討大藤峽嘗登

此督戰

志舊

牛排嶺 在縣北宣一里

志舊

五洞高山 在縣北宣一里西北界象州東北界平南綿亘

數十里咸豐元年八月十五夜洪秀全被圍食盡遂由此山竄永安蓋其勢陡絕官兵不能追也劉卓人有五洞高山記

詳紀文

新舊志并訪

山上有寨卽名高山寨

訪補

鵬化山 在縣北八十里宣一里東北界平南

五指山 在縣北一百一十里鵬化山之北羅宜山之東五

峰羅列與平南閭石山相連爲獠族部落所在邑紳黃榜書

潯州魏府志摘謬云北河之山由五指而獠山而羅疑

宜卽羅

而羅蛟而紫荊而雙界而平隘而大塘而羅淥而馬鹿此迤西諸山也由平南鵬化之古帝頂而大均而白面厓而山門

而五洞高山而羅懷而第一籌而蓮花而百步頂而東平此
迤高諸山也此可括北方諸山大概

舊志并
補訪

東北諸山

寶山 縣東北十里蓋山以思陵爲主則此其實也北瞻五
指山秀出雲表故吳志縮以寶秀特朝爲八景之一山似螺
形碧樹蕭森澄泉甘冽日逢重九里人多於此登高壁間句
云古樹臨風猶引鶴重陽有酒復登樓覽勝之情古今一概

矣屬崇姜里

本志
舊

三鼎嶺 縣東北三十里

舊志

水踏山 縣東北八十里

舊志

鷄罩山 在崇姜里淥水冲旁上有巖匪徒每潛匿於此高
險與重九樓等

訪 冊

東方諸山

專福嶺 在縣東十里軍陵里覃放墟東南從平地突起不
與諸山連屬登嶺遠眺西北形勢歷歷目前上有三帝殿藥
王廟嶺之東南麓爲三窩塘長里許廣數十丈波光明媚與
嶺色相輝映舊志云有紫蘇石窰兩河映帶左右

竹翠嶺 在專福嶺東舊時竹光掩映翠色欲流故名上有
萬壽寺列聖宮屬軍陵里舊志無

訪 冊

獨村嶺 在縣東軍陵里東北嶺下有紫蘇河自峽嶺流來

爲軍陵吉二里交界

從舊志
圖錄出

芙蓉嶺

在縣東二十五里在吉二里之西石咀墟左嶺峰

秀峙爲一方之冠登西山東望羣峰排列有頂銳如未開之

蓮即此嶺也

本采訪冊舊志皆失載

旺山 在縣東吉二里西

獅子嶺

在縣東吉二里西芙蓉嶺北

劉公嶺

在縣東吉二里西

石鼓嶺

在縣東吉二里魚梁河之東

魚梁嶺

在縣東吉二里石鼓嶺之南

金嶺

在縣東吉二里南

馬嶺 在縣東吉二里南

石嶺 在縣東吉二里中新隆橋之東

以上並見
舊志

大勝嶺 在縣東四十五里吉一里東南上鄧村背嶺脉起
自白石山正幹蜿蜒北行一百里至吉一里穆樂墟西爲西
降山語詳東
兩諸山左出大幹折北二十五里至馬皮墟北爲嶺之
南面高七十丈周圍八里有奇雄距獨立倚傍一空嶺質是
沙泥石片鐵礦壘積而成岡脊綿合縱橫南北其巔有黑石
數堆高廣各數尺相傳有香爐自遠飛來里人以供神天旱
求雨多驗咸豐三年陳開據縣城時地方擾亂里人屢見神
前有白旗朝暮隨風招展卽之則杳後鄉土安全不遭匪擾

始悟神明呵護之力

冊訪

蝦嶺 俗名蝦公嶺又名石嶺在縣東吉一里馬皮墟北七里當清楞河下流石峯奇異爲一方之隘有石二形似槍石鼓一扣之鏗然

水表山 舊志縣東五十里府志引方輿紀要云百三十里爲東南之望與舊志言殊考舊志圖內不繪此山不知其屬何里遠近亦難考

山鼎嶺 縣東六十五里

雞棲山 縣東八十里又迤北十里爲吉盤山魏府夏府省志皆同

菘豆嶺 在縣東吉大二里東南

志見
圖舊

東南諸山

高嶺 在縣東南三十里屬軍陵里界下秀里

峽嶺 在縣東南三十里高嶺東屬軍陵里界下秀里

鵝蛋山 在縣東南四十里吉大一里馬皮墟東南蕉木冲

對面山脈亦起自白石山正幹蜿蜒北行里至穆樂墟西爲

西降山左出大幹折西二十里至馬皮之南爲本山自此復

分脈三支同折西北行遠者至吉二里魚梁嶺止山爲沙泥

卵石積成高七十七丈周圍五里有奇雙巒對峙形如雙卵

俗人相傳自天鵝鰾卵於此故名

訪
冊

魚梁嶺 在縣東吉二里魚梁河以此得名

筆架嶺 在縣東南四十里吉大一里馬皮墟南十里山脈自白石起宛行百里至穆樂墟西降山復左出大幹折西二十里至馬皮墟南爲本嶺復從嶺三支散布附近遠者至橫嶺止嶺實亦沙泥卵石積成高六十五丈周約五里三峰鼎

立如筆架然

冊訪

橫嶺 在縣東吉一里筆架嶺西

西降山 在縣東吉大一里俗名雷公嘴山自白石山發脈曲折向東北至穆樂墟西爲本山山勢橫列利峯特起左出大幹西行爲鵝蛋山與筆架大勝二嶺

里數詳前

本山上有觀音

巖深丈餘廣七丈餘石壁刻神像巖上瀑布湍飛溉田四頃

有餘當暑遊此炎態頓消

錄舊志兼
致訪冊

抱嬰寨

在縣東南下秀里東北爲下秀吉二里交界

採訪冊

登高山

在縣東南下秀里極東之北居抱嬰寨東爲桂平

平南兩邑交界

介石山

在縣東南下秀里去下林村二里山質石雜沙土

樹木巖泉足供遊賞頂平中斷高未百丈而險甚可守咸豐間陳開踞城鄉人多避亂於此寨壘遺址猶存堪輿者云山形屬土星惜乎中斷前邑紳周溯賢倡議伐石運土補之捐資無吝亦名山也

黃藤亭 亭卽均字之轉音在縣東南下秀里極東南盡處
外通平南福壽墟有石刻平桂界碑

附誌

南方諸山

簇嶺 在縣南三十餘里軍陵里西南崔巍廣大周圍五十
里軍陵中秀下秀各里山脉多發源於此

舊志
失載

塔嶺 在縣南中秀里雙峯並峙狀如塔頗秀麗

白石山 在縣南七十里脉由大容山蜿蜒而來縣南上中
下秀軍陵吉大一二各里諸山脉多發源於此山之東爲獨
秀峯孤翠插天乾隆間知縣吳志綰詩云千尋起律帆中秀
此爲斷卓犖孤翠頂獨寫風和月中五姥峯排比森列西鵝

頸峯殊峻峻初由土阜取道至壽聖寺石坊巍然入重門歷
階七級爲三寶殿殿後高閣殿前左右爲客廳僧厨精舍寺
後峭壁千仞上刻白石洞天四字爲明楊大節書寺右徑平
行五百餘步爲會真觀石室寬廠有壇奉三清壇後石穴名
勾漏洞志稱鬱林壇右有石如床俗謂石龜右大士龕龕
右半壁有乳竇水滴下白窠瑱瑱可聽楊大節有句云脉脉
源頭何處尋石中流出自鳴琴觀上有李仙巖無路可陟觀
東繞景明巖巖爲邑明經蔣奕綦所顏再繞里許爲獨秀峯
天門跌蕩由門窺山後洞略如盤谷周可十里田疇溪澗不
類人間此山之自北向東所見者也由壽聖寺角過元珠池

西行遇石縫外爲洞門村內爲一綫天吳志縮所謂巨靈掌
擘者也入凌百級有石門再百餘級稍低平爲白雲窩出循
山側北行攀削壁六十餘級折東造極有會仙巖高深各丈
許闢自雍正修於乾隆中奉佛外望溇梧鬱三郡名山一一
可指此山中復絕處也由壽聖寺左過洞門村西繞東望山
如城郭數里有石人附山立爲面壁僧又南去約六七里越
土嶺北經獅子嶺巖對鳳凰嶺披榛渡澗更東轉而北達獨
秀峰此自山之西而南而北之所得也山勢奇險中多名勝
如白雲洞青玉峽仙人棋伏龍窩鍊丹竈漱玉泉皆各擅其
妙遊者忘倦蠶叢鳥道一夫當關萬夫莫開其險可恃亦可

畏昔隋李光仕曾踞以作亂王世積爲行軍總管討平之

輿方

紀要作隋開皇十七年周法尚討桂州叛李
光仕敗之光仕走保白石洞尋潰走追斬之

明季黃毓奇

因寇亂移家居此亦藉以捍禦一方云諸紀志及碑刻皆以白石爲二十一洞天不知杜光庭所載瓊秀長真之天乃在和州也葛洪未至粵西而都嶠勾漏皆傳其跡未免附會但宋宣和間館職常瓌謂趙子崧日夜夢帝勅公爲白石洞天主者後子崧寓潯而歿則白石之爲洞天固有自來况巖府奇奧光照南陲琪花瑞草生焉又豈不爲眞仙所來往者歟舊府縣各志咸以白石洞天爲八景之一明進士龍國祿與徐宏祖皆有記宋蓮新有賦以及各詩家題詠不一詳紀文

附攷

錄府志

白石山縣南七十里自大容山發脉頓起雙峯高聳百餘丈又一小山名曰鵝頸峯半山中有會仙巖遊者攀藤躡蹬而上約一里許至巖前多奇花瑞草有元珠江水自山嶺出四時不絕聲如環佩志金阿林縣有白石山色潔白四面懸絕上有飛泉瀑布寶宇志在潯州南六十里有洞曰白石洞天內有清真觀傍有壽聖寺可達勾漏洞天世傳葛仙翁往來其間方輿勝覽兩峯並列下有巖洞卽道書第二十

一洞天洞之上有會仙巖鍊丹竈八仙石明一統志會仙巖磴

道險峻上平廣容數十人峯曰獨秀泉曰漱玉道書二十

一洞天也

紀方要

洞通北流勾漏鍊丹竈八仙石俱在獨秀

峯側漱玉泉始流微細鳴鐘鼓則湧出道書第二十一洞

天清真觀一名陽明觀內貯宋太宗御書

名勝志

第二十一

白石山洞周廻七十里名曰秀樂長春之天在鬱林州南

海之南也又曰和州含山縣是白真人治之

粵西叢載引張君房雲笈

七籤

獨秀峯

詳前白石山

清風山

在縣南中秀里脉從白石山南洞口過剌旄鼓峯

向東北趨聳爲此山中高頂平前後有小峯聯簇蓋白石之

輔佐也

錫舊志兼新採訪

雞冠山 在縣南白石山東屬下秀里方輿紀要云在府南

八十里峯巒昂聳

見舊志
並參府志圖

墨斗山 在縣南上秀里土山上產鉅石與白石山彷彿四面懸崖各絕登臨之路咸豐亂時里人自山脈來處橫辟一路鑿石壁以通之奇險可守山頂兩楹一高且銳一廣而平可住百家中有小巖可坐八九人爲避亂時廳事巖下有泉流出儲之可供百家飲汲山麓上石下土有長巖巖內有屋供佛像名寶觀寺巖外有水散流秋冬不涸名爲水簾里中雅人每於此避暑舊有僧徒今亡矣舊志云兩峯橫亘頂平泉注下有斗星巖寶觀巖皆四時檐溜如雨猶未足以盡此

山之勝

高英嶺 在縣南上秀里廣四五里東界中秀里

石狗嶺 在縣南上秀里廣六七里東南界下都里

鎖銅山 在縣南上秀里

君子嶺 在縣南上秀里

以上
訪冊

南山 在縣南八十里又南八十里爲橫嶺

傳志

寶子嶺 俗名石嶺在縣南九十里屬上秀里第榜福壽兩村之中地面產寶石大者如指小者如箸體大稜而益明一端大而銳一端迤邐漸小而禿舊志云縣南三十里大都里

浪家鋪誤

訪冊

附攷

寶子嶺縣南三十里出五色石如寶積然

名勝志
通志

寶子嶺在府城南三十里山勢磊落如聚寶玉又寶子山

在府城南

一統志

寶子嶺縣南三十里一名布嶺在下都里浪家鋪產石子

大如指長一二寸六稜白潤如玉兩頭銳如棗核石有妊

子者什藏至明年卽拆生

府志

按訪員曹月田辨誤云一統志名勝志廣西通志桂平縣
舊志潯州府志俱謂寶子嶺在縣南三十里縣志又謂一
名布嶺在下都里浪家鋪旣云下都里豈止三十里耶今

查下都里內無名浪家鋪者布嶺當是石嶺之訛又府志
物產門云寶子石產桂平蘇洞墟旁寶子嶺今石嶺即在
蘇洞墟旁爲上秀里界內地其言可證各志之誤故采之
雲合嶺 居下都中都上秀三里交界上有白眉巖高聳而
秀雲合則兩旁有身石岡形如月覆高山上中穿一孔故名

一統志云縣南八十里

錄舊志
參府志

南頓嶺 縣南一百二十里舊志云雲合嶺在南頓之西則
南頓當在雲合之東當屬秀一里

仙峯 一名銛鋒在縣南下都里北高數十丈上有名冷神
者鄉人競禱之

金珠嶺 在縣南九十里中都里都合村北雲合嶺東舊志

云縣東五十里誤

雞銛山 在縣南中都里

龍曹山 縣南一百里中都里羅播村東

汎嶺 縣南一百里中都里石圭尋昌灣等村

高天山 縣南一百里中都里都合村南

高山 縣南一百里中都里羅播村西南

訪以
冊上

獅子嶺 縣南中都里東

舊志

角子嶺 縣南秀一里東南

舊志

平天山 在縣南秀一里東界容縣

舊志

大澤山 又名大澤嶺在縣南秀一里東北界秀二里 舊志

黃嶺 在縣南秀一里中團堡之南 舊志

上國山 在縣南秀一里

烏茶嶺 在縣南秀一里南嶺麓有茶隘

大澤嶺 在縣南秀二里

盤龍嶺 在縣南秀二里

大石寨嶺 在縣南秀二里以上四嶺皆產桂茶杉松 以上訪冊

龍虎山 在縣南秀二里東界容縣 舊志

大容山 縣南百九十九里在秀一秀二里之南是山撐天而起跨四州縣適當潯梧鬱三郡之會梧之容縣當東北隅

鬱之北流當東南隅潯之桂平當西北隅山足條支約百八十里縣內東南諸山脈皆於此發源西北走五六十里中經秀里之香爐嶺曲折而至中秀里之白石山過青峰而至簇嶺軍陵中下秀三里諸嶺從此出復由白石山抽正幹脉東北行至吉一里穆樂墟西降山復左出大幹西行分結鵝蛋與筆架二嶺北行至吉二里爲大勝嶺故數縣東南諸山必以大容山爲始祖山有六峯而四面相似入者迷出三郡諸山亦以此爲最高上常出雲距地既遠故氣寒時有積雪山人雖在六月袞不脫棉山質土內雜石各產不生惟宜藍桂薯芋等物入山足界隨處鑛號十日計六遇大風處憑客跌

坐扇背如摧搖人俯仰蹲不得穩澗水屈曲分爲九十九流
山東南通北流勾漏巖西北亦與白石山勾漏通兩爲洞天
作神仙窟前後招抗靈異環居

錄舊志并訪冊及
姚陶嵐大容山記

西南諸山

稜層山 一作峻嶒嶺縣西南二十五里路極險峻省志作

七十里

府志
同

羅叢山 縣西南六十里屬厚祿里其脉自鳳窠稜層蜿蜒
而來亘里許狀若覆舟平地突起疊巘嶙峋鐘乳詭奇山有
巖上下四圍石壁羅列神像左風洞俗名一扇風右月巖秉
炬從洞門深入黑暗處忽見清光一點宛如月色各志所謂

羅叢巖月也洞凡三日碧虛曰靈源曰水月碧虛舊名風門
門前累石爲樓樓外路旁有碑乾隆知縣吳志綰題曰宋周
程三夫子讀書處西上有巖邑人景仰前賢立祠祀焉又西
爲水巖巖有水洞穴深濶龍潭廣可十畝澄碧淵洪洞內石
佛石磬石獅石鐘石床在焉投以小石鏜鞳有聲其鯉魚巖
水通鬱江游鱗多集兩時以鵝投水其水即長云宋梁穆有
碑宋陶董清黃琦咸有記陳良士有辨異詳紀文

舊志并
訪冊

附攷

錄府
志

羅叢巖 在州西南六十里岳中明快可容二三百人遇
重九於此登高內有三教殿殿中則名曰碧虛洞由石穴

而入通行平坦其屈曲約半里餘出於巖之東洞內則有石佛石磬石獅子石床石鐘殿西則名曰靈源洞由石穴而入通行平坦其屈曲約一里許餘出於巖之西洞內則有石羅漢石象石馬石魚石筍石鼓巖之外西則有水月巖外則有超然亭實溇之勝

輿地
贊勝

帽嶺 縣西南七十里上秀里西於小坵埕中巋然高聳秀奪一方附近村莊稱帽嶺七村登臨歷歷在目

訪
冊

風伯嶺

在縣南上都里

府志

鳳凰岡

在縣南上都里東南界鬱林

舊志

界牌

在縣南上都里南界鬱林

舊志

齊嶺 在縣南上都里西南

龍巖山 縣西南八十里貴縣東五十里在厚祿里土寨下

番二村以貴桂分占之平竭墟爲界

平竭墟即今所稱大墟

平地突起

形勢蜿蜒峭石峻嶒碧水周環上有七巖一曰龍安中有丹

竈一映日一蓋天然石窓也石磬一懸魚一蒼猿一聽法人

一飛虎一臥龍一皆石乳結成俗稱八景宋淳熙元年創建

寶勝院明貴縣令林朝鑰題石門曰古懷第一山乾隆間邑

人楊作棟等捐貲因巖之左修觀音堂建月門經營僧室中

列三清西奉三寶邑進士曹兆麒爲之記詳紀文時知縣吳

志綰並題山之觀音岩曰布山龍岩而以龍安懸碧爲八景

之一按山屬桂平而林朝鑰題曰古懷第一山直以山屬貴

縣者以桂貴音同未攷疆域而誤其方輿紀要亦沿今攷此山

周圍池塘數百畝皆在厚祿里界內又證以吳志縮題額當

屬桂平無疑據舊志夏府志及訪冊參攷曹兆麒重修龍安寺記

附攷 錄府志

龍岩山貴縣東三十里上有七岩一岩最大有四門虛明

爽塏 方輿紀要

一名龍安岩在縣東五十里奇花怪石不可勝計唐宋俱

有石刻明知縣林朝鑰刻古懷第一山於石門 金通志

附石巖谷洞

雲臺石 在西山下小溪中一石突起其色如雲狀如臺可坐十數人石旁樹木森陰鳴鳥時聞清流涓涓遊人每携佳茗就煮焉譚熙齡有遊雲臺石記詳紀文

志府

鐘鼓自鳴石 見下篇清潑

涿水湧石 亦名落水埔在崇姜里弩灘上其埔口近江有巨巖潭水長緣雖江濤浩漲而色不變巖水歷落如雨聲內有大傘小傘山外有鼓吹亭石鑼石鼓張公釣魚諸景壁間刻有永通峽三大字高百餘丈

志夏府

按弩灘之上爲斷藤峽其峽石生出水際河南有石似鼓俗名其石曰石鼓河北有石似鑼俗名其石曰石鑼又湖

流而上近河南水邊有石名釣魚翁亦以其石形狀相似

也

册訪

姚翁巖 見西山

會仙巖 中有葛仙丹竈仙人棋舊志云梁觀培性好山水常棲息白石山因施穀六千四百觔觀培子毓璣勒碑記在巖內

飛墟巖 在雲合山之東半山上一名白眉巖深五六丈廣二十丈

螺巖 在雲合山之北麓深丈餘廣二三丈

白雲谷 在雲合山西麓地頗幽雅小巖內有天然石榻爲

里人黃炳焜所闢時偕雅人詩客於此納涼

斗星巖 在墨斗山南旁削壁間竇觀巖背上寬二丈許深
三丈狀如側盃

鷓鴣巖 在縣東四十五里吉一里馬皮墟東南十里高三
丈寬一丈深丈餘常有鷓鴣子棲宿下有池約廣一丈長二丈
深四尺池水澄鮮且甘有魚大至一二十觔者

水弔巖 在縣東四十五里吉一里馬皮墟東南十五里良
有村左高丈餘廣三丈深四丈餘夏涼冬溫可容百人

朗繖石 在縣東四十五里吉一里馬皮墟東南十二里良
有村北高五丈頂周五丈餘足周二丈餘上侈下斂形如朗

繖故名

响屨坪 俗名石鼓坪在縣東四十五里吉一里馬皮墟東南十五里良有村背廣數十丈適當社坡穆樂往來路之中途行人過之丁冬作響殊覺可聽

仙洞根 在吉一里獅嶺南四圍堆石徧里許石有仙人脚跡深入數分長尺許一名神仙脚並有石鐘石鼓天然物擊之鏗然

以上俱訪冊

吏隱洞 詳西山

碧虛洞 詳羅叢山

靈源洞 詳羅叢山

水月洞

在羅叢山廠若廣厦中有龍潭據方輿紀要

府志


白雲洞

在白石山又名白雲窩高據山巔烟雲吐納清初

黃獻錦避亂於此築室栽花其上有白雲窩記詳紀文

井府志

文配



奇
公
學
PDG

桂平縣志卷五

紀地

山川下

川

凡江河水溪湖泓泉井塘瀑潭灘渡津口閘壩堤皆載此篇

記山易記水難山之方向易測水之源流難知舊志簡略因於書成倉猝此無足異府志采擇稍廣而重要川流脫漏尙多此猶其小焉者而源流分合與經過地方舛錯滋甚且有同是一水因名目稍異而重出疊載者今於脫漏者補之重出者訂之於源流分合經過略爲攷正若云盡善未敢言也

南江 左江鬱水也源出交阯十萬山合龍州太平諸水至合江鎮有牂牁江自雲南土富州入田州合泗城以下諸水從右來會趨南寧合八尺陳埠武思諸水至橫眉水爲縣界由是十五里爲小仁大仁二灘十五里爲小烏雲大烏雲二灘十里石門灘南有水出鬱林州北底塘由中都里合大洋蕉樹上洞諸小水入焉十五里浪灘二十五里曹邨灘三十里有官江水入十五里有大灣沙廟門灘十五里南納良莫水西納蓬浪水二十里至縣南頭塘有全村沙馬溜灘經油榨羊欄角白沙灣會北江

舊志

附攷

錄府志

鬱江自南甯府橫州流入經貴縣南又東經府城南至

城東與黔江合又東經平南縣南名龔江又東入梧州

藤縣界

一統志

泮河水經鬱林廣鬱縣

今業縣

爲鬱水又東

經領方縣

今賓州

北又東經布山縣

今貴地縣

北又經中留縣

南與溫水合又東入阿林縣

今平桂縣

潭水注之

在州南一里其源出交阯至邕州左右江東行經橫州

貴州至州與黔江合

興地起勝

鬱江過起敬灘經興業縣西

北境又北流有武思江自西北來注之

武思江出貴縣西南境

山東南

流又東南流合西來一溪又東南流入鬱江

又北折西北經大浦洲東又北曲

曲經貴縣南境有水東自獅子山來注之又西北折而

東北至縣西南有一水自西北合數水東南流經城西

來會

即折貴縣城西南曲曲也出西北境仙女巖西麓又東南合西

西來泉山有水乾河自縣北境合二源西南折而東來會於城

之西面南北入鬱江經城折東流經縣城南又東折東北流有

汎江自東南來注之又北有沙江自北來注之

即貴縣

二源一出縣北數十里折東流一東北山入鬱江又東

北有東津江自北來注之

東津江自北出鍾山南流有一

流來合經龍山江又東折北流數十里有橫眉江

自南來注之

橫眉山出鬱林州南境一溪南自艾羊營

北折山正北流來入鬱江又東北經大灣塘北又東北經潯

州府治桂平縣西南境曲曲百餘里至府西南折而東

南流

其南即雲合嶺

又折東北而西北至府城西南十里有蓬

閩江西北自石梯嶺來注之

即府西水

又東北至府城東南

受南來寶子嶺水稍東而黔江支津北自城東來會又

東總曰潯江有一水自南來注之

水出南嶺嶺東北來伏虎

山水經獨秀峯東麓又北入河江又東北流曲曲六十里而

黔江正派自西來會

自合後東至梧州府會桂江所經地及所受衆流黔江自合江鎮至

此凡八百里奔召南粵江諸水篇

漢志云豚水東至西會入海輿地勝牂

牂郡夜郎縣豚水東至廣鬱水經注豚水東北流逕談

臺縣東經牂牁郡且蘭縣謂之牂牁水又東南逕毋斂

縣又逕鬱林廣鬱爲鬱水

漢志水
道疏證

溫水見寰宇記

輿地
勝

牂牁句町縣文象水東至增食入鬱水又有盧唯水來
細水代水水經注云文象水導源牂牁句町縣與盧唯
水來細水代水並自縣東歷廣鬱至增食縣注於鬱也
按三國志諸葛亮傳注引作瀘帷水也即以帷瀘水也

漢志
道疏證

按水經注云歷廣鬱廣鬱今貴縣也

北江 右江黔水也源出貴州都勻府自獨山州流入慶遠
南丹河池州界爲龍江與貴州黎平府清水江流下之融江
合經融縣趨柳州府合洛清江桂林西北諸水會焉下象州
江合紅水江泗慶諸水會焉經武宣入藤峽至平涌塘爲縣

界十里白石涯灘二十里碧灘稱險惡有羅深水入焉三十里爲小鎖字大鎖字大灣寺諸灘有水洛冲小水入焉二十里出峽爲弩灘亂石嶙峋水勢湧迅中心轉泡旋螺舟行戒心左分江水出大黃江口而合若水涸則不能通也十五里爲小弩灘飛鳳灘脚石灘二十里至縣北頭塘白沙灣與南江會

舊志

附攷

錄府志

黔江源出牂牁

續通考

自柳州府象州流入經武宣縣西

名曰潭江又東南經府城東北亦曰北江至城東與鬱

江合爲潯江即古潭水也

一統志

潭水自潭中縣

今馬平縣

又

東南與剛水合又經中留縣東阿林縣西又入鬱水

經水

注黔江在州北二十步其源出牂牁自宜州東南行經

柳象至州之城與鬱江合流

輿地紀勝

潯江 在城東黔鬱二水合流二十餘里爲楊欄灘有石鏡河入焉十五里有魚梁河入焉五里伏化灘三十五里大黃江水合十里龍門灘虎跳灘水大稍險南岸秀才灘冬月水涸經此亦險中有石子洲再下數里抵平南相思塘界

舊志

附攷

錄府志

潯江在桂平縣北二十步過川東五里合鬱江

寰記

字貞

觀七年置潯州取北潯江爲名

元志

和左黔右鬱黔之源

出牂牁鬱之源出交阯合於山之麓曰潯水限以二江

左黔右鬱地拱兩江之會境環三郡之封

俱方輿勝覽

潯江

在桂平縣北二十步自貴融象柳宜而來合鬱江圖經

云乃鬱黔二水合流東去經藤梧封德慶肇慶至廣州

入海

輿地紀勝

潯江在府城東黔水自城北鬱水自城南至

北合流東下蒼梧

名勝志

以上叙大江潯江即在兩江中水不改而異名耳

繡江 在縣南六十里又名大洋河又名大洋江源發於大

容山西流入秀一里西北折入中都里又北折入上都里經

大洋村平沙坦王村新安宣子坪秧地塘馬施陸繼坪旺冲

良學修坪與冲口江會再經愚子坪蒲塘坪良至坪鵝頸坪
鷓鴣坪折入上秀里經古跡坪復折入上都里經車由坪滿
陂松塘坪至長奇咀太平鎮門塘自大洋村始曲曲流經百
餘里入鬱江

本舊志並參
證訪冊

按繡江一而已而府志則有三繡江其一引方輿紀要云
在府西南五十里亦曰繡水其二錄舊志云大洋江亦名
繡江有兩源皆出大容山至黃塘步下合流至大洋村入
境經大莫石步什字蕉樹等村又有小河流自中都里木根
墟冲口江西流至沙江步來合至太平村鎮入鬱江其三
引金通志云繡江城南五十里經上都中都上秀中秀灌

溉田畝並有附攷引一統志云即羅越水也江湛碧如繡
卽唐置繡州處寰宇記云繡州有羅越水一名靈溪水以
今攷之實爲一水因所經之地不同而異其名耳

大黃江 在縣北五十里江自弩灘塘分黔江水入崇姜里
爲南涿江水漲則浮舟而過名爲通江落則石脊橫亘其口
舟不能行南涿之水泓然一碧自思盤村渡口約五里許經
廢武靖州合宣二里紫荆諸山之水又約十五里至三合嘴
合宣一里厓龍羅交山各處之水流經文閣前靜深環抱繞
出其後至大黃江墟會於大江舊志清謝天佑修大黃江以通
舟楫由良四阜至厓龍長一百餘里卽此府志

附攷

大黃江經柳州武宣弩灘而東流合潯江又與都邪思

陵二水合亦名大隍水

志金

大隍水縣東北五十里源出

武宣縣界東流入潯江

志一統

大黃江城北五十里經大

宣一二里灌溉田畝

志金通

官江

縣西南三十里源出下都文山雲合等山經麻洞墟

至中秀里黃羅有水從白石山合簇嶺水至北流等村合流

入鬱江

志舊

邑紳曹月田有記云官江口源出雲合山西面流

至三祖村經馬印至大蟲埤頭經山塘田寮塘至上垌再下

北馬村經木軸塘至牛角壩下至鄧村龍塘再茅刀塘至米

步江合滙流至嶺冲塘江頭出大江是爲官江口

冊訪

蓬浪河 縣西南二十七里源出武平里石梯等山經上下黃至仁潭寺三江口合旺水出流厚祿里名獨流江繞黃塘至甫里獅子山下流入趙里永和里合都祿河數里入鬱江

舊志 金通志作源出石梯羅叢二山

府志引

按府志有兩蓬浪江其一卽上所錄其一云蓬浪江城西三十里經厚祿趙甫武平永和等里灌溉田畝其實蓬浪江祇有一無二因經途甚遠采訪者分里任事各錄其里中水道而彼此未經合參執筆者不察而誤分爲二耳

都擲江 縣北三十里出羅祿三洞經和社墟至都擲村合

狼狗小河入潯江

志併

按一統志作流合大隍

志府

附攷

都邪江城北四十里經大宣崇姜里灌溉田畝

金通志

羅嶷江

羅嶷一名羅宜江自紅臺諸猺經平埔古蒲三家

石人二十里至薦的南里許至谷山廟八九里至上下沙垌

與鵬化水合三四里至迴龍宣一二里交界經李村趙村至

福州與羅蛟水合向東南流折回宣一里至石角特南而流

經白鳩至三合水南潑水合流數里入大江

府志併采訪冊

崖龍江

鵬化水至岬龍與羅嶷水合下流二十餘里至福

州頭與宣二羅蛟水合又二十里三合水與紫荊水合又東

入大黃江

府志

冲口江 在中都里發源鳳凰咀擘埗等山西流經平山峽北山都合木根等村墟會布頭江出獅子口經古城平隆橋頭黎平調永華遇隆等村墟入上秀里經華祝村折入上都里經學修坪與大洋江合

冊訪

馬來江 府志作木賴江木馬來賴聲近也在縣西一百五十里武平里西北源出貴縣北山經北山里至三根灘入武平經古寨古文橫來雅八等村合北梯水再經文六那等村至武宣界入黔江馬來江夾岸杜鵑花二三月燦爛如錦過者疑是武陵桃源

冊訪

附攷

錄府志

木賴水縣西北九十里源出貴縣界流入鬱江志金源出

貴州鬱林縣界

輿地紀勝

水在府城西北九十里源出貴縣

界流合黔江

明一統志

在府城西北九十里自武宣縣境流

經貴縣界又東入於黔江

方輿紀要

以上叙各里小江

古舍河

自東都里來合上秀里水至繡江河口入鬱江

志舊

都淥河

源出馬來山經風木坪合佛子坪水至烏楊蓬浪

村面入蓬浪江舊有石橋今圯設渡船

志舊

梁莫河

源出軍陵里經雲南墟鍾村至梁莫村入鬱江

志舊

石境河 在縣東十餘里源出軍陵里韋村達沙瀕紫蘇滋
坳各河合大汶楞清水河夾小汶楞水過石鏡橋冲口入潯
江爲吉二軍陵分水界長二十五里

舊志并
訪冊

魚梁河 源出下秀里白石山經油蔴墟上河村合佛塘河
水北入吉一里經古城村東至理村合竹民大河諸水曲折
赴龍門步入吉二里經西河魚梁等村至東葉河入潯江河
長五十餘里兩旁皆架車借流水力激車引水上田

舊志并
訪冊

小水河 在下都里南里村流至下秀里入平南界

舊志

清冷河 源出吉一里大鄧村石狗清楞潭楞頭塘等處上
合茂塘蓮塘諸水經五仙橋入吉二里經木橋頭至歷江江

兒口入潯江河長二十里洶洶不竭可灌田百頃冷或作楞

或又作泓

附志并
冊訪

嶺尾河 源吉二里石壁冲彩村等水至夾水口入吉一里

穆樂經寺背橋白石橋而抵嶺尾橋下至平南屬下渡上入

潯江此水長四十五里

冊訪

山兒河 出吉二里大尋鄧經牛窩埤至石規橋出上冲橋

合入潯江此吉二里竹社團八鄉之水行二十餘里

冊訪

麻垌河 上有二源一出下都里南方山麓經諫知埤頭一

出雲合山經大冲石馬木棚等村同至大山嘴合流抵麻垌

墟北納官冲石嶺各村小水再經中秀里烏竹棠梨鷹嘴村

西至官江口入鬱江

訪冊

淑河 舊志名小水河在下都里南里村源源出秀一里流至義子坡合尤和小支出思樂嶺頭坡入下秀里大水河植屋田有小舟通平南福壽六陳等墟名沙江下達武林口入

大江

舊志并訪冊

油麻河 卽魚梁河上流發源於白石山坑暨陳冲左右沿途經南昌塘對岸村平坡山油麻墟社嶺大地佛堂河老鼠咀納清風山謝村穿空河水出車垌平田更合高嶺想思河之水流入吉一里水邊大河口更合上河之水下通社坡魚梁河至石咀墟入潯江

勒竹河 爲平南西河江上源源出介石及黃京山麓經周

台石至勒竹墟前後納長冲山新田坡新寨坡及禾綫表良

福高叟坡諸水循東北行經木骨橋村邊有台垌明河之水

來會通平南富藏深步村名深步河與沙江滙合下至武林

口入大江

黃京山舊志名黃臘冲有黃臘小河由冲入平南古雅灘卽勒竹河也

耀村河 自觀音嶺發源至北流村有小黃河來會再經盤

龍聿石河抵鷹咀村合麻洞河出烏竹堂梨至官江口入鬱

江

榕塘河 源出簇嶺中經木山塘至社步口入鬱江

進塘河 在上秀里源出雲合穿鏡二山經墨斗山下出福

州軍屯下楊林進塘與南喬河合下流至官江口入鬱江

南喬河 在上秀里源出石狗頂東面經下都鷓鴣村背下螺塘至南喬匯洞井塘泉水流下天鵝塘進塘與軍屯河合流轉福林鵝頸塘出山門旺羅塘至探花垠與麻垌珠藏河合下流至官江口入鬱江

珠藏河 在上秀里源出下都里鷓鴣村面泉瀆塘流入上秀里良保知州經福壽石嶺至麻垌墟背出中秀嶺尾會下都里諸水經中秀東周西岸全塘入上秀里棠梨石頭蒲再出中秀烏竹至探花垠與進塘河合匯流出中秀柴狗垠折入上秀里葛麻坪又出中秀交剪塘鷹咀會中秀里諸水轉

入上秀里土塘麻子坪而下米步與崩江河合下流至官江

口入鬱江

以上俱
附

以上叙河

思陵水 縣西北十里源出思陵山入黔江永和里田畝藉
資灌溉府志引一統志云流合大陸水又云永和趙甫武平

諸里皆資灌溉皆誤

附

南淥水

水色綠

志府

源出黔江弩灘入崇姜里經南淥墟水

口江兒至思盤渡再經甲龍思宜武靖屈甲而至馬占與紫

荆水相會流二十餘里至大黃江入潯江

附

橫眉水

一名橫眉江由縣西南泝流而上一百三十里源

出大容山桂貴兩邑以此江作界流經上都里理塘上下山塘天堂耀團等村入鬱江府志據通志作縣西南七十里源出興業葵山者誤

羅葉水 縣南十里源出南頓嶺流入潯江

志

布歷水 縣東十五里入潯江

志

伏化水 縣東南二十里入潯江

志

皇化水 在皇化縣東一里縣因水爲名

志

淥水 在縣南十五里曠野中水泉深碧旁皆怪石北入鬱

江

志

涿水 縣東南十五里天然怪石甃其旁有巨魚生焉

志

按淥源二水事同文異疑重出今附此備攷

府志

附攷

潯江府城南有淥水在曠野中天然怪石甃其旁水泉

深碧清澂中有巨魚人不敢捕

粵西叢載

羅蛟水 合新犀水出新墟北又三里許入宣一水出大黃

河可通舟至馬蝗橋

府志

皇化水 在舊皇化縣東一里因水爲名

元和志

今廢輿地紀

勝隍化水在桂平縣來自容州普寧縣界卽此

府志

寶水 開皇十五年分桂平縣置大寶縣以西北寶水爲縣

名今廢

輿地紀勝

紫荆山水 初分爲二自李六龍洞來者爲左水自霜降沙田來者爲右水至三江水合流入峽十餘里而出由金田平山蔡村古程回環至馬占頭合南濠武靖江水約十餘里至三合嘴會新墟以北各條之水爲大黃江以入潯舊志大宣一
二里藉紫荆鵬化羅宜各山水灌溉田畝其利甚溥志
石梯山水 出武平里石梯山分南梯北梯北梯者經石塘那良六蒙福隆三星福田村寺村至亞八村合馬來河入黔江馬來河實流經武平里始入武宣界南梯流經進嶺上黃思淋石龍等村墟至福壽橋會貴縣郭東里諸水再會銅柱江水下流爲獨流江蓬浪江入鬱江又一南梯支水流經上

思河鳳六村大塘下旺高廟三江鳳蘭等村會三巖鵲鷹二
水下流入銅柱江

南三巖水 縣西一百二十里武平里西北源出三巖山南
流經雅徑回頭三江鳳蘭等村會鵲鷹水入甫里銅柱江下
流爲獨流江蓬浪江入鬱江

北三巖水 縣西一百二十里武平里西北源出三巖山北
流經六社六坵平田大蒙牛脚六那哥東等村入黔江

梯山
俱訪
冊下

自以
石上

大容山水 即九十九澗水由中都下流至上都大洋村名
大洋江曲折百餘里至繡江口入鬱江其上都上秀各里亦

資以灌溉田畝

附誌

白石山水 白石山下秀里田畝均資灌溉

志府

思苑苑水

在桂平縣

據輿地紀勝補

四季水

在吉二里聖石後春青夏赤秋白冬黑深不可測

志府

又名龍潭見下叙潭

三蒙冲水

在羅秀二里合石塘等水下通濟墟至黃安村

入平鄧村界

志舊

牛渚水

府東北九十里自藤峽分流爲獠賊出沒處流入

潯江據方輿紀要補

志府

都仁水

在中都里發源都仁堡大水表諸山西流經蒲塘

楓木雲梯坪而至羅播與六逢旺堡之小水相合經古齋上
峒三角至舊埔坑會大洋江

福涌水 縣西八十五里厚祿里西源出福涌嶺經大嶺王
大垌必祝塘安澹等村至古文冲口入鬱江

以上
訪冊

羅秀里左右二水 右自六石南鄉下流鐵鋪西出鬱林北
底墟左自平嶺洞心等村名大水河經下都藤黎鄭步村旁
紆曲由羅秀二里馬塘等堡至下秀里油麻墟經龍福至平
南零一里猶堆村出大烏墟始入江

舊志

鶴鷹水 縣西一百十里武平里北源出鶴鷹山經三陀獨

石平安旺塘馬村東河旺水羅拔新寨都棉那蓬等村至仁

潭寺入甫里銅柱江再合南梯水經厚祿里爲獨流江東北經趙里永和里會蓬浪江入鬱江

蕉樹水二 在上都里一源出中都里龍曹山一源出中都里雞尖山皆經蕉樹村旁會於龍坡口復行里許入大洋江九曲水 縣西十六里永和里西源出馬來山流經接龍橋崩塌冲入鬱江

陽江水 縣西二里永和里東源出馬來山流經波羅坑入鬱江

銅柱水 縣西甫里源出武平里三巖石梯二山流經珍珠銅柱獅眼等村匯獨流蓬浪等水入鬱江

仁壽水 縣西甫里源出里之登勾山九龍潭白花山獨材嶺等山流經甕窰村合銅柱水再下流匯獨流蓬浪水入鬱江

望江坑水 在宣一里由台山以北各山流出經旺嶺長江墟至上盤石入大江

白沙灣水 在縣東與東塔相對

以上
訪冊

以上叙水

浩溪 又名白石溪在縣東南由中秀里白石山發源北流納青峯山諸澗水至下秀里經油蔴墟旁東片納籐竹諸洞水下行至吉一里匯竹民諸溪水經社坡墟東納白塘大井

諸泉水下行滙犁山冲諸溪水至洞心橫嶺間名三汉口分爲兩道右道滙蕉木溪諸水左道滙棠梨山諸水至大冲青山間名三夾水復合爲一曲折盤施而下至吉二里界滙茱萸峽平安諸溪水至西河馬皮蕩溪諸水右來相滙至河口而入西江溪約深五尺至四丈有餘濶三丈至二十餘丈長一百里有奇流域廣袤一千方里有奇溪流浩瀚水勢潑洄多產魚類中有鱸魚味極肥美且水利最溥兩岸居民多沿溪築陂造車汲水以灌田置碓舂米以代工頗稱利賴故里人楊增華舊有咏浩溪詩

泓溪 在縣東發源於吉一里石狗潭清泓沼北流過石峽

折而東流入吉二里界至勸江而入西江溪約深五尺至一丈有奇濶一丈至三丈長十五里有奇流域廣袤一百方里有奇

蕩溪 在縣東吉一里分兩源左源發龍頭嶺右源發四方塘俱西流至探花村合爲一溪下行繞過馬皮墟邊西南兩面至吉二里西河而入浩溪溪約深三尺至八尺濶一丈至五丈長十二里流域廣袤八十方里有奇

以上
訪冊

以上叙溪

清泓 在縣東四十五里馬皮墟北十里大鄧村面前沼約深二丈濶二十餘丈長三十餘丈面積六百方丈有奇泓底

有石穴一大五六尺湧出清泉常流不息各種魚類由穴出多且大有一尾重數十觔者味俱美尤以鮭魚爲最佳泓外蕩爲藪澤形狀灣環凹凸無定烟波浩渺水族滋生約深五尺或至二丈廣三里有奇長五里有奇面積十五方里有奇別種水產物如小魚螺蜆之屬不可勝計蓮藕芡實之類居民取以獲利甚溥藉爲恒業者蓋千百家焉泓一作楞又作冷清冷河自此流出

天橋泓 在軍陵里尋放墟旁三里許水清四季可汲中間有天然石亘二丈餘橫架其上橋下石壁書天橋佳景四字以爲仙人遺跡云泓一作楞又作灑作冷

臨志井
訪冊

大汶泓 在軍陵里距潯江數里泓水增減視潯江消長石
多可觀儘有硯筆簽筒等肖像

訪
冊

龍潭 在上都里景樂村東北一七八里方圓里許四圍壁
立雨不溢旱不涸其深莫測昔人以紗數兩繫石投潭中紗
盡而不止每大風雨有蛟龍出入出則草木翻岸上入則悉
偃水面土人祈雨必於此取水鑼震鼓響潭水湧浮則有大
雨又吉大二里秦產村亦有龍潭居人謂其水隨四時變色

云按此即前吉二里之四季水又羅叢山水月洞亦有龍潭

方輿
紀要

清泉潭 縣西甫里內有巖洞暗通大江游鱗多集

府志

九龍潭 縣西甫里源泉不竭灌溉田畝

舊志

石狗潭 在縣東四十五里馬皮墟北六里荷茂村右潭有三分列相距各丈許深俱莫測徑寬各二丈周圍約各六丈面積約各二方丈有奇其下相通內出清泉天旱不減中有盤石如狗故名魚大有一尾十餘觔者味甘芳石鯉魚鯿魚尤美

冊訪

以上叙潭

石湖 府志云在馬皮墟北五里潭開石湖數穴四季不乾微風水聲如環佩潭魚可玩按石湖卽清泓清泓內多石故府志石湖清泓兩處重出石受水擊聲如鐘鼓故府志於山嶺之下又載鐘鼓自鳴石其實皆在一處也

南湖 舊志云城南百餘步廣三里延袤二里向多植蓮香聞數里故府志以金蓮夜雨入八景湖中洲舊有平波亭南岸舊有南浦亭今圯俗呼上下結塘中有一塍爲大路

大半爲田矣

今結塘亦

按南湖舊爲邑中第一名勝其地自今小南門外之文家塘舊亦在湖地範圍面積之廣可想而知明末遭亂居民奔走十室九空清繼明統天下始定旨在招集來氓公地任居不問故湖中水注者爲魚塘洲渚爲第宅日久舊蹟漸湮故舊志作時但以今上下結塘當之詢諸城上久居之民云不僅此也

附攷

南湖在城南延袤二里中有洲洲上有平波南浦二亭

名勝志

一名潔湖廣三里許今漸堙塞爲民塘

方輿紀要

俗名

結塘湖

一統志

乳泉

見西山

康濟泉 在思陵山洗石菴外元楊子春銘泠泠聖泉淳滴

迤瀾溫潔如玉芳甘如醴鮒涸可蘇疾病可洗

舊志

漱玉泉 在白石山會眞觀內之右歲旱鄉人齋沐擊鐘鼓

禱之則泉水湧注可灌田

粵西藝叢

泉在白石山中每鐘鼓動則

泉踴躍而來聲歇隨縮玉泉靈異可與壽州咄泉芽山嘉客

泉無爲州笑泉並入靈品

雅亦

溫泉 在永和里大灣村有大樹數圍空其心水從中出烟戶數百家汲之不竭四時清甘傳有異蹟又曰溫泉木井

水決泉 在縣東區四十五里馬皮墟之東南十里龍頭嶺

右泉水大旱不涸水味帶甘能解煩熱而愈渴疾

訪以上冊

桂花井 在潯州協署廳前其泉清甘

舊志

現歸潯郡中學堂

湧金井 在城隍廟左

舊志

坳水井 在上都里大莫村傍汲飲者多壽冬溫夏清

舊志

元村大井 在吉一里一連三口水泉盛湧可溉田達三四百畝

白塘大澗 在吉一里鴨思根上流合衆小泉湧出下流可

溉田達千餘畝

以上
訪冊

錦雞窟 在吉一里進士潘鉅故宅左側穴深數丈四時水

聲點滴如雞啄然

府志

以上叙泉井澗窟

石橋塘 在縣署後卽曾幾茶山集所題蓮榭

府志

馬家塘 舊爲馬文祥故園中蓮池在城西北隅

文家塘 相傳舊屬南湖範圍在小南門左

澗塘 在吉一里穆樂墟泉流滾滾久旱不竭可溉田千餘

畝

訪冊

三窩塘 在軍陵里專福嶺脚灌溉田畝不少長式里餘附

近有三窩塘村

訪補

深沖塘 在吉二里大羅村東南曲折遠長支叉環繞塘中者凡九十有九塘水用車運之溉田百頃

四方塘 在縣東五十里馬皮墟東北十里長塘村對面深約二丈至四丈廣一百五十餘丈長二百五十餘丈面積三萬七千五百方丈有奇水量有七萬五千至十五萬立方丈有奇多產魚類每年因風色氣候之殊或出蠶蝨小魚鰕魚塘角魚苦草鮓之屬一二種不等結隊浮游水面每種約有五千觔至二萬觔之多附近居民捕賣于市賴以養贍者甚

衆塘中多鳧鷖千百成羣浮沉水際波間

以上
訪冊

以上叙塘

思陵山瀑布 在洗石庵西北隅里許水從山巔巨窩溢出流至半山斜掛石壑激湍跳珠聲若奔雷雨後晴朝從數里外西瞻則見百丈練光與東昇旭日相輝映近玩遠觀咸有取焉

馬來山瀑布 在馬來山背永和里都涿河發源處城西諸山以馬來爲最高水亦以馬來所出爲最大常年滔滔不絕故瀑布高垂瓌璋可觀

白石山瀑布 在壽聖寺後自五姥峯頭噴出下垂高數百

丈流出山麓溉田不涸寺僧剖長竹搭引入厨不用汲提而

飲啜裕如

以上補訪

西降山瀑布

在吉里西降山

補訪

墨斗山瀑布

土名水簾

從訪墨斗山錄出

紫荆山瀑布

俗名萬年油

從舊志錄出 紫荆

大容山瀑布

高處直懸有若天降自足凌顛須經時乃達

蓋大容為潯鬱梧三郡諸山之主博大高峻流澗紛披則瀑布自有可觀也

補訪

以上叙布瀑

大冲口 在縣西一里源出西山下經永和七里洞祿塘橋

等處灌溉田畝

官沖口 城西一里經永和里官橋蕉尤沖等處灌溉田畝

平安沖口 縣東四十里經吉大二里灌溉田畝

石徑沖口 城東三十里經吉大軍陵等里灌溉田畝

弩灘口 離城十六里源出羅淥洞經崇姜大宣等里灌溉

田畝

以上金通志

崖龍口 由羅儂入鵬化捷徑

昔口官軍與洪秀全戰嘗扼守此口本府志

大黃江口 下達平南上泮潯州爲郡城咽喉向設大黃江

巡檢於此

平山口 卽紫荆口古林西岸明設大宣鄉巡檢司駐此山

之下

府以
志上

以上叙口

銅鼓灘 在北江委下合南江相傳漢馬伏波征交趾舟載
駱越二銅鼓躍入桂江中即此吳志引綱目彙編謂成化十
年韓雍用兵兩粵軍門設銅鼓數十殆欲繼伏波之餘烈歟
灘中有磨盤石近岸有獨醒巖旱乾方可見舊志以銅鼓秋
濤爲八景之一

府志
古蹟

按銅鼓爲猛人用器並非漢制說詳

附攷

銅鼓灘其聲如雷或如火炮作戰鬪聲游魚皆驚懼

西事

耳
灘流聲細則居民安轟而震則有火盜

粵
載西

然值秋

高水激礮砮如雷輒又不驗 銅鼓灘城東一里當黔

鬱二水合流處

方輿紀要

多巨石春夏水漲響如鼓聲

名勝志

弩灘

在桂平縣西北當大藤峽口水湧而迅勢如發弩因

名

一統志

有大弩灘小弩灘此處創建水閘姜里之田可資灌

溉

碧灘

縣西北八十里

一統志

勒馬之下明成化初平藤峽於

此置武靖州

金志

按明一統志載潯江中有碧灘弩灘思旁灘斫石灘并銅鼓灘爲五水石皆險惡

馬流灘

在南河約十里許此處創建水閘軍陵里之田可

資灌漑邑紳周溯賢有弩灘馬流灘開渠議詳紀文

附攷

武流灘郡志云在府西南五里俗名馬流灘武靖鎮置

於此

地方要輿

茅峽灘 在吉一里大塘口村下其灘逼近江干岩石嶙峋有名爲神仙脚之石者秋冬水落灘勢狹小而直長甚爲湍急往來船隻舳師篤工幾費心力乃保安行

大仁灘 一名大淫灘以其淫於破船故名縣西一百十里大江中灘中石屈曲如之字秋末至春初水落貨船下駛在所必經如或不慎多被撞壞水落時灘聲遠聞數里南江自

大仁下至縣城各灘未有如大仁之險惡者

錄上兩灘俱
訪冊

以上叙灘

南江下渡 在東門外南岸渡租歸三官堂

志府

南江上渡 在潯稅南廠上流舊有潯陽樓迎暉亭即所謂

南津古渡也

志府

北江渡 在北門外水急難渡船取輕小難載多人

訪冊志并

石嘴渡 在石嘴墟旁

江口渡 在江口墟旁

訪冊上

愚江渡 在上都里大洋渡下流三十里

清嘉慶間上都里各村
周實便墟里各村

倡設
久遠
錄府志并訪冊
出田志并訪冊
以持

白馬歐村大灣三渡 俱在南江岸四十里許府志云七冊
訪十
思盤渡 在崇姜里兩岸碼頭道光六年大湟江巡司張瑜
協紳黃玠等募建

崖龍渡 界宣二里通新墟

李邨渡 界宣二里通新墟

古秀渡 界宣二里通新墟

下瑤壩渡 界宣二里通新墟

石版渡 界宣二里通新墟

小江渡 在大黃江

大洋江渡 在上都里

府志

按同治末光緒初經建石橋不設渡

冊訪

蒙墟渡 在縣南南江岸二十里

崇姜里七渡 曰龍窟村渡南滌江渡經塘壩渡白沙村渡

黎埗塘渡石咀墟渡水口渡

府以志上

安澹渡 縣西南一百里大江邊通上都里大灣塘墟

石門渡 縣西南七十五里大江邊通上都里

白沙渡 縣西南六十五里大江邊通上都里

獨流渡 縣西四十五里獨流江桂貴通衢

州城渡 在永和里州城村大江邊

黃村渡 在永和里黃村大江邊

官候渡 在永和里官候村大江邊

江兒口渡 在永和里蓬浪村江兒口

福山渡 在永和里福山村大江邊

石沖渡 在永和里石沖墟大江邊

新隆渡 在永和里新隆村大江邊

順昌渡 在永和里順昌村大江邊

白額渡 在永和里白額村大江邊

秀江渡 縣西五十六里浪灘村大江邊

泥江口義渡 在上秀里浪灘村上都里大坪村交界地方

清康熙年間生員曹厥恆等建議開設以下灣墟秤捐作義

渡常年經費

思盤義渡 在宣二里民國元年凌松茂堂羅曾氏捐資倡

設 以上十六渡俱采訪冊

大江渡 在大黃江

睽江渡 在黃江下五里

馬瞻渡 通黃江新墟要道

三合水渡 黃江新墟要道

彩村義渡

武靖渡 在新墟和社

江頭渡 在新墟里許

錄以

以上敍渡

先後次第未暇排止

高車壩 在紫荊山口上有大石梁長二十餘尺堵水入田
高洞隄 在上秀里高塘甲創自明萬歷十五年長四十餘
丈雍正五年舉人曹厥恆重修

閩塘基 北隄基 皆在上秀里高塘甲陳名典曹厥恆等
先後修築曹厥恆有記云粵攷上秀浪灘高塘等村水患有
二曰浪塘曰北基皆過龍峽也水患之入實自此始一則由
浪塘而直衝沙子亭抵背圍而出於雞公塘口橫則南流而
與北基水會一則由北基而直流福洪大井龍塘等處而出
奔官江乃總會於大河二水雖分兩路而實連而相濟以成

害平原盡成巨浸禾苗盡通魚鱉行者迷途耕者失望雖洪水之災不是過也恆目擊心傷思以除之雍正丙午冬會集村隣或捐貲或出力同心修築不數月而浪塘之隄屹然山立至於北基前有處士陳名典曾經修築但此基有二而陳氏僅築其一至今水患仍然不免恆於乾隆乙亥思除其害集衆修築遭丁丑大淹而新築浮蕩無餘又大集人工修復舊基缺者補之卑者崇之視舊基更爲完固經始於甲申年十一月落成於乙酉年三月水患除而行人通一舉而兩善備焉所有捐貲姓名合勒於石以垂不朽云

思味隄 在厚祿里里味村東南長三百九十丈底濶三丈

五尺面濶九尺其最高處二丈五尺建築於前明成化年間
清嘉慶十七年重修值江水盛漲保存田禾雜糧不少如或
潰決溢冒隄內田地被淹沒者計達八十餘頃

尋貴隄 在厚祿里尋貴村北西東長七百六十丈底濶三
丈面濶八尺其最高處一丈五尺建築於前明值江水盛漲
保存田禾雜糧不少如或潰決溢冒隄內田地被淹沒者計
達三十餘頃

以上開壩隄

桂平縣志卷六

紀地

關隘

凡關隘鎮堡寨皆入此卷省名曰關隘

歸化關鎮遠關 省志引一統志謂在城旁今不可識蓋古
今異名也

南濟關 卽佛子口也原在城西十五里甫里以其在大藤
峽南故爲此名隘口外屬趙里界里人又稱趙坳由口下磴
道陡峭約二里許至趙里石板村隘口兩山高聳北爲金牌
山進入仙人竈而馬來山接連高出雲表卽郡城之祖山也
迤邐而東爲思靈山南爲木吼山連綿皆山坡由荔枝洞而

下至都潑山其村居編爲石羊甲自仙人竈馬來山水經楓
木坪合佛子坪水流都潑江入蓬浪河佛子分水東流經長
田村而下合官橋蕉木冲出沙江至大冲口入江知縣吳志
縮佛子隘詩潑郡多天險逼仄佛子江山窮水盡處一夫守
難當金脾爲右臂峭立萬丈强木吼左亭亭呼吸達帝鄉磴
道千層峻弧背曲相將烟坪號楓木中凹若弓張下臨清潭
水羣雁都潑洋人面起羣山艮路徑細長所幸聖化洽政教
肅獠狼奇隘若平坦南關通津梁廟堂時努力民生樂徜徉
觀此詩可識此關形勢

西靖關卽石梯隘口 在城西七十里兩山崇疊中通隘路

其山在武平里由上黃村而進約五里許上至隘口自隘口西北行紆曲陡瀉右有白塔山左有山嘴山二里至石羊嶺五里六蒙村二里六斗村三里山心村五里福心村三里上寺村對溪下寺村三里秀才廟五里亞八村二里福慶三里馬來江與武宣古尖村界馬來江之西有古丈村與武宣百花岸界山隘之左有振嘴趙甲國州石墨旗杆諸嶺其列如屏障則羅影山也山隘之右有黎怕可麻詳牌江泥妹寨九片諸嶺總之諸山皆從貴縣龍山鴨笑山來高出雲表綿亘蜿蜒凹凸相連發爲石梯其中之水有四十七渡春夏雨水瀑漲人馬難行誠爲縣境險要者矣明天啓二年胡扶記作

亂狼民陳明威等征獲其黨遂於山內近水地招五姓等墾荒成熟漸成村落今則人安耕種日事樵採不比昔時之爲密菁矣

東樂關 卽茶嶺隘口也在城東南一百八十里爲縣屬羅秀里與北流容縣交界處其山嶺在羅秀一二里間羣山連亘東屬容縣西屬北流各有界碑自羅秀一里洞心墟行五里朱村又十里羅秀二里蘇村又十里六塘堡又八里則茶嶺也又自沙坡墟行三十里中團堡又五里沙堪村又十五里沙木村又十里則茶山嶺也承平日久商賈輻輳峻巔悉若平地矣

以上舊志

北定關 即紫荆山隘口在城北五十里之宣二里界自新墟十里至山口兩山夾水從厓路進五里許至獅子頭山西有小水從彭溪山峽出焉隔江爲麒麟山經馬侯廟又五里爲三江口卽左右二水會流入峽出山口者也三江口面朝巢鳳山之左爲左水從三江口進三里龍洞村又三里茶地村又三里山頂村登其頂東望有白沙隘小路通羅宜山東北望有高山峭立遠出雲際乃永安州力山也西望獨鴉雙髻渚山在微茫縹緲中自山頂村左行二里爲李灘村對江二里思久村李灘四里大灣村二里銅鼓坪一里茶余村八里板兮村八里琵琶村此爲水源盡處琵琶稍進有黃田

白竹等冲其上亂山蔽日高峯插雲不可踰越最高一峯名大將山圓秀特出位寘獨尊乃紫荆全局之主山也大將之下有小將亦聳拔可觀其餘萬山圍繞或奔放或推疊或傾欹或尖削無有卓然成峯者由山頂村右偏循麓行三里爲大坪村四里爲盤洞村四里爲里六村有僻路過山可通象州里六村再入有小古營大古營約十餘里爲黃坡爲青冲此是水源盡處亂山層沓間有獠人山子來此批山種作但不常有耳茶余里六兩村水源之水流至山頂村邊合流而出此乃紫荆山左水內之二小水也自三江口分路五里沙田村五里軍營村五里蒙冲村五里石狗村路通武宣花雷

村又從軍營五里白石村三里思冲村三里霜降村皆有隘
路通武宣東鄉及象州西鄉中有甕窰界白石山花雷村界
大銀山龍冲山皆右水地也左右兩水中四山環繞坡洞參
差廣約二百餘里自大藤峽獠賊煽亂據爲巢窟人迹罕通
平定後招狼人守隘口清康熙間有匪人出入經譚總兵
征剿始平隨于山口設紫荆汎官兵守之招復人民進隘內
開闢田畝漸成村落供賦稅當夫役與宣里民無異嗣是移
去山口營汎遷大黃江口之巡檢司於新墟木伐道通商旅
接踵口成通衢矣道光間廣東遊匪入境土匪漸染其風時
有奸宄之徒或從隘口入山過界而逃於武宣象州等處或

在山外拐搶回頭過界復出隘口潛匿於新墟一帶村落中或竟出江口墟遠颺而去當時山口卡房只有塘兵一人雖常見賊匪徒往來力難禁阻道光二十六年洪秀全拜上帝會於此三十年起兵金田亦恃有此關易於出沒也

武靖鎮 縣城西北二十五里古武靖州地通志引一統志

云桂平縣東北三十里東北當爲西北之誤明總督韓雍以地爲藤峽要衝奏置武靖州後廢爲鎮

據舊志修

鎮寧鎮 縣北三十里明韓雍議移靖寧鄉巡司於獻俘灘

卽此

一統志

鎮峽堡 在縣城西四十里弩灘上

淹冲堡 在縣西四十里

秀江堡 在縣西四十六里

努灘堡 縣西北五十里嘉靖時猺酋侯勝居努灘爲亂指揮潘翰臣誘殺之其弟公丁噪武靖城下而去官軍泝流擊

賊無功乃立堡於此設兵守之

通志引方輿紀要

碧灘堡 縣西北八十里成化初韓雍議峽江百里有上中下三灘上曰勒馬中曰碧灘下曰獻俘旣而議置武靖州及移思隆巡司於此萬歷三年參政田汝成謂江北一帶西自碧灘東連林潤皆南渡蓼水墾作便田江南一帶東起滿竹西繞河源亦託處平原遠背山麓宜保甲以防不虞皆其地

也

按歐浮灘
卽努灘

浪灘堡 在縣西南九十里明萬歷初以努灘浪灘兩處
賊遠徙舊穴遼曠恐爲他賊所乘於灘碕各立營堡戍以官
兵

牛屎灣堡 在縣東八十里 以上鎮堡共九處錄府志

勒馬寨 縣北百里韓雍平大藤峽議移周冲巡司於勒馬

灘卽此見通志引方輿紀要

夏府志

寨門古塘 在軍陵里立嶺西濱大江明侯大狗破城據守
王守仁舉兵征之於塘之四面築寨以便伏攻今塘已變遷
爲田

高嶺古寨 可容人二千餘在軍陵里之南爲明藤峽賊侯
大狗易天昌等所築遺址猶存

保英古寨 在吉二里理村團之東可容人二千

旻頭古寨 在吉二里理村團之西可容人千

萬安寨 在縣東四十五里吉一里馬皮墟東南十里大石
脚村背約高六十丈廣一百丈周圍三百丈有奇四面山岡
生成壁壘崎嶇天險絕人攀躋咸豐間陳開率黨圍攻居民
滾石抵禦斃敵無算經困匝月終不能破卒解圍去中有關
帝祠著靈驗聞戰時每顯應香爐汗出如瀋須派人爲之拂
拭故賊中屢見一紅袍人騎馬督戰當者輒靡寨賴保全

風門古寨 在吉一里西降山之東上有田塘約二十畝可以耕種寨容人三千餘咸豐時匪亂據穆樂墟爲大營不敢攻寨附近二十餘村人民賴以保存

狗頭古寨 在吉一里社坡墟南十五里可容人千餘

噓頭古寨 在吉一里社坡墟東南可容千人

墨斗古寨 在上秀里雲合山北四面懸崖峭壁無路可登世亂時於來脈處橫鑿一路以通之路外內各建一棚可住三四百人內有一小岩有事則集議於此岩下之一旁有水出足供避亂者之用

石梯古營寨 在縣西一百里武平里西南石梯山上周圍

十餘里高七八尺明天啓間狼曾胡扶記作亂陳明威築此寨於山頂以防禦之後扶記爲明威所擒誅按扶託係貴縣龍山北山里平賀村人明威係武平里平安村人

金田古營寨 在宣二里金田村西二里許道咸年間洪楊發難築以防禦官軍遺址尙存廣濶各數十丈寨邊有潭深約十餘丈水甚清潔相傳無用兵器多投其中

羅旺古寨 在宣二里羅旺村地方林蕃溫容李開基等建築以避亂咸豐間來土匪萬餘人力攻不破一方生民賴以保存現寨尙存並無毀損

以上訪冊

介石山寨 在下秀里介石山見山川

總兵營 在姜里總兵堆見山川

雞罩山 在姜里高險爲匪所匿並見山川

屋厦山 舊獠賊出沒處並見山川

高振嶺 在姜里韓雍督處並見山川

大藤峽 在縣北明獠賊根據地並見山川

羅涿山 在姜里明侯大狗作亂多居此並見山川

大塘山 在宣二里明侯大狗所踞詳山川

以上從訪冊山川內錄出

平石隘 在下秀里隘口當竹雅塘南冲塘之交左倚平石

右靠清風中通峽巷路長里許崎嶇險陟爲往來麻洞油麻墟之孔道扼下都下秀里之咽喉

佛子隘 在下都里東距陳容村約六七里兩面諸山高蔽村落道路險隘一夫當關可抵萬人爲麻洞入羅秀所經之路

山口塘隘 在上秀里爲官江下灣入麻垌必經之道

鷓鴣村峽口 在下都里爲上秀往下都秀一里各村必經之道

獅子隘 縣南一百里中都里隘長二里許西隘口橋頭黎村東隘口木根墟

猛風隘 縣西二十五里之北長十餘里屈曲峻險隘北口爲永和里分馮爺廟隘南口爲趙里分水塘村

團氣隘 縣西八十里厚祿里西長六里左右山高十餘丈雖無一夫當關之勢盜賊常資以劫掠往來行人視爲畏途隘西口貴縣思龍里美垌村隘東口厚祿里龍塘村

福涌隘 縣西八十五里厚祿里西長七里左右山高十餘丈勢亦非險盜賊常資以劫掠往來與團氣隘相同隘西口爲貴縣思籠里潘村隘東口爲厚祿里大嶺村

鷓鷹隘 縣西一百里武平里北山路崎嶇車不得方軌騎不能成列爲大藤峽右臂較石梯隘尤險長十餘里第非通衢經此者少隘南口三陀村隘北口那生村濱黔江崇姜隘 通碧灘羅淥洞路約數里甚崎嶇行人每苦之

大灣肚隘 縣西六十五里甫里北左右山背峻拔路復險
曲長二十餘里隘北口濱黔江界崇姜里有水警巡船駐防
旁近諸山爲廣業公司植牧場隘南口爲甫里平塘社嶺塘
等村

紫幹山石隘 羊腸鳥道徑路崎嶇素稱要害按紫幹山石

隘紫幹與紫荊音字相似疑卽上北定關紫荊山隘口

志舊

石梯路爲社坡穆樂交通要隘在吉一里西降山旁高峻三
十餘丈兩旁高山橫壓左右路長各數里砌石而上計二百
三十餘級牛馬僅能上落往年常有匪徒伏此劫掠

俱以
訪上
册

蘇州府志

PDG

桂平縣志卷七

紀地

方域

舊志云今縣附潯州府在廣西布政司

布政司衙門在桂林舊

爲省城

南少西八百七里兩江會流山分南北中三幹南幹自

安南十萬山由廉欽趨鬱林起大容諸山北幹自象武來爲
藤峽諸山北南幹尤險中幹則自黔滇綿亘三千餘里盤曲
勃嶽南趨鳳巢西起思陵東下結成府治而縣附之北以藤
峽口紫荆五指爲左臂南接龍山脊白石大容爲右障城垣
高固人物輻輳粵右之一都會也

疆域廣一百五十里袤三百七十里東七十五里至相思塘接平南界西八十里至平謁墟接貴縣界南一百九十里至大容村接鬱林州界北一百八十里至花雷村接武宣縣界東南到大容山界梧州府容縣爲一百八十里西南到齋頭村界貴縣爲一百二十里東北到甘村界平南爲七十五里西北到石龍墟界貴縣爲八十里其自平謁墟至貴縣城六十里大容村至鬱林州九十里花雷村至武宣縣城九十里大容山界至容縣城七十里齋頭村至貴縣城七十里甘村至平南六十五里乃鄰治之相距者

至於道路則自南江頭塘逆溯五里馬溜灘十五里全村塘

十五里福山塘十五里官江塘十里曹村二十里鷄公塘十五里綉江塘二十里白沙塘十五里石門塘十里佛子塘十五里大灣塘十五里橫眉塘十五里貴縣東津塘界自界至貴縣城四十里也

自北江頭塘逆溯二十里駱根塘十五里弩灘堡二十里沙灣塘十五里鑿字塘十五里碧灘塘二十里白石崖塘十里平涌塘十五里中塘灣界自界至武宣縣城一百二十里也自城東下潯江順行十五里黎涌塘十五里石觜塘十里都擲江塘亦名東葉埠十里大嶺塘十里大黃江塘十里盤石塘五里卽平南相思塘界自界至平南縣城三十五里也

其餘各陸路出西關十里嶺頭舖二十里流瀾村二十里滿塘村十里富塘十里爲貴縣大墟界若自嶺頭舖分路十里烏羊十里林村二十里清泉村十五里昭盤村十五里那蓬十里上黃村十里石梯隘口十五里六蒙村十里寺村十里爲武宣縣古尖村界

自流瀾村過河下灣墟十三里高塘福鴻村十五里上洞村二十里蕉樹村二十里大洋墟十里雙橋界碑爲鬱林州蒲塘司界

自南江上渡十五里廢雲南墟十里細長塘十五里河村十里龍塘二十里北流十五里西漢五里麻洞墟墟居上中下

秀上中下都及羅秀里界皆有山坡小路通焉

自南江下渡十里埕脚二十里平安村五里魚梁村二里水口村二里鷓鴣村二十里菘豆嶺與平南黃麋埔界若自下渡分路十里覃放墟五里佛子村三里冲頂蒙冲村十里韋村十五里吉大里良村三里社坡墟五里探樵村三十里下秀里高山村二十里至平南大烏墟

其自魚梁河分路二十里馬皮墟三十里穆樂墟三十里亦至平南大烏墟

又自馬皮墟分路二十里石白村與平南滋塘村界路亦通大烏墟

自北江頭塘行五里山塘五里黎村一里和社墟十五里都
擲江七里龍塘從三家村八里至大黃江口墟

若自頭塘分路十里山峽七里和社墟五里朱村二十里過
河武靖村十里至新墟

又自頭塘分路五里樟村五里黑石三里牛欄三里石蓬六
里南添墟十三里思盤村過河七里板霞村四里亦至新墟
自墟行十里羅旺十里王舉三十里爲平南朋化里界因公
趨走程期可密計矣

桂平縣志卷八

紀地

里甲

省志載桂平編戶二十四里今按城廂外纔二十一里耳清晚朝廷頒地方自治之制劃二十一里爲四區曰西七里曰東三里曰南八里曰北三里今以此爲四大綱而以舊志所言里甲村堡分列其下

西七里者永和趙里甫里武平里厚祿三里也

永和里在城西三里東自細長塘至西烏楊村三十里南自福山水流塘至北白額村四十五里舊有雲南墟在永和中

秀軍陵之交今廢村落分西南兩岸南岸則梁莫村羅村黃
村新舊官候村社步村水流塘福山村細長塘西岸則官橋
村蕉木冲上下沙岡村新村拆嶺村丹竹村嶺頭舖龍村鹿
塘村洞心村馬黃村福慶村蓮塘村起村全村上甫村蓬浪
村烏楊村大灣村順昌村歐村自西山右石灰嶺進山窩爲
石羊甲有長田村佛子村楓木坪荔枝洞自西山左馮爺廟
進山有炮竹坪藍山皆零星小村北河有新安村脚石村土
地村爛泥村白額村

拆嶺卽山川內之赤嶺

趙里在城西北二十里東自施村至西新墟村二十里南自
流瀾村至北新寧村二十五里有蒙墟上路由厚祿里通貴

縣下路由甫里武平里通武宣村落分民狼四甲民甲則一
甲棉塘村二甲流瀾村三甲新寧村嶺脚村寨村黃茅村石
板村新安村黃敬村狼甲則林村施村羅村羅容村石橋村
新墟村古城村雞母村運耀村

甫里在城西北四十里東南自寨頭村至西北平嶺村二十
里又平嶺村至白石崖塘十里沙洞村至鑿字塘十里皆隔
以山村落分四甲寨頭甲有寨頭村石脚村墟碑村甕窑村
官橋村平陽村莫底村甲有莫底村白泥村洞樹新村高洞
村如榨村六鄉村福祿村清水村石排甲有石排村河塞村
秋盤村石岡村黃壽村中灣村寨眼村新民甲有屯嶺村平

嶺村平塘村馬江村白鳩村福龍村新鎮村沙洞村平田村
黎村澆蓬村扶廟村新嶺村狼甲有清泉村全塘村馬王村
上旋村上貫村官橋村

厚祿一二三里在城西北四十里西界貴縣平竭墟西北界
貴縣郭東里西南界貴縣吉斗村其一里東自田竇村至西
平洞村五十里南自白沙塘至北黃塘村四十里二里東自
石嶺村至西龍塘村五里南自安担村至北盧村二十五里
三里東自振龍墟至西飄村二十里南自蓮塘村至北思味
村二十里有白沙墟在一里嶺尾墟在二里振龍墟在三里
村落一里則厚祿村信圭村寨村辰山村梁河村滿堂村坊

洞村下團村敬焦村福臨村白沙村田竇村下營村中團村
上團村平洞村黃塘村陳村二里則龍塘村下團村安担村
顧村鄧村新屋村石良村嶺頭村富塘村蘆村三里則尋貴
村新塘村飄村石門村良美村下賒村西團村中團村寨塘
村龍村思味村節慶村上團村峽口村雙井村黎村翠塘村
上塘村

武平里在城西北六十里西界武宣古尖村南界貴縣蓮塘
村東自仁潭寺至西亞八村五十五里南自良山村至北牛
脚村河平埔塘六十五里有石龍墟村落分三甲新民甲爲
東河村馬村黃塘村平安村平地村大稔村獨石村大盤村

三陀村思愿村平田村大蒙村六社村那岡村六那村冬甲
爲想思村上黃村思彬村黃西村霧浪村白洞村歐村譚嶺
村梁山村石龍墟上下狼甲爲盈豐寺那蓬村都棉村三江
村新寨村羅拔村旺水村寺面村獨木村六村下黃村石梯
山裏有六蒙村六斗村山心村寺村獨田村亞八村古歲村
古文村

東三里者軍陵里吉大一里吉大二里也

軍陵里在南河渡頭東自韋村至西灘頭村三十里南自石
橋村至北塢脚村二十五里有尋放墟村落分上下二股上
股在尋放墟東有第一甲下巷村車田村大塘村洙泗村寨

心村塘角村高嶺村賴村澁塘村村肚村嶺坳村下山佛子
村泰坑村一名新莊村平坡村平洞村西山村犂峽村河基
村義八村望勢村獨嶺村大們村光塘村冲口村第二甲積
福村塘頭村鑪塘村新村文冲村桂山村黃山村韋村祿嶺
村珍珠村兩塘村第三甲官河村下嶺村高巷村黎巷村石
井村龍巷村門口村蓮塘村墟巷村石塘村下股在尋放墟
西第四甲上渡村灘頭村臘嶺村馬峇村甘村鍾村石橋村
甕瑤村劉屋村塔脚村下渡村

尋放墟即草放墟桂山村又名珍珠肚又名桂木山珍珠村

吉大一里在城東南之七十里東自穆樂墟至西伏化村四
十里南自水邊村至北白沙村六十里有社坡穆樂馬皮各

墟村落分二堡上堡爲上竹文村下竹文村羊頭塘村水邊
村古調村天子村蓮步村甘塘村伏化村蓮三村塘利山村
下河村原村油榨村趙村狗尾嶺村舊地村中洞村橫嶺村
白土村陸角村陽領村合候村木路村蝦塘村柴脚村大石
脚村梁祐村下堡河洞村石龍村虫猛村沙江村羅葉村北
冲村庫子村松木村蒼帽村雙板村蓮塘山口村上下良村
廣丁村河塘村旺村鴨公村龍步村龍安村上下河村廣狼
村嶺尾村汾塘村白塘村高塘村上湓村羅塘村

吉大二里在城東南四十里東自官州村至西小滿村五十
五里南自大山村至北大容村四十里有平通石咀竹社各

墟村落分上中下三股上股爲平安村黃村石境村龍塘村
藍沙尾村陳冲村河口村魚梁村鱒古嶺村中股有水口村
東葉村羅洪村大木村木山村大朗村大羅村大洪村渡頭
村界塘村歷江村小鄧村黎軟村鷓鴣村新寧村古楞村新
村桂山村社定村下股有蓮塘村水活村獨木村橫江岡村
下冲村龍塘村暗塘村洞心村官州督村社嶺村潭蓮村泉
水村竹山村蔡村陳宅村李村憑馬村大山村獨州村竹冲
村黃母村田背村蓮塘村河謬村良雅村長塘村文監冲村
南八里者上秀中秀下秀上都中都下都羅秀一里二里
也

上秀里在城南六十里東自黃羅村至西古舍村三十里南
自福壽村至北下灣七十里有下灣墟在鷄公塘村落分內
外二堡內堡分三甲浪灘甲有浪灘村侯村楊村何村鄧村
冒嶺村洞岸村松木灣村古昔平村鳴羊甲有古舍村楊村
河大村井冲村三祖村根竹村南塘甲有南喬村福壽村蓮
塘村山口村騰梨村黃羅村拾門村甘村黃安村篤州村軍
屯村新塘村楊林村黃保村外堡亦分三甲貝團甲有貝團
村大嶺村嶺字村高塘甲有高塘村龍塘村大良村龍山村
良殿村北馬村長隆村子孫塘大井甲有上洞村大井村楊
村大塘村

中秀里在城南五十里東自羅歲村至西西岸村四十五里南自周塘村至北楊鷄村四十里有鳳嶺墟又有麻洞墟處中秀下都之交通中都羅秀與上下秀村落分四堡永安堡有楊鷄村容塘村塘頭村羅歲村湓村太寧堡有會冲村中黃村粘坡村姚村東岸村旺塘村世興堡有木良村周塘村定子村梁村根竹村全塘村楓村盤龍村建平堡有石井村北流村烏竹村西岸村幹冲村

下秀里在城南五十里東自台洞村至西莫村四十里南新田村至北上河村四十五里有油蔴墟在上稠堡通羅秀村落分十冬一冬臺洞堡有台洞村黃塘村龍塘村白竹村林

府村楊梅村楊子村新村高山村木鶯村木村救護村深田
村永隆墟二冬亭子堡有亭子村高波村西岸村陳山村九
良村上河邨雙豆村三冬甘洞堡有甘洞村新寨村良福村
六旺村茶山村澗塘波篤竹墟四冬上稠堡有大嶺村炳嶺
村大地村中村下林村上林村五冬周村堡有周村北岸村
澗邊村佛堂河村六冬鄭村堡有鄭村東岸村平波村七冬
有平田村莫村八冬猶里堡有猶里村福田村羅村羅藍村
冲口村九冬莊宅堡有謝村上徐村蛤塘村石冲村十冬陳
冲堡有陳冲村羅集村良村新田村良賓村
上都里在城西南一百二十里正南界鬱林州山奇龍塘等

村正西界貴縣江口村西南界貴縣雷村新定村鬱林州陳關村東自蕉樹村至西耀團村五十里南自台塘村北至太平村六十里有大洋墟通鬱林舊有太平墟大灣墟今皆廢村落分五堡一堡耀團村二堡天堂村三堡齊嶺村上山塘村下山塘村新村李塘村大洋村白竹村上歐村台塘村小塘村四堡十字村石步村大莫村平塘村蕉樹村五堡周實村景樂村硬堂村里各村太平村又有新寧六鶴揚興蒙興新安等村

中都里在城西南一百二十里南界鬱林州北底墟東自平山村至西羅村四十五里南自都仁村至北沙路村五十五

里有木根墟近都合村村落分內外二堡內堡分三甲布平
甲有布頭村平頭村滿村甘村黎村冬甲有西岸村民甲有
都合村萬寧村沙路村外堡分三股一股爲平隆村寧洞村
蓮塘村石村八伯村東岸村陳村二股爲羅村羅排村舊州
村三角村承塘白鶴村騰荊村舊縣村鷄冲村陳鄭村六厚
村到塘村滴水村蓬山村門洞村甘村三股爲羅播村都仁
村六鶴村楓木村社村古齋村鎮安村高田村低田村蒲塘
村

下都里在城西南百里東自思落村至西大冲村五十里南
自文山村至北黎村三十五里有麻垌墟詳中秀里村落分

上中下三堡上堡分二甲大冲甲爲大冲村石馬村上鵠村
鳳岡村龍彭村木彭村上盧村下盧村謝村上諫知村下諫
知村鵝公村大安甲爲黃菴村東冲村周村梁村中堡分六
甲陳村黃村共兩甲容村當一甲楊村南江村共一甲莫村
藤莉塘共一甲鷓鴣村社山村神殿村共一甲下堡分三甲
社塘甲有社塘村歐山村沙村泥平村荔枝坡村陸村甲有
陸村何村旺里村大甫村新村河冲村黎培甲有黎培村思
培村旱冲村思落村思教村澄步村祖來村
羅秀一里在城南一百三十五里西界鬱林北底墟南界北
流縣東自舊地山村至西南鄉堡七十里南自鎖同村至北

中斷堡八十里有中和墟在中團堡又有洞心墟在馬塘堡
沙坡墟在六石堡村落分七堡中斷堡有村心村木湖冲村
子平村合水村舊屋平村竹殼塘村冲表塘村松塘村社平
村西冲村嶺堆村勤鳩村九龍塘村呂水村冲塢村馬塘堡
有永甯村馬平村秦村竹山村井邊村大黎村馬平村新塘
村塘卓村社上村舊地山村京平村馬塘村長稠堡有平嶺
村勒嶺村塘傍村社洞村善田村落水冲村馬勒根村九分
村大塘村石橋村楊回村南冲村竹瓦村濁水村花頭村勒
竹塘村平塘村紅萍洞村龐村堡有龐村扶冲村茅田村夾
口村葉稠村新安村上下河塘村吉水村松根村潮冲村中

團堡有盧村筋楊村荔田村邏塘村谷塘根梨根塘村冲表
村沙填村草香村沙木村大洞村龐冲村中團村六石堡有
襴冲村楊郭村六南村大冲村寨裏村楊村新村容村岑塘
村平蓋村長塘村掉田村陳村六忌村文洞村山雞村六石
村南鄉堡有鐵舖村灣洞村車塘村石棒村六息村大塘表
村拗椅平村舊地村鎖同村南鄉村

羅秀二里在城一百三十五里東界平南六雷村東自東界
村至西韋楊堡三十五里南自蒙冲至北黃安村三十五里
有通濟墟在莫村堡村落分七堡盧塘堡有盧塘村故朔村
回龍村黃安村莫村堡有莫村賢塘村墟地村易洞村孔村

高仰村井坡村東界村太平村六賤村植棠冲村六塘堡有
六塘村塘慶村古丹村嶺頭村竈門村社坡村培嶺村大冲
村山上村蘇村堡有蘇村楓木村新村山口村六夏村蒙冲
村章揚堡有章揚村石脚山村上下水簡村長塘村化塘村
下寨堡有下寨村歐山村沙井村石脚村山平村獨堆堡有
獨堆村鳳村嶺頭村筍菜村背冲村大塌村路房村

北三里者崇姜里宣大一里二里也

崇姜里在城東北五里東自都榔村至西羅淥洞山邊七十
五里南自頭塘至北有思盤村三十五里有南淥墟在上水
期寅申巳亥又有和社墟在下水期子午卯酉村落分上下

水上水爲樟村白竹村黑石村白竹壩村牛欄村陳塘村駱
根村蓮塘村貴德村平安村龍窟村牛軛村大龍村高塘村
上龔村上麒麟村下麒麟村高粱村下龔村鎮武寨東民冲
峽內有碧灘村羅深洞有油麻村田頭村上洞中洞下洞村
下水爲思盤村晚塘村古了村上黃村零村鷓鴣塘村甘村
黃騰村朱村山岷村石蓬村和社村黎村古楞村三等上中
下村原名三鼎村
有三鼎號橋頭村龍門村都挪村密山村山峽村山
塘村白沙村渡頭村

大宣二里在城東北四十里東自趙村至西尋排村二十五
里南自武靖州至北紫荆山白石村七十里有新墟村落分

左右水右水爲武靖村龍門村夾龍村右重村安樂塘村長嶺村金塘村板霞村獨嶺村燈盞村橫嶺村熬田村佛廬村平社村古程村三家村蔡村車較村麻車村雞母潭村金田村甘旺村平山村大河橋村界洞村古冬村尋橋村黎洞江村吉嶺村盤隆村安衆村李山頭村大路洞村員嶺村官必村木攏村白廟脚村尋排村丁黎村望牛村左水爲趙村坡頭村古楞村羅旺村上甘村古望村李村牛排嶺羅交村古到村茶調村古林村田寮村羅歐村羅坪村都鴉村禰村羅行村王摩村嘉令村三家隴村大墩嶺村簡村赤土村小樟村大樟村孔村黃泥潭村莫村紫荊山內左水爲龍洞村茶

地村山頂村李灘村思久村銅鼓坪村茶餘村板溪村合水
村大坪村盤村李六村右水爲沙田村軍營村白石村蒙冲
村思冲村霜降村

大宜一里在城東北五十里東界平南縣相思江東自潭井
村至西甕瑤村三十五里南自大黃江口至北羅宜山勾歪
村六十里有江口墟村落分上中下三股上股爲督的村古
城村沙洞村崖龍村王舉村連舉村中舉村壠西村中洞村
上獠村石檣村十冬村黃果村回龍村洞心村陳村羅璧村
八冬村萸村石板村中股爲羅遠村竹圍村馬古村木銀村
橫嶺村朱盞村上灣村下灣村鋪嶺村官塘村舊江口墟盤

裙村三角咀覃綫村龍潭村下冲村小樟村大樟村三家村
下股爲古掃村羅州村下孫村四面塘村新羅塘村白鳩村
牛欄塘村喬塘村胡村白竹村高黎村李村羅活村山塘村
石牆村黃嶺村蓮塘村鴉州村寶藏村牛排嶺村甕瑤村竹
頭村盤石村羅山村望步村望貢塘

凡上所列村落皆依舊志而其中有不合者如吉一里中有
社坡穆樂馬皮三墟而誤以馬皮歸吉二里又吉一里村落
今分上中三股上股社坡區竹民水邊古調村頭村心伏化
等村屬之中股馬皮區橫嶺水柳白土冲蝦塘大石脚寨背
金嶺古楞塘馬嶺龍塘水口石嶺白沙等村屬之下股穆樂

區羅業北冲松木蓮塘山口上下良村鴨公上下河村廣狼
嶺尾白塘排蓬等村屬之與舊志稍異并附於此

桂平縣志卷九

紀地

墟市

舊志墟里合篇將各墟混載各里甲中不另立專篇但言某里有某墟而已求之府志則以墟市列入山川篇末但言某墟在某里而已至夫城市相距各墟相去南北東西之位置舖戶亭場之多寡貨產進出趁集時期咸闕不錄夫以一縣之大自城池而外凡長官所巡佐貳所駐保衛所設營練所札遊人所宿何一不在於墟市邇者各里小學牛屠雜捐亦莫不出於墟市其關於人事如此其要且切也豈得視爲不

本之東...
足重輕哉禮記王制太史陳詩以觀民風令市納賈以觀民
好惡聖人立法固不專重此而輕彼也今次於里甲後立爲
此編

覃放墟 在縣東十里軍陵里內自城大南門渡江過下渡
頭有石路循路直行不歧涉泥塗便可至墟不誤攷此墟舊
在專福嶺之西名巷口墟今其地猶稱巷口街乾隆間始遷
建今地地爲覃放嶺故名大小舖戶五十餘家二十年前榨
油之舖九間彈棉者七間染布者三間其餘劊烟打銀賣藥
蒸酒養燕及雜貨俱有專肆當是時人心樸實盜詐不興物
阜價微謀生殊易墟民雞鳴而起月光未落軛身懷巨金遠

行數十里販貨而歸他墟小販來趁集者亦甚早日未三竿人聲已闕蓋承平景象各墟亦多類此嗣以花生產出較之舊日不及十分之二成數銳減榨舖關閉由九間轉爲兩三間今則一間零丁不啻魯國靈光矣加以洋紗洋布洋衫洋絨洋線輸入日多故彈棉之聲消沉不作碾布之石橫臥當階又復頻年水旱盜賊劫途往來負販形影稀疏斜陽在簷猶未成市追比昔年繁盛無異天淵此時運之變遷覃放墟特其小影焉耳墟中有保衛局墟旁有軍陵里高等小學校墟頂有蒙溫氏節孝坊墟北去冲口墟十里東北去平安墟十里又東北去石嘴墟二十里東去馬皮墟三十里東南去

社坡墟二十里西去石冲墟二十里西南去鳳嶺墟三十里
石嘴墟 又名中和墟在城東三十里吉二里南江岸上水
陸俱通大小舖戶約六十餘間內有當舖榨油舖各二間二
十餘年前花生入口甚盛近惟以米爲大宗社坡油蔴各墟
之米咸於此出江每墟銷四十餘萬觔故近年雖花生減收
而亭場舖店及各雜行貿易較之舊日不若覃放墟之銳減
墟內有吉二里保衛局及高等小學校南去社坡二十五里
東去馬皮墟十里東南去穆樂墟三十里西南距覃放墟二
十里東北去江口墟二十里
馬皮墟 在縣東四十五里吉一里灣弓嶺南麓鱓魚嶺北

端偏西舊有布行魚行賭行貨行五街及涼亭商廠各二處因歷遭變亂商民遷徙舖戶崩頽市廛日益摧殘貿易日加零落不復如前熙來攘往之象矣現存商舖十五間民戶五十家世遠年湮不知結集何時以墟邊太安寺碑考之大約至近在明清間墟西南距社坡二十里東南去穆樂二十五里三墟鼎立勢成三角形

社坡墟 在縣東三十里吉一里內舊在東安橋畔名新墟同治年遷移今地大小舖戶約六十餘家有當舖一上年花生入市不少近則大不如前矣但東南各處穀米多積於此以轉運石嘴兼有鐵器製造爲人日用所需故市況亦不甚

寂寞墟中有吉一里高等小學校墟東北距馬皮墟十五里
又北去石嘴墟二十里東去穆樂墟二十五里南去籐竹墟
三十五里西南去油麻墟三十里

穆樂墟 在縣東五十五里吉一里東邊近平南界往年輪
航未興平南人來桂平者路必經墟過墟內大小舖戶約百
間內有當舖一谷米銷流頗旺西距社坡墟式十五里西北
距馬皮墟二十五里西南距籐竹墟三十里

竹社墟 在縣東六十里西距馬皮墟二十里

油麻墟 在縣南七十里下秀里上稠堡通羅秀大小舖戶
約五十餘間內有當舖一蘇杭舖三茶葉玉桂桂油苧蔴谷

米牛燕俱盛下秀里保衛局在焉東北去社坡墟三十里東去籐竹墟十二里西北去鳳嶺墟三十里西去麻洞墟三十里籐竹墟在縣南七十里下秀里內大小舖戶二十餘間舊有當舖一今閉西去油麻墟十二里北去社坡墟二十五里東去穆樂墟三十里

麻洞墟 在縣南八十里上秀中秀下都三里之交故又名三里墟通中都羅秀上下秀里大小舖戶約八十餘間內有當舖一蘇杭舖四三都五秀八里局在焉東去油麻墟三十里東北去滙垌墟三十里南去大洋墟五十里西北去官江三十里又西北去下灣四十里

鳳嶺

詳古蹟

逆洞墟 在縣南五十里中秀里耀村南隅大小舖戶數家
西南去馬垌三十里東南去油麻二十里西北去鳳嶺墟十
二里

永華墟 在縣南八十里中都里內西距下灣三十里東距
麻洞三十里舖戶約四五十間

木根墟 在縣南百里中都里近都合村西北距官江五十
里西距永華墟二十里東距麻洞墟三十五里舖戶約四五
十間內小押一以鹽米爲大宗

大洋墟 在縣南百二十里上都里內大小舖戶二百餘家

舊有當舖三間今存一間北距麻洞墟五十里行市以米爲

大宗

洞心墟

在縣南一百二十里秀一里馬塘堡

南陽墟

在縣南一百五十里秀一里南鄉村

沙坡墟

在縣南一百餘里秀一里六石堡咸豐間成市

中和墟

在縣南一百二十里秀一里中團堡有茶葉名中

和茶

通濟墟

在縣南一百三十餘里秀二里莫村堡

下灣墟

在縣南七十里上秀里鷄公塘谷米油豆銷流頗

廣二十餘年前縣東南各墟商多於此采貨運售

石冲墟 在縣西三十餘里永和里內舖戶十數家所業醫藥雜貨而已西去官江八里東去覃放墟三十里

官江墟 在縣西五十里大小舖戶十數家水路半日可至南八里人出入城鄉咸於此換易舟輿東南去麻垌墟三十里東距石冲墟八里

蒙墟 在縣西三十里趙里內大小舖戶約五十餘家內有當舖一谷米雜梁牛豕貿易俱盛花生閏時榨業亦富今衰矣西去鎮隆墟三十里西北去官橋墟二十里貴縣武宣來本縣城交會之處在是焉

鎮隆墟 在縣西六十里厚祿三里內大小舖戶數間東距

蒙墟三十里西去大墟三十里

大墟 又名平竭墟在縣西九十里厚祿里內界貴縣大
小舖戶百數十家當舖二間墟地面積比江口墟稍廣而資
本未逮谷米襍糧牛燕俱爲大宗東距鎮隆墟三十里西去
貴縣城五十里

石龍墟 在縣西八十里武平里內大小舖戶共二百餘間
內當舖一谷米最盛舊爲獮人聚趨之地今已漸同化不可
辨識矣東距蒙墟五十里距鎮隆二十里與貴縣新墟隔河
爲隣

白沙墟 在縣西七十里厚祿一里內西去嶺尾墟二十里

大小舖戶數十家當舖一家谷米最盛

嶺尾墟 在縣西八十里厚祿二里內東出白沙二十里

官橋墟 在縣西五十里甫里內東南距蒙墟二十里

大灣墟 在縣南九十里上都里內大江之邊谷米出入之

埠舊爲塘汎地故名

白沙墟 在縣北五里崇姜里江岸南與東塔相值墟在江

沙中無舖戶亭場七八月間爲花生銷運之所

和社墟 在縣北十里崇姜里內舖戶寥落惟亭場數處而

已南行十餘里爲南淥墟

南淥墟 在縣北三十里崇姜里內有南淥小河自弩灘左

東流四十里至墟邊故以南淥名大小舖戶約二十餘間內有當舖一蘇杭舖二食物雜貨二藥材一春夏水漲銀魚入市東行三十里爲新墟

新墟 在縣北宣一里西距南淥三十里距城六十里東去江口墟二十五里有街道三條大小舖戶約百家內有當舖一蘇杭舖五錠舖二染房七舊有設巡檢同治間移置江口墟桂北宣姜三里總局現在墟內北行三十里爲三江墟三江墟 在宣一里紫荆水旁大小舖戶十數間紫荆山之藍筍多於此發沽

長江墟 在縣北八十里宣一里內界平南舖十數間距新

墟三十里距三江墟亦三十里

江口墟 一名永和墟在縣北六十里宣一里南居潯江北岸營嘴地爲大湟江水口故又名湟江墟舊在墟西對岸爲獠人貿易場乾隆間遷今地清世獠人遠遁外籍日衆墟漸繁盛加同光而後潯州府城設立厘金入口加稅船戶過而不留咸集此墟銷運復有獠山土貨大宗雲集流通東西而附近石咀新墟南潯與平南之思旺墟來趁者皆有水路可達故昔日縣城繁盛景象盡爲此墟所奪爲全省各墟之冠計大小舖戶約百餘家人口三千有餘內有當舖二大酒館二小者不計山貨舖五蘇杭舖十二雜貨藥材之屬咸以十

數船槩灣泊多於縣城南北河數倍大街二條沿江石級石
路工程逾萬金同治間移新墟巡檢於此今爲桂北保衛局
舊有卡戶鹽關今廢墟內郵政電局俱備商人向設勇自護
近復擬設兵房電燈局焉復有宣里高等小學校一女學校
二

附墟期

據訪冊錄出其
不知者闕之

子午卯酉

覃放墟

夢墟

大墟

穆樂墟

油麻墟

和社墟

大黃江墟

官江墟

辰戌丑未

街墟

三江墟

滙洞墟

鎮龍墟

石龍墟

頭塘墟

頭塘見
城池

社坡墟

長江墟

馬皮墟

寅申巳亥 石嘴墟 南淥墟 大洋墟 蘄竹墟 大宜

墟 麻洞墟 官橋墟 竹社墟

桂平縣志卷十

紀地

城池

附街道

舊城在西山之半至宋嘉祐間始移建平地距西山東五里當左右兩江之會嘉泰元年知府周禧知縣廖德明繼修元至元五年庚辰推官范埜撤而新之明洪武六年百戶吳勝復廣舊城週三百七十四丈十五年陶成西展百餘丈二十九年知府沅忠沅忠志作前後增拓復東展數百步週一千三百二十丈闢門六南曰迎恩南即大曰寧遠南即小北曰武宣上即北曰威鎮北即東曰拱宸東西曰安遠西東西開濠立

東門下北門各一座貴縣則自上北門至小南門止城樓坊堆上北門西門各二座平南則自大南門至東門止城樓坊堆大南門各一座武宣則自小南門至大南門止城樓坊堆小南門各一座乾隆二十三年三月風雨大作各城樓傾圮知縣舒啓吳志綰與貴縣知縣臧祚鞏署平南縣知縣施璜武宣縣知縣倪憲張昌蕃捐貲分股重修咸豐三年知府劉體舒加修五年因兵燹城陷小南門月城就圮各懸樓窩舖亦拆毀同治十二年知府魏篤率四縣出資修復並捐廉建復小南門月城光緒之季知府彭言孝以大南門月城門東向於風水不利改修南向又因東門樓圮重修

別見亭閣門
本節兼參舊

志與府志而
畧有增改

街道以四穿樓爲中四穿樓者四方之所通也

自樓東行七百八十四步至東門曰縣前街左曲巷通縣署
署舊東向今南向署後舊爲義學地其前街旁有覃辛氏節
孝坊署左典史署後路通都司署自樓西行八百零五步至
府前街口曰城隍街街右有巷通潯協署東向明景泰祠建
左轅門外有祖師廟南向廟左寶興寺前稱祖師巷東通下
北門大街今署與署左各祠廟盡署右馬王廟武廟皆南向
臨街進百五十餘步爲城隍廟廟右文昌宮進而穿黃謝氏
賴陳氏廖氏節孝坊左爲縣學宮東向右爲桂邑書院今改
爲桂平中學堂進數步爲黃楊氏貞壽坊李覃氏節孝坊與

文昌小閣閣今廢又進四十餘步過永寧坊又進九十餘步街北爲萬壽宮南向中敷教亭外慶祝宮今改爲學校府署北近城東向南出八十步至宣化坊府前街折而東七十餘步又南行二百四十步至小南門爲燈籠街有東巷通縣學宮西巷通福壽巷自宣化坊西行爲道前街街右舊爲府學署左福壽社有巷同名達小南門右城脚西達姑婆塘自福壽社前西行數武爲試院明代爲左江道署又西行通上北門大街亦名府後街街長二百六十步南至姑婆塘中通西門大街其街約長三百六十步街左潯陽書院南與府學宮學署皆東向街右有巷通馬家塘轉而東至上北門大街名

弩灘角西門內有巷南行轉而東至姑婆塘西北隅名南城
角自樓南行二百六十五步至南門爲大南門街街東劉太
僕公祠祠左報國寺皆南向今俱廢外有路東北通縣前街
西隔陂塘有文昌閣節孝祠自樓北行三百四十步至下北
門其大街左卽祖師巷內有火藥局西通協署左轅門街右
副爺巷通都司署署前左有明嘉靖舉人陳中立石碑坊署
右東通典史署南通縣前街總計城內廣一千四百餘步柔
六百餘步也自大南門月城東出沿城脚行達伏波廟若自
月城轉西歷左右民舖十餘間有后新聖廟前爲接龍橋舊
設府門驛

明王稱多情誤作琵琶夢驚覺天涼雨收樹
晚煙多情誤作琵琶夢驚覺天涼雨收樹

治十六年裁驛址連文昌祠及閣祠前南江亭亭前潯陽樓
知府孫世昌聯東去灘聲震銅鼓西來山色接羅叢
俱今廢
樓前石梯連級左則水簾爲潯稅南廠樓西行歷翼賢坊錦
屏坊一路稱橫街直達小南門外下股街尾出太平坊乃可
循河岸歷三界廟粵東會館及天后宮其地爲古獠墟至今
市期猶用辰戌丑未日也更循岸至南江頭塘曰小南門由
月城南出爲上股街更南分爲二一至西關口爲西街商民
歇店咸在一東南斜出爲中股街再去爲下股街右有福壽
巷下股街右有水巷上股街左有鹽埠巷稱後街通下股街
西頭巷口皆建興賢坊若自月城旁出東平坊沿城脚亦通

大南門之橫街也西門月城外左右俱有濠池北濠爲塘三
口南濠爲塘五口租銀舊爲協營所收上北門外舖屋幾間
前爲北關稅廠地租銀三兩六錢關前向設義渡其北岸漁
樵府志入八景知縣傅文輝詩云遠岸月明歌小艇一江烟
火出茅蘆亦佳境也知府胡南藩詩云江頭城北艇魚灣無
數魚樵集此間把鈎即今歸別港析薪何事到深山烹鮮古
岸歌聲起舉火前村午夢間但得相逢舊相識炊烟漠漠錦
鱗斑沿城邊西上南達教場下北門外濱河東門下舊有城
濠今湮塞其地分左右廂所前名北廂中埠爲風雲雷雨山
川社稷壇壇南循城脚往河邊爲南江下渡東爲洋瀾皆民

居又東爲三合觜兩江會流處也

桂平縣附郭城枕思陵山其脈發自雲貴由崑崙盤旋至潯
頓起高峯逶迤十里兩江環抱諸峯拱峙前明設立武靖州
旋改爲鎮以禦藤峽諸蠻清廢隸縣治自北江過渡徑至舊
地通羅綠峒紫荆山五指山均稱險要



桂平縣志卷十一

紀地

廨署

凡前清裁廢者入古蹟至民國變更或裁廢者入本篇

萬壽宮 在上北門內東南南向中敷教亭外慶祝宮乾隆

間知府陸燦修建道光二十三年知府張灝捐廉修

見舊志內街道卷

後燬於兵燹光緒十四年知縣李宗庚撥公款修復民國改

爲城廂中學校旋廢今官定爲女學校校舍

潯州府署 在城西北隅明洪武八年通判陳善道建正統

五年知府陳嘉謨修大堂二堂堂後爲署室二堂東爲書室

又東爲花廳二層清康熙三十五年知府阿琳重修乾隆十

九年知府胡南藩重修堂右增置廨舍三間署室左房六間
易草爲瓦頭門外置白獅二署後增建喜雨樓一有碑記三
十三年知府帥家相三十七年知府寶興重修四十二年知
府陸燾構有筠軒五十一年知府陳玉麟構喜雨軒嘉慶二
十三年知府宋邦英卽喜雨軒改修名爲叙雨軒同治十年
知府固魯鏗於二堂後左構來軒樓光緒間知府彭言孝於
三堂後修建樓一座民國廢府存縣遺廨改爲鎮守使署

吏隱堂在府署

志一統

平政堂在郡治

方輿勝覽

又云在吏隱堂東

志一統

清心堂在平政堂東湛軒相對

志一統

監獄在府署

附倉廩

廣平庫舊在府堂左今移二堂左廂

常平倉舊在北門大街後歸併桂平縣雍正二年復分捐納穀石共建倉廩三所一在府頭門左一在府頭門右一在二堂右即通判衙署舊址乾隆十八年知府胡南藩通行捐修府社倉雍正四年知府陳堯賢於頭門外西建社倉五間巡撫李紱爲之記詳紀文

經歷署在府儀門右舊在署北乾隆四十六年裁司獄以其廨爲經歷署遂遷於右五十五年經歷莊上基修

教授署 詳學校

訓導署 詳學校

縣署在府治東前街明洪武七年建宏治正德間相繼修理後移北門內燬舊潯協軍裝局即其遺址清朝康熙二十七年知縣白元貞始復建於東門內有碑記云舊署在南門內實卽大街之北故府志云北門內又稱卜築於舊道署之遺基以明代遷北門內時曾以其地爲道憲行署也署內而東大堂五楹前爲儀門門內有坊書戒石銘堂左庫房右糧房堂下左右永豐米倉四廩儀門外左土地祠右相國祠土地祠左爲吏科戶司房禮房戶典房相國祠右爲兵房刑房工

房承發房戶房共十房辦事儀門右隅爲監獄前後兩層前奉獄中土地神主後爲監三間旁爲女監監前有涼亭旁有井四圍牆高二丈覆以刺籐禁卒八名營兵二名捕役二名日夜巡查擊柝支更無敢差忒儀門前爲頭門外爲照牆東西柵門門外左坊書桂山古治右坊書闔石名區大堂煖閣後爲宅門中爲川堂五楹右有花廳會客所也花廳旁廳房三間川堂右書房上下共八間中爲茶房川堂內爲內院三間旁各有廂房左五間右四間夏月頗不潮濕內院後隔一牆爲馬房及更夫夜宿所四圍有路旋繞以便應巡署左濬池植荷構亭乾隆十二年知縣段毓靈顏其亭曰蓮舫三十

六年知縣盧焜重修歲久亭傾池壅塞五年知縣郭道生重修始復其舊咸豐五年城陷全燬同治七年知縣徐延旭鹿傳霖改建向南門兩進堂三重三堂後爲眷宅東西均有客廳東客廳東有小園園內有亭名東亭民國五年建其餘各制與舊署大同小異鹿傳霖有記詳紀文

監獄 右縣署

附倉廩

倉三所一在儀門左十二間一在縣前大街十二間一在北門大街十三間今廢光緒六年由常平倉地改建議倉倉廩八間

典史署在縣署左乾隆四十八年典史余鏞修

教諭署

詳學校

訓導署

詳學校

大黃江司巡檢署舊在大黃江墟旋移宣二里新墟於光緒十七年奉文復設回大黃江墟將舊權解改建民國爲桂北保衛局

穆樂司巡檢署在縣東南七十五里穆樂墟乾隆四十六年

建

通志引續冊
作四十七年

養濟院向在城隍廟旁後移西門外濠上共二十四間額內孤貧十名

漏澤園在城西里餘乾隆二十九年知縣吳志綰設立義塚
周圍築牆共四十六丈口寬八丈五尺深三十五丈墩上豎
匾寬九尺書漏澤園三字

桂平縣志卷十二

紀地

學校上 序 舊學校

學校之興古矣王制述四代之學虞則上庠下庠夏則東序西序商則右學左學周則東膠虞庠爲天子學制其於封建諸國則天子命之教然後爲學小學在公宮南之左大學在郊此則諸侯制學記云家有塾黨有庠術有序此鄉學制孟子曰夏曰庠殷曰序周曰校學則三代共之學者國學也庠序校則爲鄉學而文與學記異者舉一代則辭務其詳述列朝則文惟其簡此孔子刪述定例也觀傳記所載則自天子

本之集 卷之二
至於諸侯自國逮於鄉皆有學校秦漢而後封建廢爲郡縣政殊於古而學制不失其舊故馬端臨文獻通攷叙歷代學校於太學及郡國鄉黨之學各立專篇續通攷與皇朝通攷咸因之清末新制有大學高中等學高初等小學五級制皆名學堂民國易名學校去大學下中等上之高等一級改初等小學堂爲國民學校自三代迄今學校概畧如此桂平地方百里比王制三等之封爲公侯大國人口四十萬多於古諸侯萬民之數學校始末不可遺矣今作上中下三篇曰舊學校曰新學校曰書院寶興在焉咸詳建置始末及畧叙規模其額數學科暨取入升舉之法別詳紀政學制篇茲不遽

及

舊學校

向名學宮王制天子曰辟離諸侯曰頓宮鄭注尊卑學異名也詩魯頌有泮水篇曰思樂泮水薄采其芹泮與頓通集傳泮水泮宮之水也諸侯之學鄉射之宮謂之泮宮其東西南方有水形如半壁以其半於辟離故曰泮水而宮亦以名也是爲學宮之制所本攷文王世子凡學在春官釋奠於其先師秋冬亦如之又曰凡始立學必釋奠於先聖先師學記曰大學始教皮弁祭菜禮也按先聖先師莫大於孔子學宮固宜奉祀又攷詩我將篇爲宗祀

文王於明堂而作明堂者據韓詩說在辟離中五經之文
所藏處春秋家則以文王爲孔子証以論語文王既沒文
不在茲乎義固有合則學宮之立廟以祀

孔子實

本於辟離之立明堂以祀文王史載漢高祖十二年自淮
南還過魯以太牢祀

孔子魯申培以弟子從師入

見於魯南宮至於武帝始興太學後漢明帝於辟離郡縣
行鄉飲酒禮於學校又幸

孔子宅祀仲尼及七十

二弟子親御講堂命皇太子諸王講經其事甚古遠而鄭
獻甫重修潯州府學記謂魏齊王始親釋奠其時已奉

孔子夫亦未細攷矣尤異者鄭作象州志列

孔廟於壇廟中其說云古州縣以設學爲主而立聖廟於其中今州縣以立廟爲主而並無學舍在其外各記文指

孔廟爲學宮固非實各志書列孔廟於學校亦非

實也然象州志固有明倫堂三間在

孔廟中容得

謂之非實乎况因名實小歧而以

孔子以至聖降

與諸神鬼等倫非特昧於禮家明堂故事且墮尊

聖之旨鄭爲廣西三百餘年攷據大家誠恐人耳其名而誤信其說特爲辨正依舊錄往日學宮之制於下桂平爲潯州首縣府學地在縣內本卷屬紀地故府學並爲詳及又自縣學改爲桂平中學校舍之後縣官士紳改向府學宮

行春秋丁祭故學宮祀典位次不錄於縣而錄於府

潯州府學宮

在城西隅創建年代無明文記載惟攷夏府

志沿革表云梁置桂平郡隋開皇十年郡廢唐貞觀七年以

舊桂平郡爲潯州十二年廢復置天寶元年改曰潯江郡乾

元元年復爲潯州據此則學宮之建自當在唐以前但地址

無攷宋爲州學慶歷元年州守杜應之病其卑隘徙遷州治

東

魏以上二十二字見

余靖有記詳紀文

按宋時城在西北距

謂州治東者無論今城之東西南北皆爲當

元爲路學明洪

武初改爲府學在郡城小南門外恒病斷藤峽寇爲害

府魏志

及潯州府學記

正統三年由小南門外徙入內城西隅南向

龍文重

文修廟灣記州府
成化二年歲丙戌秋峽寇竊入燬及學舍殿廡僅

存府鏡學灣州四年知府孫障因舊基重修

戎府秋志峽云寇入龍入燬文光記舍殿四年僅存歲鏡久溥亂餘州廣是役者殆丙

是難年其安人有失重寇終燬之於事夏月府志云歲八年亂餘壬辰言役者鏡薄則經於

光始記於云成四化年壬重長修秋落七乙未倫是建春風府志於南隙地言文

四與年鏡後記越所七言始為壬十辰一終年乙未鏡又所異乙各未也同異者鏡記成言化

當壬取辰決經於始孫為禱成化任八年與月龍而記魏言夏四年志重職修官相表參皆言也成兩化者

賦問言任成而化歲之月事不詳或云成鏡化記人作言於成化化事禮之記為作確於崇禎志以於

大建小修年代言月之莫基不詳言如正統歷成若化按嘉靖下德隆時慶中開

或所興修未八年實指行修築造十年而功成其所以遷延歲月者或

圭系志卷十一 紀地 學校上 四 粵東編譯公司承印

役用兵之際人心多驚愛而告竣與改向於東首建大成殿東

西廡戟門東西齋舍櫺星門先後成立並建明倫堂春風亭

於南隙地

明倫堂春風亭以成化

宏治二年提學副使周孟

中以廟學逼隘命有司撤土牆盡衢而止改移戟門

府志并

記

正德十一年修殿廡建門舍嘉靖四年始建射圃亭八年

又增敬一亭

自正德十一年後所修府志

至二十一年遂動

公帑大加修葺殿堂齋舍俱為一新越四十年復撤土垣而

易之以甑

仍安治二年撤土牆是始易之以甑

隆慶五年重修萬

歷十三年創尊經閣於明倫堂北隅

以上後所修府志

十一崇

禎六年提學會事程策攝府事鄧紹禹修倡

有能記文

光尋燬於

兵清順治十五年重修正殿康熙二年在聖殿側建明倫堂
二十四年修復一如舊制二十六年知府阿琳重修五十二
年毛文銓重修雍正元年知府陳堯賢奉文改啓聖祠爲崇
聖祠增置追封五世王爵神牌二年修明倫堂乾隆十六年
知府胡南藩捐建東西兩廡戟門泮池石橋櫺星門照牆週
遭圍牆越三年甲戌告成有碑記四十六年知府陸燾重修
五十一年知府陳玉麟重修嘉慶十五年重修道光二十八
年知府顧元凱重修教諭唐義並割俸助修明倫堂以二十
九年落成象州鄭獻甫有重修潯州府學宮記唐義有重修
府學明倫堂序同治四年知府覃遠璉王達材因咸豐兵燹

後修葺之桂平知縣徐延旭有記

文內詳紀文

正殿前爲月臺

繞以石欄兩旁有階各一前有階三左右有級中爲雲梯階下爲丹墀東西兩廡在焉前爲戟門門外爲泮池池架石爲橋前有石坊卽櫺星門再前爲照牆左右爲禮門義路正殿後爲崇聖祠戟門外左右爲名宦鄉賢祠民國七年桂平縣縣長李右臣修采正殿八年夏崇聖祠左壁崩

祀典位次

大成殿正位

至聖先師孔子

東配

復聖顏子

漢永平十五年顏子配七十二弟二年顏子位第一號魯

顏子配

述聖子思子

宋大觀二年從祀三年

西配

宗聖曾子

宋開元三年從祀

亞聖孟子

宋元豐七年配

以上配位宋以前皆稱封爵元至順元年贈顏子兗國

復聖公曾子郈國宗聖公子思子沂國述聖公孟子鄒

國亞聖公明嘉靖九年改稱復聖顏子宗聖曾子述聖

子思子亞聖孟子清朝因之

東哲

先賢閔子

年唐從開
祀元八

先賢冉子

年唐從開
祀元八

先賢端木子

年唐從開
祀元八

先賢仲子

年唐從開
祀元八

先賢卜子

祀唐貞觀
元八年十
一十年以
經師從

先賢有子

祀唐開元
三年八年
升年從祀
清廟

西哲

先賢冉子

年唐從開
祀元八

先賢宰子

年唐從開
祀元八

先賢冉子

唐開元八年從祀

先賢言子

唐開元八年從祀

先賢顓孫子

唐開元三年升從祀位

先賢朱子

宋建炎四年生慶元六年卒十年升列十一哲位

以上哲位宋以前皆稱封爵明嘉靖九年改稱先賢某子清朝因之有子朱子升列哲位從一例

東廡先賢

先賢公孫僑

左傳七年魯襄公八年始見昭二年八年改移東廡

先賢林放

唐開元二十七年復從祀西廡同治九年改移於東廡

廡

先賢原憲

七年開從元祀二十

先賢南宮适

七年開從元祀二十

先賢商瞿

七年開從元祀二十

先賢漆雕開

七年開從元祀二十

先賢司馬耕

七年開從元祀二十

先賢梁鱣

七年開從元祀二十

先賢冉孺

七年開從元祀二十

先賢伯虔

七年開從元祀二十

先賢冉季

七年開從元祀二十

先賢漆雕徒父

七年開從元祀二十

先賢萬章

二清
有朝
從雍
祀正

先賢周敦頤

年宋
五天
十祿
七元
淳年
祐生
元熙
年寧
從六
祀年
卒

先賢程顥

年宋
五明
十道
四年
淳生
元元
年豐
從八
祀年
卒

先賢邵雍

辛宋
年大
六中
十祥
七符
咸四
淳年
三生
年熙
從寧
祀十
年

西廡先賢

先賢蘧瑗

十左
四傳
年魯
孔襄
子公
猶十
主四
蘧年
伯始
玉見
家卒
其年
卒無
後考
於史
公記
孫定
僑公

年蓋
改三
祀十
於餘
鄉年
清唐
朝開
雍元
正二
年七
復年
祀從
原祀
東明
廡嘉
同靖
治九

移二
西年
廡改

先賢澹臺滅明

唐開
廡清
朝元
同二
治十
二年
年從
改祀
移原
西廡
廡東

先賢罕父黑

七唐
年開
從元
祀二
十

先賢榮旂

七唐
年開
從元
祀二十

先賢左人郢

七唐
年開
從元
祀二十

先賢鄭國

七唐
年開
從元
祀二十

先賢原亢

七唐
年開
從元
祀二十

先賢廉潔

七唐
年開
從元
祀二十

先賢叔仲會

七唐
年開
從元
祀二十

先賢公西輿如

七唐
年開
從元
祀二十

先賢邽巽

七唐
年開
從元
祀二十

先賢陳亢

七唐
年開
從元
祀二十

先賢琴張

七唐
年開
從元
祀二十

先賢步叔乘

七唐
年開
從元
紀二十

先賢秦非

七唐
年開
從元
紀二十

先賢顏噲

七唐
年開
從元
紀二十

先賢宓不齊

七唐
年開
從元
紀二十

先賢公冶長

七唐
年開
從元
紀二十

先賢公皙哀

七唐
年開
從元
紀二十

先賢高柴

七唐
年開
從元
紀二十

先賢樊須

七唐
年開
從元
紀二十

先賢商澤

七唐
年開
從元
紀二十

先賢巫馬施

七唐
年開
從元
紀二十

先賢顏辛

七唐
年開
從元
祀二十

先賢曹卹

七唐
年開
從元
祀二十

先賢公孫龍

七唐
年開
從元
祀二十

先賢秦商

七唐
年開
從元
祀二十

先賢顏高

七唐
年開
從元
祀二十

先賢壤駟赤

七唐
年開
從元
祀二十

先賢石作蜀

七唐
年開
從元
祀二十

先賢公夏首

七唐
年開
從元
祀二十

先賢后處

七唐
年開
從元
祀二十

先賢奚容藏

七唐
年開
從元
祀二十

先賢顏祖

七年開
從元
祀二十

先賢句井疆

七年開
從元
祀二十

先賢秦祖

七年開
從元
祀二十

先賢縣成

七年開
從元
祀二十

先賢公祖句茲

七年開
從元
祀二十

先賢燕伋

七年開
從元
祀二十

先賢樂歆

七年開
從元
祀二十

先賢狄黑

七年開
從元
祀二十

先賢孔忠

七年開
從元
祀二十

先賢公西蒧

七年開
從元
祀二十

先賢顏之僕

七唐
年開
從元
祀二十

先賢施之常

七唐
年開
從元
祀二十

先賢申枏

七唐
年開
從元
祀二十

先賢左邱明

年唐
以貞
經觀
師二
從十一
祀一

先賢秦冉

九唐
年開
罷元
清二
朝十
雍七
正年
二從
年祀
復明
祀嘉
靖

先賢公明儀

應清
同朝
治成
二豐
年三
改年
移從
西祀
應原
東

先賢公都子

二清
年朝
從雍
祀正

先賢公孫丑

二清
年朝
從雍
祀正

先賢張載

年宋
五天
十禱
八四
淳年
祐生
元熙
年寧
從十
祀年
卒

先賢程頤

年宋
七明
十道
五二
淳年
祐生
元大
年觀
從元
祀年
卒

以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之下漢唐諸儒之上清朝俱稱先賢不稱子

東廡先儒

先儒公羊高

二子夏弟一年子唐從祀貞觀

先儒伏勝

二秦博士一年唐從祀貞觀

先儒毛亨

王年二無考受詩於荀卿廢居以授毛萇按史記楚考烈

享太則平是御秦寬漢引問毛詩正義同治二卿年授漢人魯國毛

先儒孔安國

從漢祀原西廡清朝士同治二唐貞觀移東廡一年

先儒后蒼

明漢 嘉宜 靖帝 九時 年爲 從博 祀士

先儒鄭康成

觀漢 二永 十建 一二年 從生 祀建 明安 嘉五 靖年 九年 年七 改十 於四 鄉唐 清貞

先儒范寧

二晉 十咸 一康 五年 從年 祀生 明隆 嘉安 靖五 九年 年卒 改年 祀六 於十 鄉三 清唐 朝貞 雍觀

先儒陸贄

年唐 同正 治二 二年 年復 改祀 移原 東西 麻 麻 嘉安 靖五 九年 年卒 改年 祀六 於十 鄉三 清唐 朝貞 雍觀

先儒范仲淹

年唐 五天 十資 二十 清年 朝年 道生 光永 六貞 年元 從年 祀卒 麻 麻 嘉安 靖五 九年 年卒 改年 祀六 於十 鄉三 清唐 朝貞 雍觀

先儒歐陽修

年宋 四端 清拱 册二 康年 熙生 五皇 十祐 四年 從年 祀卒 麻 麻 嘉安 靖五 九年 年卒 改年 祀六 於十 鄉三 清唐 朝貞 雍觀

先儒司馬光

年宋 六景 十德 六四 明年 嘉生 靖熙 九年 五年 從年 祀卒 麻 麻 嘉安 靖五 九年 年卒 改年 祀六 於十 鄉三 清唐 朝貞 雍觀

麻

先儒謝良佐

稱宋程元門豐四年生進清士朝生道光二年無十考九年楊從時配同

先儒羅從彥

六宋十熙四寧明五年歷生四昭十興二五年從卒配年

先儒李綱

成宋元豐元年六年從生原昭西興十同年治卒二年改十移八東精庶朝

先賢儒張栻

二宋紹興三年從祀原西生庶淳清熙朝七年治卒二年改十移八東景庶定

先儒陸九淵

靖宋紹興九年與從祀原西紹興熙朝三年同辛治年二五改四移明東嘉

先儒陳淳

年宋六紹興十年與五二清十朝三年雍正嘉定從十卒

先儒真德秀

統宋二淳熙五年從祀原西端庶平清二朝年同辛治年二五改八移明東正

庶

先儒何基

雍宋正淳熙二年十五年從祀原西成庶淳熙四年辛年改八移一庶清朝

先儒文天祥

年宋四端十平七清年五月道光二十生三元至元紀十九年西年廡卒

先儒趙復

當生

列卒元年儒無之考首以清宋朝端平二年至北庭

先儒金履祥

朝宋雍紹正二五年年從祀元原西廡七年治二年七改二東清

先儒陳澹

雍宋

正景二定二年從祀生元至西廡正同治二年卒八年改移一廡清朝

先儒方孝孺

四元至正十六朝七年治生二年建從祀四年卒年

先儒薛瑄

慶明

五年武從二祀十二年西廡生清天朝順同治二年卒年改移十東廡隆

先儒胡居仁

年明五宣德一九年廡生十成二年從十祀年卒

先儒羅欽順

年明八成十化三元清年朝生雍正二年從六祀年卒

先儒呂枏

道明光成二年十從五年
原生西嘉麻靖同治十二年卒
移年東六麻十八

先儒劉宗周

道明光萬二歷六年從年
祀生原清西朝麻順同治二年卒
改年移六東十麻八

先儒孫奇逢

十明二萬道歷光十二八年
從生祀清原朝西康麻熙同治四年卒
改年移六東十麻八

麻東

先儒張履祥

三明年萬辛歷三年三十六年
同生治清十朝年康從熙十

先儒陸隴其

十明三崇並順正三年生從清
祀朝原康熙三年同治二年卒
改年移六

麻東

西廡先儒

先儒穀梁赤

二子夏一弟子從唐
祀貞觀

先儒高堂生

觀秦二末十漢一初年
從唐祀貞

先儒董仲舒

從漢武帝初年對策爲江都相改元至西順元年

先儒毛萇

時漢唐貞觀二十一年當武帝

先儒杜子春

從漢永平初年清九同治二年觀改移西順年

先儒諸葛亮

朝漢光正和二年從建興十一年治五年改移西清

先儒王通

開陳至德二年生隋十寒二年辛九年三從五原一東作

先儒韓愈

年唐大曆七年生長慶三年從祀卒

先儒胡瑗

年宋淳化七年生嘉祐四年從祀卒

先儒韓琦

朝宋大中祥符元年生熙寧八年辛六年改移西順年

先儒楊時

八年皇祐
從祐五年
原年東生
應紹清興
朝五年
同年治卒
二年八年
改十移三
西明應宏
治

先儒尹焞

七年熙寧
十寧二四
清年朝生
雍紹正興
二十年二
從年祀卒

先儒胡安國

六年熙寧
五七明年
正生統紹
二興八年
從年祀卒

先儒李侗

四年元祐
二祐八年
從年祀生
原隆東興
應元清年
朝卒同年
治七二十年
一改明移萬
西歷

應

先儒呂祖謙

二年紹興
從興祀七
原年東生
應淳清熙
朝八年
同年治卒
二年四年
改十移五
西景應定

先儒袁燮

朝宋同寧
治宗七初
年舉從進
祀清

先儒黃榦

卒宋紹興
七年十二
清十朝二
雍年正生
二嘉年定
從十祀四
年

先儒蔡沈

二年乾道
從道祀三
原年東生
應紹清定
朝三年
同年治卒
二年六年
改十移四
西明應正
統

先儒魏了翁

正宋淳熙
二年熙從五
祀年原生
東嘉應熙
同元治年
二年卒
年年改六
移十西清
應朝雍

廡

先儒呂坤

卒明嘉靖八年十一月十三日
生萬曆六年十月十六日
從祀年

先儒黃道周

廡
二明道萬曆五十二年三月
從祀生清原朝順治三年
卒改移西

先儒湯斌

一明道天啓三年
從祀清原康熙二十六年
卒改移西

以上先儒位明嘉靖以前從祀者皆稱封爵嘉靖九年

改稱先儒某子清朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

以上正位明嘉靖九年於

大成殿後立啓聖祠祀叔梁公清朝雍正元年詔封孔子先世以王爵合祀五代更名啓聖祠爲

崇聖祠

東配

先賢孔氏孟皮

清
七年
成
配

先賢顏氏

從名
祀無
明嘉
唐開
元元
年二
配十
龔七
年

先賢孔氏

名 禮 宋 成 淳 九 年 三 配 年 龔 從

西配

先賢曾氏

從 名 哲 唐 開 元 九 年 十 七 年 龔 從

先賢孟孫氏

九 名 激 明 嘉 靖 配 明 龔 從

東廡先儒

先儒周氏

歷 名 輔 成 十 三 年 無 從 考 明 萬

先儒程氏

卒 名 頊 宋 景 德 三 年 生 元 祐 五 年 龔 從 年

先儒蔡氏

卒 名 元 定 宋 紹 興 五 年 生 元 祐 四 年 龔 從 年

西廡先儒

先儒張氏

雅 名 翹 二 年 無 從 考 清 朝

先儒朱氏

名松 卒年四十七 明嘉靖九年從祀

以上先賢先儒位明嘉靖稱先賢某氏先儒某氏清朝因之

謹案附祀

文廟唐貞觀時止有二十二經師開元時始祀孔子弟子沿及宋代增周程張朱邵六子及韓愈司馬光張栻呂祖謙四人明嘉靖時所定先賢凡六十二人先儒二十九人後復增祀六人清雍正間釐定祀典增祀二十人復祀六人乾隆二年復祀吳澄一人自道光二年至同治七年又增祀十八人惟道光以前兩廡先賢先儒名位

均經廷臣考據史傳按年次序載在欽定會典通禮諸書自道光二年以來增祀賢儒但就祀位之多寡年代之先後隨時酌擬增入同治二年禮部以就一廡而論尙無凌躐而合兩廡而論不免參差謹遵乾隆十八年之例考據史傳暨先儒文集按年次序開單請旨並申明先賢中增祀公孫僑公明儀二人公孫僑年先於蘧瑗應在蘧瑗之上請以公孫僑移於東廡第一位蘧瑗移於西廡第一位林放既與蘧瑗並稱請移於東廡第二二位而移澹臺滅明於西廡第二位牧皮爲孔子弟子公明儀爲曾子弟子請移牧皮於東廡第三十五位移

公明儀於西廡第三十五位其餘先賢之位悉仍其舊
先儒則各就時代按其生卒一東一西以次排列奏請
欽定同治二年六月二十五日奉旨依議光緒朝以漢
許慎清張伯行從祀東廡宋輔廣清劉德陸世儀從祀
西廡而顧亭林黃宗羲王夫之亦於光緒三十年從祀
宣統間以趙岐劉因從祀民國三年以顧元李塉從祀

位置在湯斌顧炎武之次

以上夏府志不載從
魏府志錄出而增之

教授署 舊建學宮內後移府前街再後移學宮右同治四
年建後進

志府

訓導署 在學宮右與教授署隅相倚咸豐兵變同治十二

年知府魏篤出資建修

志府

按教授署又名府學正署在府學坪即府學宮右東向民國假爲桂平勸學所署地經官丈量後有餘地二丈五尺寬四丈後座深五丈五尺寬三丈五尺中座深五尺寬三丈五尺右有餘地長一十五丈五尺寬一丈八尺左有餘地長九丈寬一丈五尺天井至二門六丈五尺二門至頭門一十一丈寬二丈五尺前有餘地長八丈寬三丈又訓導署卽府學副署亦東向民國假爲桂平女學校署地經丈量後有餘地長七丈五尺寬三丈五尺一連三座寬三丈共長一十一丈前有餘地長八丈寬三丈五尺皆奉省令

定價變賣正署定最低價八百元副署亦如之旋於八年由桂平縣長鄧沁布告招縣民票投實行變賣票開爲富商龍氏所得計繳廣西財政廳領買府學正副署銀七千圓於是昔日學官司鐸之所具瞻全郡士紳聯袂生徒接握之場至今化作民居地方雖欲有所興作跼促無地矣縣學宮 在城外官園創建無攷明天啓四年右參政曾守身遷建於城東故書院遺址有記崇禎二年復遷官園今呼新學地明末寇燬康熙六年知縣孫以敬建於小南門內面東中爲正殿殿下兩廡前爲戟門泮池櫺星門門外右義路左禮門正殿後爲崇聖祠祀五王戟門左爲名宦祠祀漢

唐漢頌宋廖德明明韓雍王守仁毛伯溫蔡經翁萬達龍上
升國朝劉浩黃元驥彭鵬李濤張經遠張若霈等十四人戟
門右爲鄉賢祠祀五代南漢周邦梁嵩明黃顯中龍淵張廷
綸張燦甘振蘇時秀龍國祿等九人孫令有記雍正三年知
縣周鎬乾隆九年知縣郭維壩皆重修五十二年知府陳玉
麟有記署縣高棫生重修嘉慶十四年教諭冷其彥趙玉錫
訓導毛正重修桂林府教授林楷撰文道光十八年署縣向
培芳教諭梁獻林訓導朱光發倡捐重修知縣余思詔撰文
同治六年知縣徐延旭重修
學宮左爲忠義祠別詳壇廟

學宮右爲節孝祠別詳壇廟

各記詳
紀又

學宮再左爲明倫堂康熙五十三年知縣鍾轅詳請奉文捐廉創建唐文林董其事乾隆十五年知縣段毓靈重修左前四間道光十七年教諭梁獻林因園牆圯捐款重建

明倫堂後爲教諭署前有井後有園乾隆九年知縣郭維塘重修二十八年教諭王國顯建經義齋於宅旁

學宮右又爲訓導署後有園咸豐五年燬於兵燹光緒庚寅年捐資修復

以上俱據
志府志增修

按教諭署清末爲合邑自治會民國爲桂平中學校舍一連三座共長十二丈寬三丈七尺前有餘地寬三丈七尺

長二丈八尺訓導署清末假爲博愛善堂民國八年因桂平勸學所所駐之府學署經官變賣因移博愛善堂於他所而以勸學所移設於此一連三座共長九丈寬三丈前有餘地長二丈八尺寬三丈民國後均經丈量定價待賣教諭署最低價五百元訓導署亦如之世有挽欲倒之狂瀾者乎馨香祝之

義學 在縣署西康熙三十三年知府阿琳重達兼理縣事捐修雍正三年知府周淳重修

志府

桂平縣志卷十三

紀地

學校中

新學校

清末國家多故庶政待更朝野內外咸欲從本原之地整
飭而淬厲之於是學校之興紛然矣縣爲潯郡首邑山巒
翠特毓秀感靈屢有名太守誘掖風教加以地居兩江之
衝士懷四方之志薄貨殖而尙事功務進取而嗤保守故
學風不變爲廣西全省先驅光緒壬寅年立潯州師範講

習社

設在潯陽書院
立定期六月
業四邑皆
有來學而
以桂平爲
多

其後復續開人數漸多
首邑學風從斯不絕矣
甲辰年立溇郡中學預備科

在溇陽書

院知府張祖祺開

是年並立桂平小學堂

在桂邑書院立

乙巳年

建溇郡中學堂

後詳丙午年溇郡中學堂開學是年並立桂

平師範學堂

在河陽書院勸學所長陸顯書請撥支丁

未年立桂平中學預備科

在賓陸顯書勸學所戊申年立

桂平中學堂

及借在河陽書院現在桂邑書院是年並開地

方自治講習所

在縣立學署知府唐

宣統間復立蠶業學

堂

後詳又開警察教練所

在縣立學署知府唐其在各鄉聞風而

起學校之事亦惟日不足要者如高等小學或一方獨營

或數鄉合建光緒間已無里不備宣統時舉人程修魯任

勸學所所長復實行區學制於是全邑學校條理井然又有女學亦創自光緒丙丁間自邑城而外若趙里夢墟軍陵里覃放墟宣一里江口墟皆有設立外此富家巨宅闢塾延師寒素儒門堂前親授修彤管之輝壯裙裾之志未能一一稽也今錄其有建築者其借地開設者略之桂平中學歲費仰給於賓興根本確固雖亦借地書院而修葺之費已溢千金實因中寓革但今衆情決欲遷地籌建故現地亦闕而不錄所以觀後效也

潯郡中學校 原名潯郡中學堂額爲貴縣陳璠書刻石嵌壁上民國改堂名校然故題額猶存地在清副將廢署及購

左旁桑地一所先是知府張祖祺銳意興學師範則開社講習中學則設科預備早欲籌資建校以陞道去任未果光緒三十年彭言孝繼任思竟厥志集四邑紳士會議決定按租攤捐租之多寡以糧爲準仍由四邑紳士分任勸捐仿清初修城故事以四邑分三股桂平貴縣各一股平南武宣各一股股銀萬員有餘並拆城內外祠廟十六所取其磚甃以助工料時邑庠生梁英龍新自日本遊學歸廼函請到郡繪圖建築並指畫一切衆稱可遂立公所委邑紳陳春暉貴縣陳繼祖平南盧恩榮武宣黎植卿等督修以三十一年興工越年二月工竣東臨下北門街西達宣化坊北沿陸家塘皆周

以磚牆南則以慶祝街北各廟宅作蔽中設禮堂東向重屋
四阿窗牖環開有古明堂三十六戶七十二牖遺意四壁澤
以丹堊如覺宮制內供

孔聖遺像備朔望行禮禮堂

南北俱有會食堂會食堂之東爲教室南北各四教室上有
樓爲溫習室亦南北各四上下對峙禮堂前中有塗自禮堂
達大門大門左右各有四室室上有樓有室數與樓下等樓
中立高臺下與大門相值以備遠眺攷古者明堂辟雍靈臺
咸在一處今校中立堂祀

孔建臺望遠固猶行古之

道也

學校立廟記
誰之立明堂以祀文王見前卷

孔本於辟雍

清世學校奮興實由於

宗旨純正無非聖畔道之言故官吏勇於提倡老成樂於襄

助苟違斯義雖千呼萬喚難相應矣自會食堂北出數十武爲理化博物試驗各室東西從列南與禮堂前北列教室平行中間相距有曠場以備體操禮堂退後有長廊橫拖南北西出爲寢室兩排東西從列有樓上下約容學生四百人每排之東各立學監室一間以便管理出大門東北數十武爲通報室即校之外大門也左右室各一樓上廳一房二計全校堂樓室廊皆窗戶洞達欄檻相對盥浴烹爨咸設專所禮堂前叢篁浮翠芭蕉映綠左右巨榕高蔭簷宇多涼大門外青草敷茵亦有老榕兩株張蓋其上禮堂退後直抵寢室則雜花生樹羣鳥亂飛藤蔓布階荒翳不剪茂對萬物固宜爾

也三十三年丁未潯州知府呂緝熙復芟大門左側荒蔓建
雨操場蓋以錚皮費千金並擬增建寢室以去任未果

蠶業學堂 在西門外桂山宣統二年撥公款及派各里捐
建費約萬金前臨隴畝後枕清溪遠近山光披拂簷下頗饒
佳勝民國後蠶學停止租與民居現復駐兵昔年讀書種樹
之場今則槍桿縱橫鼓笳喧雜人望而畏之矣

城廂高等小學校 在慶祝街南向舊爲城廂寶興館光緒
三十二年城紳周秉道黃熾昌等拆卸寶興取遺料添購木
石改建城廂文明小學堂現名高等小學校校南向前後兩
座俱置教室中有林院兩旁蓋兩路左兩路旁有月門外爲

操場座上前後有樓前爲教室後爲校長教員廳室工作形式工雅可觀

軍陵里高等小學校 在縣東十里軍陵里覃放墟旁東北隅清光緒三十一年里內監生程式禮倡建中設禮堂四簷下垂結構頗雅內供 孔子木主學生入學俱釋奠焉

禮堂左右兩廊設教室與學生寢室堂下有塗塗下大門左右廳室橫列南北大門上有樓樓上有廳下與門值廳左右各有室二爲校長教員寢息處計費金三千許民國後校長黎獻昌倡修一次費金千許

桂平縣志卷十四

紀地

學校下

書院 寶興

書院

學校而外別立書院蓋始於唐宋之間爾時石鼓鹿洞嶽

麓應天四文書院爲後代作者先河

石鼓在衡陽建於唐李寬鹿洞在江西盧

山建於唐李渤唐建應昇天在中直隸順天嶽麓在湖南潭州二

開寶中郡守朱洞建應昇天在中直隸順天嶽麓在湖南潭州二

外年應天府民曹誠建皆於南宋初經縣朝廷賜額成給書鼓二

二年賜額又有茅山書院在江甯天著南渡後自甯宗迄於
理度兩朝書院之數見於續文獻通攷者二十有五其他

賢士大夫講學之所自爲建立者猶不與焉元制凡先儒過化名賢經行之所皆命立書院明代雖無定制而隨時請建與自由設立者亦復不少迨嘉靖而後書院爲權臣閹宦之所忌大遭摧毀見後書院而明亦隨之而亡清紹明統順康兩朝書院著名者漸次恢復而猶無設立通令雍正十一年始命直省建立賜以帑金乾隆元年復諭部行文督撫學政凡有書院選聘山長慎擇生徒酌定學規課程及獎叙年例而凡佻倖不羈與不率教者皆擯斥勿留蓋與其禁之以失士夫之心毋甯尊之以收監締之權英主用意未可淺測然其後封疆大吏振興儒雅不於學校

此牖廸故師範講習社之設梗阻斷於事前效果生於事後若夫舊學校則難之矣何者學官銓選有常取自舉貢司鐸已難得人來自廩增濫竽每易充數况學官監以守令則師道不尊學宮不設宿舍則修業無所故舊學校所司者索金具結起文送考暇或收受詞訟苛刻生員而已非可以轉移風氣也夫自古學術衰於上則興於下故周禮崩廢尼山設教秦政焚書魯國絃歌漢學荒蕪康成振起南北風微中說誕興是其徵矣唐宋間州郡諸學有名無實故書院踵起

本馬端臨文獻通考

致朱陸之徒咸藉其

地以宣闡素蘊明儒湛甘泉足跡所至皆立書院以祀其

師陳獻章而鄒元標顧憲成高攀龍諸子主持國是亦賴有書院及後雖遭挫折而志節與日日爭光方諸清未僅以祠章攷據經世叢談炫博猶高一等矣今新校遍設苟飲水思源則書院之功固不可沒况人事無常世局多變今日之盛安知不轉爲昔之衰剝極而復或有君子具風雨雞鳴之思以鄉學匡正國學之失安知不在書院也今編次及之特綴言如右

潯陽書院 在城內西門街府學宮左舊名潯江書院萬歷時廣右參事南昌高則益與御史巡按武陵唐鍊以分守別署改置

時高則益潯州分守

增廳事二楹一日崇正二日聚義爲講

堂傍立號房六層約四十六舍以居多士

府志

林有席云相

傳明安福劉侍御臺以建言被謫潯潯人士從之學既卒從

祀於此後書院廢舊址無攷

見席作潯陽書院對周程三天

按府志明言

以分守署改置何云無攷是蓋有故焉攷明白嘉靖而後天

下書院始毀於御史游敬疏斥湛甘泉倡其邪學私創書院

世宗遂令有司毀之

嘉靖六年

再毀於吏部尙書許讚謂撫按

司府書院供億科擾亟宜查撤

嘉靖七年

三毀於閣臣張居正

請概行京省查革

萬曆十年

四毀於閣人魏忠賢矯旨毀天下書

院首善所建亦被碎碑

文獻通考

本通

潯州雖地在偏隅而潯江

書院之立却當朝臣嫉謗之時高唐兩公雖威武不屈然其

後土祀劉臺又爲得罪權相之人

居相正張

益以璫禍從橫天

下書院不保潯江何能獨存院宇既廢則基址無敢過問事
後官吏隱匿當在意中有席當清中葉君權方盛或不忍發
其覆故以無攷爲辭然府志固明言以分守別署改置矣分
守者同知通判皆有此稱府志廨署篇云通判署舊在府堂
右時有同知署在堂左同知裁廢乃移通判署於其地雍正
八年同知萬選重修據此則府堂左右同通兩署爲雍正已
前舊物與府署同沿明制潯江書院舊址當卽在其間惟府
堂右地狹不足以容六層號房四十六舍之多則以在府堂
右舊通判署爲近是並據父老相傳府署右荒園外鋪宅

今卽

道前街

舊日多屬官地則通判署面積固廣自能多建房舍疑

陣卽此冰解清之始興潯州有義學而無書院

康熙二十七年武宜建義

學三十三年桂平修義學三十六年貴縣建義學而書院之設皆在乾隆後見下

明代璫禍怵人心

目於斯可見而府志叙潯陽書院事云康熙三十二年知府阿琳捐建五十二年知府毛文銓置田資諸生膏火不知在當時皆稱義學而非書院故黎敦位記潯陽書院田租以義學命名文內復有皇上重道崇儒設立義學及毛公建義學各語夫毛任後於阿琳二十年所置膏火田猶稱義學則阿琳捐建必名義學無疑

康熙三十三年阿琳兼與縣事建議學與先一年捐建府義學事

貫一

乾隆七年知府孫暉潭始以義學爲書院去潯江舊號

取名溇陽

府志院嫌未明

距雍正朝命各省建立書院

時蓋十有餘稔朝旨之行屢多遲滯舊政之習尙然也二十

七年知府胡南藩遷八賢祠周程三先生祀於院內二十七

年知府湯大賓知縣吳志綰重建下全錄自康熙以來

或爲義學或名書院基址在府學宮東隙地

見林子對又黎三

位義學兩文可以互參

其遷移今地當在是時

按溇陽書院

何以府志未重修而云然大資未重建以前並此名義無疑也

同治府志云建後進其叙訓道署則云訓道署移同治學宮

年知府魏篤出資一處移則移二字則下文俱有脫漏而

於府前街與由府前街以復於學宮事同學東隙地者當即

仍移學宮右址道書院遷建西門前舊府志原文觀此則海陽
書院始在分守署職以質諸老成碩學者
西門街瞭然矣願以質諸老成碩學者
在 二十七年知府陸

燬增建後堂以祀周程仍復潯江書院舊名四十九年水圯
五十一年知府陳玉麟重修道光三年孫世昌仍改爲潯陽
書院重書匾額咸豐間燬於兵燹膏火租田亦多遺失同治
三年桂平知縣徐延旭查復有記十年知府固魯鏗捐建講
堂後宅及旁廡儀門併派膏火田三百餘金且爲之記

以上
據府

志修光緒十六年廣西巡撫馬丕瑤命知府王森在中座建樓
藏書二十八年知府張祖祺在院開師範講習社撤藏書樓
下左右房通作講堂堂前塗蓋瓦備諸生休憩閱書報三十

年改爲潯郡中學預備科三十二年借作桂平師範學堂三十四年借作桂平中學堂後又借作桂平高等小學校民國五年桂平借開修志局七年局撤八年駐札陸軍計全院三座東向前座正大門左右各有二房如古家塾制中座爲大堂後座舊爲山長眷屬住宅中有一廳左右各一房兩旁長廊各有六房房容四人後座背有園雜植羣卉前座外有大院院北爲外大門北向左右有房規模不小然比之明代在分守別署房六層三十六舍則遠遜矣

各記俱詳
文記

桂邑書院 始在縣城東明天啓四年右參政曾守身以其

遺址建桂平縣學宮

縣學宮始在城外官園曾守身遷建於故書院崇禎二年後遷官園清遷今地

有記云城東故書院址枕黔帶鬱二水滙於左爲鐔江龍山蜿蜒萃爲支壠甚白石洞天峙其前儼然卓筆峰也是以妥聖靈毓人文其可已據此則舊日書院卽在今城東門外南向故曰枕黔帶鬱黔水在後鬱水在前也更曰白石洞天峙其前則其爲南向益確矣何以僅存遺址得以移建學宮於其間蓋明自萬歷以後書院被權臣查革其後復遭宦官矯旨析毀時潯江書院舊日已經銷滅則桂邑書院不能獨存也崇禎二年縣學復還官園而書院未聞恢復縣署後舊有義學而學舍褊淺潯陽書院旣興肄業生童咸起而歸之於是義學日漸傾頹久而蕪沒

以上當是乾隆二十七年事
潯陽書院遷建西門後 乾隆

三十八年知縣盧焜於慶祝街縣學左縣學宮自康熙間故

得地前廣十五丈三尺後廣九丈五尺左長十五丈五尺右

長二十六丈五尺遂捐廉倡建中奉周程三夫子外問奇亭

兩旁書舍前育賢堂錢塘范武題伏今又前大門右旁南向綜

計二十六楹凡諸井竈罔不具備繚以周垣於其西南置文

閣費千九百金顏曰桂邑書院舊以桂邑名稱不雅取名西

山改曰思陵此是朝故至是復從其朝工竣捐修聘邑舉人陳

良士爲山長生童膏火由紳士捐助尙屬不敷因查得潯陽

書院前府毛文銓捐置隆義戶田租九千六百觔田廣土腴

可加租穀請於府得令傳諭各佃集詢於庭酌加租穀一萬

零四百觔湊成二萬觔以一萬觔撥入桂邑書院備充膏火歸縣管理道光廿七年邊警寢劇學務鬆弛膏火田租短絀日甚咸豐二年城陷書院齋舍遭燬同治三年知縣徐延旭查復田租十一年知縣李世椿撥銀二百圓充膏火田與潯陽書院共租得十之四

此蓋統徐延旭查復田租及同治十年知府固魯鑿派購潯陽書院膏火

田三百餘畝

光緒十四年知縣李宗庚撥公款修復規模彷彿

昔年而問奇亭則無矣自潯陽書院開設師範講習社後桂邑書院亦改作桂平小學堂宣統間改立桂平中學校民國改名桂平中學校撤去前面照牆與文昌宮通連一氣栽植林卉於其中院北別闢操場場邊有池游鱗可數池邊細磚

成路楊柳高垂俱改立學堂時栽置

據府志舊縣志節錄并參攷

復身桂平縣學記陸燦桂邑書院田租記各院配徐延旭查

按舊志據盧令書院租穀碑節錄潯陽書院舊碑載毛文銓所置膏火田坵數外另有二碑一載永和里田租所供兵資差糧雜費羨餘穀十八石充桂邑書院公費一載學宮五王殿左旁圍牆外地一所舊義學地一所俱有四至丈尺別詳紀地食貨田賦後今識其略於此以便查檢

寶興

古制國於賢者待之以賓易曰利用賓於王書堯典曰賓于四門洪範八政賓居其一詩鹿鳴以燕饗嘉賓其義古矣北

齊以賓館款盧景裕實本經旨然欲賓于上宜先教於下故

周禮設鄉大夫以三物教萬民書其賢能而賓興之

於周禮出國

學者之手多採用儒

自趙宋而後諸路有賓興之制由是而

立

宋紹興元年詔縣學生三歲不赴升試者除其籍諸路賓興會試許雖獨常州中選者多後世賓興之名始見於此

其實亦書院之類蓋書院爲鄉學通稱古者家塾立於宗廟

門側故今廣東祖祠多名書塾或竟名書院賓興掌於鄉大

夫亦屬鄉學與家塾相聯故鄰縣平南賓興亦名龔州書院

義非杜撰也

賓興立於鄉先聲神主與書今縣內中學校實

產自賓興諸里小學亦復類是其轉移風氣不亞於書院故

連類記之若有點徒覬覦公產施其破壞則又閤人魏忠賢

之流也

闔邑寶興 在城內西門街北沿馬家塘南與潯陽書院夾

巷而立光緒十二年建先是清世學官俸薄全籍童生入學

結金糊口

學結金
制詳

多者索至數百金少亦非具數十金不允

出結貪士每以爲苦至鄉會兩試道里遼遠往往因川費難

籌一經落第不復再試故野多遺賢其登第者後分發部院

又以俸慳難度朝夕改求外放故百里之內無識朝局達民

隱之人縉紳憂之乃集二十一里士紳捐建大寶興除勸捐

會酒費及捐而欠交者不計外實得銀四萬零五百七十四

兩八錢五分六釐

中都里銀六千零三十九兩三錢五分五厘吉一里銀二

詞翰進士舉人優拔各花紅復在縣學宮南教育塘北購曠	及諸生鄉試舉人會試水脚與京官宿京旅費並定給新科	纔卽購置田產舖宅出租取息以津貼歲科文武童大小結	分八	八二	二銀	錢百	里錢	三銀	五千
武十二	錢里	十一	八六	銀一	錢一	十二	兩九	兩九	
平二	一銀	三千	分十	一分	一分	九千	九百	九百	
里兩	分九	兩五	崇六	千八	千八	兩四	錢四	錢四	
銀三	祿百	五百	姜兩	七厘	七厘	九百	一十	一十	
二錢	二二	錢三	里九	百中	百中	錢九	分九	分九	
百零	里十	下十	銀錢	九十	九十	分九	秀兩	秀兩	
九五	銀八	都七	一二	分九	分九	五兩	一二	一二	
十盤	十兩	里兩	千分	六銀	六銀	兩八	里錢	里錢	
九厚	百六	銀一	七四	兩一	兩一	厘八	銀二	銀二	
兩祿	三錢	一錢	百厘	七千	七千	上錢	二分	二分	
零一	十三	千一	六釐	錢七	錢七	秀二	千一	千一	
七里	一分	一分	十里	六百	六百	里分	三厘	三厘	
分銀	兩祿	百八	五銀	分七	分七	銀七	百宜	百宜	
皆六	八三	一厘	兩一	四十	四十	一厘	七二	七二	
計百	錢里	十軍	四千	厘四	厘四	千吉	十里	十里	
確一	五銀	一陵	錢六	永兩	永兩	六二	兩銀	兩銀	
實十	分八	兩里	九百	和二	和二	百里	零二	零二	
交二	甫百	八銀	分五	里錢	里錢	七銀	六千	六千	
到兩	里九	錢一	一十	銀四	銀四	十一	錢八	錢八	
之六	銀十	八千	厘一	一分	一分	七千	上百	上百	
數錢	六兩	分三	城兩	千下	千下	兩九	都八	都八	
六	百零	秀百	廂九	五秀	五秀	二百	里十	里十	

地一所預備建館因急於辦事暫購關吏李姓住宅作權宜

之計

詳地舖內上下兩座上座東向中有廳廳左右房各一

下座西向廳房數與上座同兩座北有小廳一房四再北則

廚浴廁所咸在焉兩座南有轎廳一房一再南爲大門南向

臨街大門左爲門房閱十數年以事多欸絀不能另建爰於

上座後購譚宅地添建大廳預備安立神主大廳右建客廳

一北向左右有房客廳西有小廳一東向小廳右爲廚房大

廳右建貯穀倉一所內有房三

先與租穀向以銀折耕前有

爲收穀之意特未能力實行耳

光緒三十一年科舉廢道員莊思緘去賓興

匾額改作潯州學務公所旋改作桂平首邑學務公所其後

爲桂平勸學所民國元年復改名賓興所有科舉時舊例與興學後新章暨財用出入各章程分見於學制民治風俗各

篇

詳地記

上都里賓興 在西門內府學宮後同治八年建府志有上中

下三座左右兩廓後有園樹圍牆

城廂賓興 在城隍街南向同治間建光緒三十二年拆卸以遺址及舊料建造學堂

軍陵里賓興 在城內福壽坊督學署前之右光緒二十年購黃江泰宅改建一連三座南向民國八年因軍陵里高等小學堂經費不敷割上座變賣取價添購田租以資補助

軍陵

寶興早有田業
出息至是添買

白石寶興

在縣南白石山同治六年上秀中秀下都三里

合建

據府志
修改

宣二里寶興

在大宣墟

府志

宣一里寶興

在大黃江墟今爲宣里高等小學校

補訪

按自闔邑寶興成立後各里聞風繼起多捐貲籌置嗣因科舉既廢存款移作學費遂不復設立以上所錄特舉其已經建築者耳縣內寶興不止此數也



桂平縣志卷十五

紀地

壇廟

祠產附

志書載及壇廟何也將以稽人心所信仰風俗所趨向一也
路徑往來每以爲標識二也因建置年代之後先可以知村
市成立之遲早三也香火盛衰殿宇華樸可以驗當時地方
之貧富及人口之多寡四也建造則捐資奉祀則施產其心
雖近於求福其事終屬於樂善述其姓氏永留簡端可以誘
濟施之情而消惡吝之俗五也有此五義則紀載不能太略
而近年作家每謂祠廟不入祀典者黜勿載此學者溺於史

家偏狹之見知有政治而不知有風俗知有朝廷而不知有鄉野質以孟氏貴民之旨固不相容其他主無神而欲廢祭者則蔽於物質之粗或主一神而毀偶像者則惑於外道之僻稍能仰觀俯察自知其言之不中於理况志乘爲采風問俗之書其存廢詳畧更不能從吾意之所好惡也今據舊志並廣收訪冊所載而以次叙錄凡列入祀典者居先次城內外次各里其有一神數廟散處各地而名號不殊者並爲叙出以便檢覽凡舊志誤者正之略者詳之如下

社稷壇

見古蹟
本篇之內
凡各廟雖入古蹟門而仍載其名於

先農壇

見古蹟

風雲雷雨山川壇

龍王廟

見古蹟

雷王廟

在南江頭塘乾隆十八年建梁聖熙買受下結塘

近河傍地周姓居住租錢一千文爲香火費其在他處者軍

陵里有列聖雷王廟宣二里有雷王祖廟吉一里有雷祖廟

下秀里有雷衙廟與雷衙大廟中都里有雷祖廟

府志及冊

按大清會典先農壇風雲雷雨山川壇龍王廟雷王廟皆

入中祀

旗纛廟

見古蹟

厲壇

見古蹟

城隍廟 在城內慶祝街其始在小南門南向明嘉靖間醫士王瑀與甘崇儉張仁仕李傑謝宥輩因廟傾圮儲金二百餘以待時修復會二十一年知府王貞吉提議興修瑀等遂以金進貞吉因以瑀董厥事後堂中庭易舊增新左右房各三間各神像房前爲儀門去五丈許爲大門門左右後創廊房三間俾來往祭禱者各有所止貞吉刻碑記其事詳紀文萬歷四十一年郡守劉名佚其因水患民散安神安民捐俸集資倡修進士龍國祿有碑記詳紀文後遷入城中榕木社右乾隆三年歲戊午知縣李志斌與紳士林兆蘭梁餘林瑞劉聖昌嚴元等遷建今地以五年歲庚申落成邑人譚龍爲記

年重修道光十五年又重修祀關羽羽漢三國時人元明宗
天歷元年加封關侯顯靈義勇武安英濟王清朝雍正三年
追封三代公爵設位後殿有司並祀府錄見各鄉立者宣一里
三家村有武聖廟尋線村有武帝廟思蔭村有關帝北帝廟
宣一里宣二里各有關帝廟其餘稱三帝三聖者關帝必在
其列其附祀各廟而不列名者尤不少

文昌宮 舊名文昌閣又名文昌祠初在城北隅雍正三年
陳堯賢建乾隆十九年歲乙亥知府胡南藩重修因舊壘增
高九尺分兩層上祀魁星下祀文昌有碑記詳紀文其時文
昌未入祀典修祀者意在循俗以培風水至嘉慶六年文昌

入祀典春秋舉事因台階陡逼有司但奉主於公所以成禮而已道光十六年歲丁酉知府興仁署知縣余繼高因八公祠故址及縣學舊址改建文昌街東接武廟擴以書院照牆宮後前凡三重旁翼以四祠左則呂祖八公右則龍猛將軍越年戊戌秋八月落成貴縣知縣陳肇波爲記邑舉人黃體正亦有記均詳紀文

錄
並
公
碑
志
府
文
志

清宣統間桂邑書院改由

高等小學改爲中學堂廣收生徒苦於地狹以文昌宮爲學生宿舍而神像依然不廢惟祀典不行耳按文昌之祀至盛南門外有文昌祠各里祠廟有以三聖三帝及文帝二帝稱者皆有文昌在內蓋與北帝關帝並稱爲三帝與馮聖關聖

並稱則爲三聖與關帝並稱爲文武二帝其立閣專祀者城內慶祝街一縣署左圍牆內一宣一里護村一其樓閣附設各廟如西山龍華寺有文昌閣宣一里萬靈廟有文昌樓之類不能一一稽也然近日香火已不如前矣

呂祖廟 在文昌宮左按呂祖於嘉慶年間改爲直省通祀

惟祭品不用牲牢

夏府志

馬王廟 在關帝廟左案通典仲春祀馬祖仲夏享先牧仲秋祭馬社仲冬祭馬步續通考洪武二年廟祭馬祖先牧馬社馬步之神光緒年間像毀後借作小學校一在弩灘塘

夏府志

問 卷 訪

藥王廟

見古蹟

八公祠 在城隍廟右文昌宮左其始爲三先生祠祀宋濂溪程明道程伊川緣宋慶歷年間濂溪遊潯皇祐間二程隨父龔州任受業講學于邑羅叢巖邑人敬之爲立祠成化嘉靖間韓雍王守仁蔡經翁萬達先後平定藤峽有德於潯而毛伯溫則以出師安南不俟戎衣屬國稱臣納貢潯以近郡得免於餽餼之苦遂獲與四公同祀於是有五公祠萬歷間以王守仁增入三先生祠而改五公祠爲四公祠後兩祠俱毀合建一祠曰八賢祠旋復毀康熙間知府阿琳重建周程王之位居於左韓蔡毛翁之位居於右仍存兩祠合建之意

有碑記詳紀文雍正間知府王勅重建四賢祠三楹居中四
公祠三楹居右顏曰四賢四公祠乾隆二十年知府胡南藩
以陶魯田汝成征獠有功劉臺著節諫垣均宜立祠迺遷祀
周程於潯江書院歸王守仁於四公祠益以田陶劉額爲八
公祠陳肇波有碑記詳紀文八公中劉臺事跡具見劉公祠
其餘均見紀事祠址故廣道光間立文昌宮多割祠內地址
建造而以八公祖呂祖爲左翼見文昌宮條

本節撮舉祠中諸碑大要

附攷

粵西文載八公祠在城隍廟右祀明韓雍陶魯王守仁蔡
經毛伯溫翁萬達田汝成劉臺八人有四公祠祀韓雍蔡

經毛伯溫四人知府王貞吉有碑久燬又有三先生祠在府學內祀宋周子及二程子後移於書院並祀王守仁舊有五公祠祀明韓雍毛伯溫翁萬達蔡經王守仁萬歷間以王守仁增入三先生祠改爲四公祠後兩祠俱毀合建一祠曰八賢祠尋復毀國朝康熙間知府阿琳重建雍正間知府王勅又分爲二乾隆二十年知府胡南藩遷周程三神主祀潯陽書院增祀陶魯田汝成劉臺改爲八公祠

志府

忠義祠 在文昌宮右同治丁卯年知縣徐延旭暨本城團練局紳士周溯賢李運昌劉惠中蔡長年賀階平等商建祀

咸豐乙卯間官紳士女練勇丁壯之陣亡或殉難者又以大南門之太僕寺尙未修復奉劉太僕權祀其中而凡附祀於太僕寺者亦皆移附於此邑紳黃炳筠有鼎建忠義祠緣起詳紀文祀田購於同治辛未之冬坐落潯城外馬王塘村杉山脚其地田成段一連六十四餘坵並無插花計下穀種六斗以有坑水長流灌溉經建祠各紳用充公花銀五十兩與該村宋樹林當受每年租穀九百觔佃戶送交值年首事歲納宋樹林戶糧米二升一合五勺地丁銀一分三厘九毫

志府

劉太僕祠

在大南門街之左南向

志舊

報國寺右舊名報恩

寺

志夏府

先是雍正三年知府陳堯賢創建忠義祠置祀田祀

康熙間死事知府劉浩暨四子附祀者平南知縣周岱生典
史武佐鼎乾隆十八年知府胡南藩重建改名太僕祠爲堂
二後寢堂分立二龕劉公位中四公子偶侍左龕爲周公右
稍退爲武公前享堂又前門垣糾工並增置祀田有碑記道
光六年知府孫世昌重脩有碑記詳紀文錄舊志并同治丁
卯年祠毀未復權移置新建忠義祠中見忠義祠按祠田自乾隆
二十三年署知縣蒲浩文勘丈買藍天章戶田一段計一百
二十八坵丈得稅一十二畝九分五厘五毫徵銀七分米七
升又買黃毓舜戶田一十二坵丈得稅六畝五分二厘徵銀
四分八厘米八升併前陳守所買黃毓烺戶田二十九坵丈

得稅八畝二分六厘五毫徵銀五分六厘米八升共田一百六十九坵二十七畝六分九厘徵銀一錢七分四厘米二斗

三升繪圖造冊立劉少卿戶詳報在案

志府

府名宦祠 見府學宮

府鄉賢祠 見府學宮

縣名宦祠 見縣學宮

縣鄉賢祠 見縣學宮

忠義祠 在學宮左雍正二年知縣周鎬建祀明李嘉言吳紹祖馬文祥蔣學成馬堪陳文明陳志亮陳欽陸南金清劉浩及其殉難四子與羅光臨劉萬宣劉派洪劉傳恭黃毓奇

謝天佑等十六人

按忠義祠有四一劉太僕寺舊名忠義祠一同治丁卯年在文昌宮左新建忠義祠一縣學宮忠義祠皆有劉浩在內又一爲宣二里忠義祠

節孝祠 在東華寺其始在縣學宮右祀明甘李氏周李氏暨清黃謝氏黃楊氏李覃氏黃葉氏後移建大南門內西偏堂上光緒丁未年毀後遷今地

舊志并
訪冊

按夏志府云忠義節孝二祠在縣學宮雍正二年周鎬建祀明甘李氏坦然妻黃熊氏夢熊妻黃謝氏毓英妻李黃氏陳甘氏六人既以忠義節孝合稱而所載祀主乃有節

孝而無忠義此採訪者之疏而載筆者未加察也其與舊志異者則舊縣志有關李氏李覃氏而府志無之添入李黃氏陳甘氏不知何時所更定又不知因何事而改變俱未叙明殊難索解又舊志作於道光已載及遷建事府志脩於光緒反闕而不登亦爲疏漏又查列女傳夢熊妻是楊氏非熊氏當以舊志爲合

將軍廟 在文昌宮右祀劉猛將軍道光丙申知府興仁桂平知縣余繼高建將軍功在除蝗故祀之事詳陳肇波新建潯郡將軍廟碑記見紀文清宣統間借作桂平中學堂宿舍

龍神廟

在文昌右將軍廟後又一在潯郡中學堂左旁

舊探

志并
訪冊

錫麟庵

在文昌宮左現爲城廟保衛局

正覺庵

在府後街左巷康熙十九年邑紳劉派洪捐建知

府孟禮有裝塑佛像碑記乾隆十二年貢生劉聖昌等暨住

僧法榮重建

志舊

魁星祠

在府衙街北城上雍正三年知府陳堯賢建乾隆

間知府胡南藩重修

志舊

娘娘廟

在府署後

志府

卽今鎮守使署後大榕樹下

北帝廟

在北城上清風樓知府胡南藩修

志府

一在西關外

康熙二十九年建四十年都司指揮李某請廟後官地爲香火費乾隆間修道光九年重建各里中秀上都中都皆有此廟宣二有北帝祖廟武平吉一有真武廟

真武即北帝與文昌關羽稱三帝

三元宮

在西關北帝廟康熙四十四年建四十五年舉人

楊日盛等買受東門下渡頭一所租錢三十千文送作香燈收立齋三官戶糧米四斗八升七合七勺差銀七錢六分乾隆三十年脩道光二十三年貢生藍兆麟重脩有碑記詳紀

文

志府

開口廟

在西關梁聖照買受下結塘附近竹圍地址居八

間租銀一兩爲香燈費

志府

玄壇廟 在南門頭塘外舊志

文昌祠 在城外南江邊清借爲厘金總局卽今常關附訪

三界廟 在南門外粵東會館左舊志云在天後廟左今天後已毀故以會館標界

康熙初年建八年設戲臺知縣孫以敬爲記雍正九年高尙壁等重脩封遊天得道三界乾隆二十八年紳士里民捐造

內殿樓戲臺舊志攷貴縣志三界姓馮氏諱克利子遠皆緣仙

衣之傳故馮氏代產異人列籍鬼仙有馮羽馮谷谷之子名

都長皆得道九代孫石吉者於康熙庚子歲得道邑人并立

三界克利暨都長吉塑像奉祀地方官朔望拈香云是爲三

界畧史縣自南門外軍陵上渡頭宣一里大黃江宣二里及

新墟彩村中秀里周塘村下都里鳳岡村秀一里下冲村暨厚祿里內俱有其廟宣二秀一里及上北門有馮聖宮永和里有馮爺廟諸寺宇稱三聖者克利與焉各鄉每歲二月社日前後輒至貴縣三界祖祠迎神歸所在廟求雨輒驗

馮聖宮

在城北門外事蹟見三界廟

以上俱本舊志府志增改

盤古廟 在永和里祀盤古盤古瑤族名槃瓠盤槃同聲古瓠叠韻也攷後漢書槃瓠爲高辛氏畜狗帝以其銜吳將軍頭於闕下有功妻以少女生子孫爲南蠻始祖此人類輕蔑異族之詞帝女妻狗事未必然而瑤族祀盤瓠則近見而可信也縣內自明前多爲瑤族所居故鄉中多盤古廟漢族遠

來亦效而祀之如軍陵里之腊嶺灘頭大坑窟鍾村宣二之界洞孔村下都秀二里俱有此廟又軍陵里門口村之三聖宮吉二里霄騰村之三申寺皆有盤古像不獨永和里而已
附攷

石湖范氏桂海虞衡志云獠本槃瓠之後又云歲首祭槃瓠雜揉魚肉酒飯於木槽扣槽羣號爲禮

省志粵西郡縣往有盤古盤廟盤古廟之稱蓋苗氏爲盤瓠之後故羣祀之音訛轉爲盤古耳

閩叙粵述云粵西獠獠種數各殊相傳爲盤瓠苗裔桂林等府俱有盤王廟獠獠祀爲始祖其土官韋姓乃韓信子

孫也云方呂后擒信時舍人負其幼子求救於蕭何何泣
下乃作書屬南粵尉佗撫之子孫因以韋爲姓其何書尙
存土司余見張和仲遂所輯千百年眼一書曾載此說而
鍾竟陵亦附之鑑末第漢法踵秦之慘酷彼高祖時敢與
佗通書耶存此以質博雅者

志府

新義錄云盤古廟鄉落間多祀之或以爲槃弧之訛案後
漢書高辛有犬戎患募得犬戎吳將軍頭者賜金千鎰邑
萬家妻以少女帝畜犬名槃弧入山銜一首至果吳也遂
妻焉生六男六女爲武陵蠻之始祖杜君卿駁之云黃金
古以斤計秦始曰鑑三代分土漢始分人古安有萬家之

封將軍周末官吳周末姓古無是也蓋盤古本粵產兩廣

盤姓皆其裔則不得以爲槃弧也明矣

見貴縣志爲盤古證

以今語無可疑化社氏有駁詞求混人之類而不疑槃

義興寺 在趙里蒙墟乾隆年建

建寧寺 在趙里林村三座三間開雍正九年重修創建無

攷

玉虛宮 在趙里蒙墟

興賢寺 在趙里新墟

義祠 在趙里蒙墟光緒年間建以祀旅客死而無歸者

永豐寺 在趙里流瀾村厚祿中都里亦有此寺各一

穀山廟

在趙里古城村

以上俱訪冊

盤古廟

在趙里舊施村之左與烏楊村界

泰安寺

在甫里官橋墟旁

鎮龍寺

在南里福龍村又一在全塘村厚祿下秀秀二里

皆有此寺

寧豐寺

在甫里獅頭村

甘王廟

在府城東北隅一在城北門外二十五里弩灘上

一在城四穿樓

甚小另列

一在宣二里風門坳甘王事跡詳弩

灘廟

東華寺

在西竺寺右康熙癸卯僧會機募建其徒了乘置

祀田坐落新庄村地面插花買受大宜一里二冬陳宗選戶
糧米八斗四升五勺七抄差銀一兩三錢五分八厘租谷二
千八百觔入東華寺戶又置寺前魚塘一口今寺爲忠孝貞
烈祠所有寺產歸合邑賓興管理作桂平中學校經費

西竺寺

竹卽
菴西

在東華寺左北向康熙七年僧祖達建五十

年僧方印修里人羅三元謝顯奇羅一綸各施有田羅三元
施永和里自納羅然學戶額米一斗八升差銀二錢七分七
厘謝顯奇施大宜二里麻車村薄尾供報自納謝君錄戶額
米一石差銀一兩六錢羅一綸施菴前小塘一口自納衛羅
宋廷戶糧米七升差銀四錢二厘三戶共租九千斤

玉虛宮 在小南門外西街

水月宮 又名觀音堂在南關大碼頭上舊有僧人光緒末

年散矣

唐御史李公祠 原名廣祐廟又名郡主廟又名李候祠在

西山洗石菴前偏右東向上中下三座右有廚房久已圯斷

壁僅存祀唐李御史佚其名字明遠舊志及諸碑刻皆言郡

昔患虎民禱於神虎死廟樹間而不知其事在何時廟之創

建無攷舊云宋封西山郡主廣祐靈獲王據李秀所立郡主

廣祐靈護王而第二勅封在何時尙待稽攷當時郡守姚駕部曾

重新其廟張通守繼之則縣內各祠廟之建而存於今者以

此爲最古至明世獠奔潰廟爲所燼有竊灰中斷礎者神附語云平獠有日吾將復宅竊者懼還礎故處正統三年十月安遠侯柳溥入鎮八桂咨參將田汝成率兵征獠建牙西山之麓令出而獠人納欵獻俘若有神助竊礎者言果驗廼重建斯廟黃潤玉有記詳紀文歲久漸湮成化元年冬參將孫震復因獠發屢沐神祐獲功甚衆捐捧重建陳宣爲記詳紀文清順治間祠毀像存十七年巡按御史重建有碑記詳紀文乾隆九年僧心鏡募修撥龍華祠租永和里永潔戶糧米七合每年租穀若干石爲香燈費道光五年知府孫世昌重修有記詳紀文攷神之誕在唐咸道九年三月二十

二日故黃潤玉記云生日士女駢集爭獻性幣然百數十年來未聞有此祀事得毋以洗石菴龍華觀音諸巖寺香火既盛而斯廟乃冷落耶廟無司祝以洗石菴住持僧代理香火同治壬戌年與洗石菴乳泉亭一併重修張榮組有序

錄並舊志

碑文各

按廟自孫世昌後未經修民國夏正丁巳桂平鎮守使韋

榮昌獨力修復

訪冊

洗石菴 在西山郡主郡祠後左偏山之下寺也順治三年僧海籌募建康熙三十八年修官橋胤繩等捐田與券付僧文秀管理又買太平街上股瓦舖二座議租益之雍正乾隆

相繼修葺久而頽焉嘉慶十四年邑人吳才略倡捐大有規

模貢生麥賢爲記

佚文

時有不解洗石之義欲易菴名者麥

以方端士文示之遂不果寺之形式詳西山寺僧爲禪自曹

溪來康熙間有僧宏韜潛心內典祀田坐落沙江村白雲洞

大小七十畝並無插花價銀二十六兩糧米二斗差銀一錢

住持輸納

舊志
並新

龍華寺

舊名龍華古寺題額尙在寺內寺在西山洗石菴

上故又名上寺創建無攷詢之寺僧云始祖於康熙間由廣

東南華寺來此開山則寺之建當在清初乾隆二十四年知

府胡南藩捐資僧簡堂重修咸豐乙卯寇燬癸酉重修寺之

形式詳西山祀田撥永和里永潔戶糧米七合又永潔戶差銀三錢九厘七毫一絲米二斗二升又一坐落宣二里永潔戶差銀一兩四錢八分二厘糧米九斗二升八勺共租穀一萬三千六百斛志按龍華寺租乾隆九年撥入李御史祠若干石糧米七合十二年撥入城隍廟千六百石糧米八升皆見前民國六年兩廣巡閱使陸榮廷捐資倡脩西山廟宇於文昌閣左右添構東西小廳以邑紳董其事工已竣

三賢祠 在厚祿里羅叢山相傳宋皇祐間河南程大中响刺龔州二子頤與顥從侍延師濂溪周敦頤雅好山水聞羅叢岩洞奇絕自龔來遊命二子挾書冊築台授受其上後人

景仰高山建祠奉祀日久祠頹雍正癸丑知縣傅輝文重修
乾隆十八年甲戌黃琦有羅叢岩記叙其事詳紀文五十年
丙午重修嘉慶三年己未太學蔣璠倡修大拓舊址建講堂
二進東西兩廊及外照牆爲讀書精舍不下二十間舉人李
開蔥有重建二程夫子講堂記詳紀文庚午又重建道光十
六年庚寅同治七年戊辰均重修光緒十四年戊子重修照
牆前置提風塔講堂內有拔貢黃部揀題聯云孔顏樂趣知
何在風月歸時想此間知縣李如林云脈接尼山亘古宗風
傳雅訓道光粵嶺邊陲正學仰鴻儒學使鉅福保云春風與
瑞月祥雲聞詩學禮趨庭處粵嶺之水巖石室此道人心紀

廡餘學使李成霖云在昔趨庭有父子兄弟之樂於今遺跡見知仁山水之風知府王廣榮云性理有遺書道學遠承孔孟羅叢垂教澤人文長被薰陶學使趙以燭云孟氏來統緒無傳天運啓河南道學一門昌聖教炎宋後徽音丕著人文開嶺表馨香百代作儒宗又有題石柱一聯不知姓氏蓋亦本邑先達所作也聯云吾道猶存自昔同欽洛水伊人宛在於今共仰羅叢

訪冊兼
致廟碑

北府廟 在厚祿里嶺尾村明成化年間建清道光十六年重建光緒二十五年重修祀北府公及陳榕門恩貢生楊開伯有重建北府廟記詳紀文

訪冊並
廟碑

按北府名義廟碑不詳原委今攷潯州夏府志載平南縣北府廟在縣城外二甲街祀宋時李鈴轄能驅虎有功於民廣右所在多祀之俗呼爲太歲神嘉慶八年重修按李鈴轄卽李師中據續通攷宋仁宗時師中爲廣西提刑積薪焚石鑿通靈渠其他善政甚多邊人爲之畫像立祠祀之桂林府建置李師中祠卽北府是然北府二字來歷未能指出及觀謝蘭生廣東人北府廟碑記稱舊謂北府廟神嘗驅虎而民獲甯宇廟臨龔江民不病涉有禱焉應如響廟祀之久遠固宜又云神李姓生於宋餘無攷然神能出其威靈以保障一方必有大功德於民歷劫不可磨滅者

按北府典軍之職魏晉以來有北府都督如漢之北軍唐之北衙皆典禁兵而居軍府者也又令公爲軍帥尊稱俗呼神爲大靈公靈與令音近而譌又加大字其上者耶然則神之生必爲貴顯軍帥云云此爲北府來歷然蘭生未敢定其神爲宋之李師中也姑各存其說以待攷

輔龍廟 在厚祿里土寨村康熙二十八年鼎建道光六年

歲丁亥重建二十四年歲乙巳又重修廩生盧政榮有記詳

紀文

訪冊
錄
碑

四聖宮 在厚祿里白沙墟瀕大江乾隆二十三年歲次甲

辰鼎建道光二十年歲辛丑重修同治二年歲癸亥重修歲

貢生嚴拔凡有記詳紀文

冊訪

南陽寺

在厚祿里陳村舊名四洲堂在村面建自前明清

康熙四十二年歲戊子遷村背嶺坐東南易名南陽寺祀

三清羅漢諸佛像乾隆三十八年歲甲午黃居中等重建易

三清而祀炎帝文昌關帝兼祀北帝大士陳璵有記詳紀文

致訪
冊兼
記

鎮龍寺

在厚祿里安担村順治十六年建後重修數次道

光十二年重建

新聖廟

在厚祿里下畚村明萬歷四十年建重修數次

福興寺

在厚祿里安擔村明成化九年建嘉靖四十年崇

禎十七年清雍正十三年均重建下秀里亦有此寺

永豐寺 在厚祿里盧村明嘉靖年間建重修數次清同治十一年重建

鎮興寺 在厚祿里新屋村明宏治元年建重修數次道光二十年重建下秀里亦有此寺

興寧堂 在厚祿里山巷村明成化十六年重修數次清康熙三十九年重建

三界廟 一名百子廟在厚祿里顧村創建無攷清乾隆六十年重建道光十五年重修

三官寺 在厚祿里顧村清同治六年由舊址遷建

興隆寺 在厚祿里石門村明嘉靖四年建重修數次清光

緒元年重建瀨大江

旺安寺 在厚祿里良美村清乾隆四年庚申歲建光緒二

十一年乙未歲重修

保寧寺 在厚祿里大良村明成化十三年建清順治十年

康熙六十年道光十年均重修

玉皇廟 在厚祿里雙井村乾隆十五年重建

軍陵宜一姜里皆有此寺

廻龍寺 在厚祿里尋貴村明萬歷十五年建清乾隆四年

道光二十三年均重修秀一里有廻龍寺三廻龍廟一

顯南廟 在厚祿里敬蕉村乾隆二十年建道光十三年修

太寧寺 在厚祿里長山村乾隆二十六年建重修數次吉
一下秀姜里皆有此寺

鎮安寺 在厚祿里田竇村軍陵下秀亦有此寺廟各二間
太和寺 在厚祿里厚祿村乾隆十四年建道光十一年光
緒元年均重修

文武帝祠 在厚祿里厚祿村道光十一年建

興隆寺 在厚祿里信圭村嘉慶十年建

太元寺 在厚祿里黃塘村建於明代清重修數次

寺以上各
廟均各

冊據
訪

萬安寺 在厚祿里龍村瀕江

護民寺 在厚祿里雙井村 府以上志

龍安寺 在厚祿里土寨下畝二村之龍岩山山有七巖一

名龍安宋淳熙元年創建寶勝院清乾隆間楊作棟捐貲重建因岩之左修觀音堂建月門設僧室中列三清西奉三寶

進士曹兆麒有記詳紀文 錄舊志并參預碑文

保龍寺 在武平里石龍墟嘉慶五年建地當桂貴兩縣之

衝諸山環繞兩水交流寺前爲福壽橋路接貴縣右爲迎陽橋路入桂平道光七年里人倡議修寺及迎楊橋越兩年告

竣舉人譚蛟有記 訪冊兼致碑文

按譚記作於道光而文中有云是寺創於嘉慶乙未迄今

三十餘年則創建當在嘉慶初年攷嘉慶三年爲己未非乙未其餘各年亦無稱乙未者訪冊云嘉慶五年則又屬辛酉而非乙未蓋譚記所言乙未爲己未之誤訪冊五年建者蓋就落成後立碑時言之其創議則在三年也

仁潭寺 在武平里那蓬村東二里許創建於明代重修於清初道光十年重建同治七年重修三座三間開舉人黃如暄有重建仁潭寺暨佛子新客二橋記詳紀文

冊訪

滿陀寺 在武平里寺面村邊南向寺當全里中心爲全里公建康熙間重修乾隆元年丁巳歲四十年丙申歲均重修嘉慶十七年癸酉歲重建道光二十三年甲辰歲重修創建

無攷大約在明代三座三間開

三合寺 在武平里思淋村康熙丙子年建雍正十二年道光二十四年同治五年光緒二十年均重修

鎮風寺 在武平里上黃村雍正五年建重修數次

鎮對寺 在武平里良山村道光二十三年甲辰歲建

五帝寺 在武平里想思村創建無攷

以上俱訪冊

鎮海宮 在縣南軍陵里下渡頭坐南向北創建道光元年

重修光緒三年楊宗達楊德莫觀德等復重修

三境寺 在軍陵里臘嶺村建於明天啓年間兩坐兩廊南向

盤古開元廟 在縣南軍陵里臘嶺村坐西向東創建無攷
嘉慶四年己未盧耀炳何祉培黃君亮等重修

盤古廟 在軍陵里鍾村坐北向南創建無攷舊在廟門窰
乾隆丙辰浮水傾毀辛亥李文惠等修復移建現處嘉慶丁
丑水復傾毀道光丁亥林保華等復修建

盤古廟 在軍陵里灘頭村創建年月無攷道光十八年重
建又一在大坑窟

列聖雷王廟 在軍陵里灘頭村舊在村之東旁向祀雷神
嘉慶四年移建今地增祀文昌關聖華光各神光緒二十二
年唐林進梁兆節黃志通等重修

金安寺 在軍陵里灘頭村奉祀三寶觀音玄武馮克利諸

神同治二年黃志通馮顯楠梁燕梧重建寺一連三座

鎮安寺 在縣東七里軍陵里洋欄村坐南向北道光三年

重修

鎮安寺 在石窰村坐西向東原名福歸寺里人梁景祚作碑記畧云訪諸故老道路傳聞始在村心之內繼遷脊嶺之旁道光五年徙於甘窩嶺碑碣猶存福歸之名仍然無異歷年多而棟宇牆垣摧毀諸父老以遷地爲良別尋基址界在村旁養義田募建重宇改名鎮安以同治八年冬十月肇工越九年夏五月十六日竣事倡者李枝龍馮遂同馮邦潤

鎮安廟 在縣南軍陵里祿嶺村獨州山坐北向南道光庚子間梁金瀚梁文英黃樹清黃樹英建造

伏波廟 在縣東七里軍陵里洋欄村坐南向北奉祀伏波將軍及馮克利北府公像嘉慶九年林漢淳林漢忠吳以翔重修

伏波廟 在縣東十里軍陵里下嶺村南大榕樹下咸豐間有香爐隨潦浮來村人撈置榕樹溪邊周以低垣瓦蓋其上禱之輒應同治十一年馮天淇程大麟梁漢全等迺創建成廟光緒十二年仲夏程漢深韋金壽梁漢金重修上座靠樹下座跨溪澄波映宇南薰徐來頗饒清景今下座已毀重修

者乃填溪爲臺無復舊時佳勝矣

萬安寺 在縣東四里餘軍陵里甕窰村奉祀佛三寶觀音
玄武關羽康熙初年創造乾隆末年重修嘉慶四年馮聖輔
馮涇源梁材朝重修同治十三年楊德盛馮唐煥李建書重
修光緒間馮開善等重修

五穀廟 在縣東六里軍陵里嶺岡村坐北向南光緒六年
黃兆宗黃舒漢黃彩彰重修廟額爲里人程石麟書

萬壽寺 在城南十里軍陵里覃放墟旁創建不知何時據
寺前碑自萬歷四十五年脩崇禎九年復脩其創脩之人亦
無可稽清雍正十一年里人梁彬以寺兩旁前後無餘地因

舍畝地一所入寺乾隆十五年歲乙巳舉人程道光集衆重修上座創建下座左右添設兩廊由是遠近禮神者彌衆道光二十五年里人梁焯超梁金中李應南等募緣重修有碑記其事舉人林鳳鳴書額咸豐間陳開據縣城土匪蜂起里人於寺旁築營名福壽堡以作防衛光緒癸卯年重聖右廊爲第一區小學堂並重彩佛像寺北向前後左右古樹森陰頗饒風景

萬壽寺 在專福嶺東北竹翠嶺坐北向南上下兩座上座供奉三寶佛左觀音諸像舊在中山村道光八年白石瑛李運陞等移建今地下秀上下都秀一里均有此寺

新王廟 又名藥王廟在軍陵里專福嶺坐東向西上下二座創建無攷乾隆辛卯冬月里人梁梓堅黃御漢黃振才李達進等重修三十六年李陞白海清郭如蕃等重修嘉慶丙寅陳經梁梓中郭城中重修道光九年李社祐梁義視重修同治二年黃濟清郭大暖陳觀太重修

新王廟 在軍陵里顏冲村上下二座左右廊各一內奉萬歷王不知其何所本道光八年林火保黃道陞黃宗志重修光緒二年黃炎球黃柏森黃枝芳重修創建年代無攷

糾察廟 在縣東軍陵里洞心與石窰河附近上下二座左廊一內供神像二有一爲婦人像創建無攷自乾隆丙申已

傾毀而農人求雨輒應嘉慶七年冬十月梁樹祖陸梁金梁金橋等重修

莊主廟 在縣東軍陵里馬脚嶺上下二座相傳乾隆間有湖南秀才莊姓者死於廟地農人耕田常見有馬出而遊行踪之則杳咸以爲莊秀才顯靈嘉慶十一年梁英宗梁繩宗高國祥等遂爲建廟同治五年光錦揚李錦堯梁雲等重脩每歲春秋間農人輒屠牛祈穀於此

三帝殿 在經東十里軍陵里專福嶺坐西南向東北上下二座右有橫廊上座供祀眞武關羽文昌左右有華光玄壇像創建無攷嘉慶六年錢知縣高捕廳與里人譚廷琦梁上

卿等重修道光二十三年陳昌言陳宣文與里人譚輝等重修光緒二十年譚逢時陳芳梁兆光重修並置陰庭門前置土臺旁圍以石

三帝殿 在縣東軍陵里門口村相傳建設始於明代嘉慶四年村人陸赤容梁廣威梁定祁重修坐西向東上下二座左有廊一奉祀關羽玄武昌

三聖廟 在軍陵里門口村南之沙石嶺坐北向南內奉關聖文昌馮克利及盤古雷王等像初有上下二座嘉慶八年梁容培梁林珍梁端嚴重修增廣頭門加整兩廡

三聖宮 在軍陵里石窰村上下二座坐南向北李良魁溫

鳳光程文達等建造宣二里亦有二聖

東府廟 在縣東軍凌里門口村坐北向南兩座兩廊內奉之神不知爲何時人但稱曰東府大王同治二年程鳳鳴陳嘉謨程翰飛黃淳葉等因是處有土神求雨輒應遂爲立廟十一年陳葉礦黃廷珍程序等重修

東府廟 在縣東軍陵里文冲村坐西向東上下兩座嘉慶元年光廷綱光廷組光廷潤重修光緒八年光嚴衣黃熙槐光鎮藥重修

登科廟 在軍陵里秧塘村上下兩座坐南向北內祀穀神雷王三界乾隆四十八年卜敏求甘振光盧銜眞建造嘉慶

十一年盧大橋李晉華甘海揚重修

聖帝寺 在軍陵里大們村坐北向南內祀五帝觀音北帝

光緒十五年梁耀黎顯邦黎燕邦重修

三聖廟 在軍陵里大吉磊兩座坐北向南乾隆十年建造

光緒十五年馮信祥周昌二黃土照重修

以上俱補訪

金安寺 在縣南軍陵里舊福南墟

金銀寺 在縣東吉一里沙衣村

眞武廟 在縣東吉一里嶺尾村

永寧寺 在縣東吉一里白竹村

霄華寺 在縣東吉一里竹山村

鎮方寺 在縣東吉一里伏化村

鎮寧寺 在縣東吉一里村肚村中秀秀一里各有鎮廟

四官廟 在縣東吉一里伏化村

三教寺 在縣東吉一里橫嶺村上秀里亦有此廟

雷祖廟 在縣東吉一里馬皮墟

三帝廟 在縣東吉一里社坡社坡墟奉祀北帝武帝文帝

創建無攷乾隆初間重修嘉慶乙未又重修越四十餘年知

潯州府桂平縣事魯東張汝羸重修有序詳記文

石鏡寺 在縣東吉二里小汶村

通寶寺 在縣東吉二里王母村

木之果 卷之三
並撰序詳紀文

以上皆探訪冊

按三申疑爲三神之轉聲

太安寺 在縣治東四十里馬皮墟北南向上下兩座各三間左右兩廡各二間左右兩廂各一間建無攷清康熙四十九年里人潘應斗遷建於此乾隆二十五年里人黃珍等重建嘉慶八年里人黃子雲等修同治十三年墟人李臣昌等重修

鎮坊廟 在縣東四十五里馬皮墟十五里上佛子村邊東向兩座各三間

淮源寺 在縣東四十五里馬皮墟北六里荷茂村東邊西向兩座各三間有左廊清道光二十一年村人武生黃建中

等建光緒四年黃龍光等遷建於石狗潭面東向仍然兩座
三間有左廊

秦寧寺 在縣東四十五里馬皮墟北十里水秀村北邊東
向兩座各三間左右兩廊明天順二年村人陸雲監等建天
啓五年陸道憲等修清嘉慶三年陸元燕等重修

鎮安廟 在縣東四十五里馬皮墟北十五里上佛子村邊
東向兩座各三間左右兩廊

三帝廟 在縣東三十五里馬皮墟南八里橫嶺西端上下
兩座各三間右廊亦三間創建無攷清乾隆四十七年村人
辛姓者增修道光十三年邑庠生辛學錦等重修未久村人

辛殿基等又重修同治二年歲貢生辛鑫熙等重建光緒二

十二年曾德隆等重修

訪以上冊

三教寺 在上秀里大嶺大良龍塘龍山嶺寧楊村大塘大井高塘九村之間九村人往來道均處地名鰲魚嶺寺創始於前明之嘉靖重建於天崇清乾隆五十七年重修舉人李開首有序同治九年重修舉人李人鶴有文皆詳紀文此廟舊名三寶寺寺有重修三寶寺引云去城四十里之羅卷村原有三寶寺一所廳事前奉聖諭講鄉約諸村父老子弟羣而聽之其改名三教不知何時九村舊名羅巷村清初因亂遷散爲九寺創建重修皆九村人爲之

訪冊

會眞觀 又名清眞觀或名三清觀在白石山室天然蓋宋

時之陽明觀也有宋太宗御書又有三清觀古碑未見

府志
白石

山在中
秀里

會仙觀 卽白石山會仙巖舊志云田坵糧米均經吳令清

查康熙戊子年梁觀培送葛稚川戶坐落石步村田一百坵
糧米一石二斗六升三合零又祖遺下都里陳村地面田七
坵又僧寂彬募買下都里容天祿戶容宗赦戶與一林豐戶
共收入陽明觀戶坐落容村地面二十五坵糧米五升又僧
白會買下秀里陳以尙戶猶里堡全堯戶蛤田一坵糧米二
升陳好戶下秀里猶村九坵糧米五合又陸禪遠等施陸衆

戶梁村田十三坵又祖遺下木脚田四坵又祖遺下周塘梁村清墩塘等田十六坵俱收入陽明觀戶又陳兆典送入會仙巖陳立暹戶田七坵與府志所載同但府志無下都里陳村地面田七坵清光緒間學堂興起白石山寺租多爲學界所撥用

壽聖寺 在縣南七十里白石山前有石坊署曰白石洞天四大字內三寶殿後閣三間中祀觀音左文昌右關聖寺自明正德間李嘉言甘振陸俊同建嘉靖三十九年郡庠陸子環施子章黃子守瀚陸子坦應楊子森信士一本楊子林重修陸子環並自捐金置奉祀香黃虎臣有記黃毓奇有募置

香火祀田記皆詳紀文乾隆間知縣吳志綰清查寺田坵穀給印簿與常住僧牧管其祀田坐落白石山地面四百一十坵龜鼈禾倉寨塘二口寺邊石脚至啞公岩上左右一帶冲田不計坵數燕子冲田一段皆祖業又知府劉浩施根竹坳周塘梁村等田三百八十一坵根竹洞田一冲個當田一冲嶺尾旱田一冲黃山田一段詳免差糧蔣延英施陳宗明戶坐落梁村根竹地面十七坵糧米一斗二升二合八勺零僧又以普買受周扶晚戶坐落梁村地面八坵木根冲一冲糧米一斗二升縣丞職黃陽敏施黃茂戶坐落思背村地面二十七坵糧米三斗僧以普買受陸衆戶韋馱嶺脚一十五坵

又第三產等田十三坵糧米一升貢生黃龍德施黃營戶田坐落陽林村地面一分承耕二十八坵二分承耕十九畝織籬口田一段三分承耕十九畝根竹村租禾田三百餘担共糧米一石六斗一升二合又衆緣買受太寧堡壽聖戶粘坡等三十七坵粘坡田土名二十六處共糧米一石一斗八升三勺一抄世興堡陸衆戶大王神底至冲表一段糧米一升下都里四冬陸會歌戶坐落鷓鴣村田八坵糧米二升五合陽秉顯等施海乘戶荔枝大田一坵僧照源買受蔣禪宗坐落乾冲村十一坵糧米二升僧海潤募捐府城小南門外上股街舖二間租銀十二兩

錄蘇志並

光緒間此寺租撥入白

石賓興作三里學堂經費

三里者上都葉姓中秀下

又撥在城舖

戶若干間入桂平等小學堂下秀里莫村亦有壽聖寺

府志

龍興寺

在中秀里耀村創自明朝

鎮寧廟

在中秀里湓山村創建無攷道光同治年間重修

大王廟

在中秀里周塘村秀一里亦有此廟

宜一里有大王寺

黃石廟

在中秀里羅歲村道光七年創建

鎮溪廟

在中秀里蕉木河村乾隆五十八年建道光三年

同治八年皆重修

三界廟

在中秀里周塘村

北帝廟

在中秀里蘇洞墟

以上訪冊

夾山寺

在縣南下秀里亭子堡

志舊

乾隆二十六年重修

冊訪

三皇廟

在下秀里亭子堡

志舊

福壽寺

在下秀里莊宅堡清風山中

志舊

明代創建清咸豐

十年重修

冊訪一在周村堡

志舊

永康寺

在下秀里周村堡

志舊

鎮安寺

在下秀里臺洞堡明天啓間鼎建清道光三十年

重修

冊志及

雷衙

在下秀里臺洞堡

志舊

雷衙大廟

在下秀里木骨橋村雍正六年重修創建無攷

鎮安寺

在下秀里陳冲村明弘治間建清代屢修

冊訪

三聖寺

羅元寺

太平寺

俱在下秀里猶里堡

舊志
兼錄
攷

里城

三聖寺

在下秀里猶里堡猶里村乾隆間創建光緒間重

修

太平寺

在下秀里猶里堡猶里村明萬歷年間創建清同

治十三年重修

預福寺

在下秀里陳冲村創自明代道光年間重修

以上
訪冊

福餘寺

在下秀里陳冲村

舊志

壽聖寺

在下秀里莫村堡

舊志

餘慶寺

福興寺

以上二寺俱在下秀里羅集村創自清初

鎮龍寺

在下秀里高山村清初鼎建

鎮興寺

在下秀里大地村創於乾隆二十六年嘉慶四年

道光二十六年均重修

合福寺

在下秀里合水村

鎮南寺

在下秀里油蔴墟乾隆間創建道光七年重修

慶安寺

在下秀里鄭村順治二年創建

萬壽寺

在下秀里上寨村創自明世清同治六年重修

冊訪

盟眞寺

在下秀里甘洞堡勸竹墟北郊自明正德間創建

清代屢修

冊訪

秀一秀二里各有此廟二盟疑當作明

訪以冊上

鎮興寺

在下秀里上周堡

兼舊志壇里廟

慶全寺

在下秀里鄭村創自康熙間有古銅鼓一

冊訪 舊志

作慶泉寺

萬壽寺

在上都里景樂村三座三間開明萬歷年間創建

北帝寺

在上都里耀團村兩座三間開建於明代

廣福寺

在上都里天堂村亦創建於明代

設以冊上

碧霄寺

在中都里都合村吳梓祖施田於乾隆三十二年

閏二月收入本寺寶林戶

舊志兼致墟里

南昌寺

在中都里羅播村南岸寺字左有文昌右有大王

廟

志舊

雷祖廟

在中都里八伯村廟前有泉冬溫夏涼飲者多壽

志舊

屬中都里

志舊

永豐寺

在中都里八伯村

志舊

屬中都里

志舊

太甲寺

在中都里古歐村

志舊

萬壽寺

在下都里梁村創自明嘉靖年後地址屢移乾隆

七年遷建今地並買置租田大小十五畝嘉慶七年復於寺

後購地一幅推廣規模於是年冬月告成郡庠生梁瑄有紀

三界廟

在下都里上盧村嘉慶十二年建

三界寺

在下都里鳳岡村

北帝廟 在下都里麻洞墟乾隆二十六年歲辛亥建

盤古廟 在下都里麻洞墟乾隆三十六年建

鎮隆寺 在下都里下盧村道光十三年建

永壽寺 在下都里石馬村建自明朝清康熙同治間前後

均重修

石龍廟 在下都里思樂村明天啓十三年建

鎮泉寺 在下都里思樂村道光十五年建

松林寺 在下都里思樂村咸豐七年建

壽佛寺 在下都里鳳岡村

獨珠寺 在下都里諫知村明萬歷四十一年建

燈明寺

在下都里卑頭村明萬歷四十一年建

登豐寺

在下都里陳客村建自前明乾隆庚辰重修

秀林寺

在下都里思培村

東明寺

在下都里社康村創自雍正年間嘉慶戊辰重修

光緒十八年重修進士姚鍾璜有記詳紀文

洞心寺

在秀一里洞心墟

茹山寺

在秀一里長稠堡

盟眞寺

在秀一里峽口村

鎮寧廟

在秀一里新定村

洞眞寺

在秀一里中和墟

福興廟 在秀一里上冲村

扶冲寺 在秀一里上冲村

靈陽觀 在秀一里六石村

三界廟 在秀一里陳村

大王廟 在秀一里沙坡墟

金停寺 在秀一里中斷村心

福壽寺 在秀一里桃李山

盟眞寺 在秀一里竹瓦村

馮聖宮 在秀一里寵村

路村寺 在秀一里路村

三界廟 在秀一里下冲村

廻龍寺 在秀一里平盖村

南鄉寺 在秀一里南鄉村

萬壽寺 在秀一里社平村

廻龍廟 在秀一里留蘭坵

盟眞寺 在秀一里韋村

廻龍廟 在秀一里呂水

茆山寺 在秀一里勒嶺村

福壽寺 在秀一里桃李山姚鍾璜有序

萬壽寺 在秀一里上國村

廻龍寺 在秀一里大冲村

盤古廟 在秀二里羅秀墟

鎮龍寺 在秀二里鷄公山

高堂寺 在秀二里獨堆堡

長壽寺 在秀二里灶門

得勝社 在秀二里石塘冲

保鎮寺 在秀二里旺世

大悲寺 在秀二里下寨村

保真寺 在秀二里路房

金華寺 在秀二里長頭

龍眞寺 在秀二里路塘

盟眞寺 在秀二里東界一在蒙冲一在六夏

城隍廟 在秀二里舊有三連座兩廻廊羅秀舊傳爲秀州

以廟證之應然今土人破其廟矣

以上俱
訪冊

玉皇堂 在崇姜里甘村

舊志

玉皇寺 在崇姜里南涿墟二里三座三開門

石佛寺 在崇姜里佛案下有石筍二三

舊志

寶山寺 亦名仙沙寺在城東北約十里崇姜里內背近大

江面向五指山距崇姜里和社村里許山似螺獅形寺在其

低凹處創建無攷向奉大士北帝康熙年間加祀文昌乾隆

嘉慶相繼脩葺增建魁星閣歷數十年逐漸傾覆道光壬寅里人復新之邑紳黃體正爲記勒石寺田係崇姜里屯衛元帝觀戶米四斗差銀二錢四分嶺瘠田大小一百一十七丘雙嶺頭田大小十丘攬塘田大小二十三丘田以六大分耕每分租穀八百五十觔共租五千一百觔舊志如此而府志雙嶺頭田大小二十三丘無攬塘田之名與舊志稍歧但總數則同耳

嶽黃志並參黃體正重修寶山寺記

甘王廟 在縣北二十五里崇姜里北河大藤峽弩灘上之北岸旁建甘王祖堂正殿奉祀甘王王名佃象州古車村人有叔名陸征南漢有功拜護國將軍佃好施濟歿而爲神宋

稱惠濟候元稱甘聖公明則稱王或有稱甘將軍者出於鄉人之侈陳神烈誤以甘陸甘佃兩人之事爲一人之功也廟自明成化開建於鹿嶺之巔康熙初年移建今地廟分上下正殿三間深三層爲上水二十八鄉所建頭門及旁倉俱附近諸鄉村所捐築同治八年八月燬於火邑人蒙培齡等倡捐重修以十二年壬申夏四月落成象州鄭獻甫邑人陸培齡咸有記詳紀文

錄 侯志 並

廟有銅鼓一面其神最爲鄉人所信仰自縣城以及崇姜里各鄉皆結壇迎神拜禱並昇巡街道歲以爲例弩灘水險舟楫往來亦以時拜祝清之末世新學家多持無神之論道員莊蘊寬所至毀撤偶像以博時

知因果故儒教自中人以下不可以不畏鬼神試問自清末以來以至今日握大柄居要津者爲中人以上者多乎抑中人以下者多乎平民而不畏鬼神猶敢於縱火殺人况握大柄而居要津者既不知道德之可樂復不知鬼神之可畏洪水猛獸烏得不漫衍於國中也

附攷

甘將軍正廟在陽壽縣北七十里公家富饒務賑濟一夕夢一神人告之曰汝處心公平幽冥已錄姓名公自是不治產業公兄弟謂之分其已分之田責其自治公乃縛數茹人立於田旁次日祝之插蒔已畢衆神之一日聚諸鄰

曰吾已厭於世矣卽瞑目而亡紀興地勝甘陸象州古車村人

有智略時柳州爲南漢所據詔陸出征每以術得捷拜護國將軍及歸里決禍福先知如神州人立廟祀之又甘佃陸之姪也家富好施貧而無告者未嘗少吝著靈異決禍福無不奇中一日聚鄰里曰吾厭世矣示衆以修身事言訖瞑目而逝鄉人設廟像祀之後封惠濟感應侯元和加惠濟顯應聖公明加封王號國朝道光咸豐間叠顯靈跡靖寇安民事聞勅封威靈王列入祀典地方官春秋致祭

象州志

太寧寺 在崇姜里三鼎上寺三座三間開

冊訪

登高廟 在縣北宣一里五洞嶺高黎嶺前瞰大江遠近村

原回互形勢殊勝

雜志
並發山川
墳廟

東平廟 在縣北宣一里八冬村遠望平河翠林環抱登高

縱目山光水色遙映於東南數百里間蓋里中一靈秀區也

錄舊志
並發墟里
墳廟

太平寺 在縣北宣一里爲五洞十二村議事公所舊志按下

秀里亦有太平寺

三界廟 在縣東北江口墟

舊志

三寶寺 在縣北宣一里古秀排村兩座三間開左右有廊

有古鐘一明隆慶四年鑄

萃聖宮

在縣北宣一里上盤石村兩座三間開

文昌閣

在縣北宣一里護村道光年間創建知府孫世昌

題聯文成錦句歸天籙氣溢珠光貫斗杓額曰星輝六府

谷山廟

在縣北宣一里古程村兩座三間開左右有廊

玉皇廟

在縣北宣二里武靖村之東

馮聖宮

在縣北宣二里武靖村附玉皇廟

馮聖宮

在縣北宣二里安衆村兩座三間開

甘王廟

一名馬河廟在縣北宣二里風門坳內七里許兩

座三間開

觀音廟

在縣北宣二里大宣墟之南半里許兩座三間開

有左廊

北帝祖廟

在縣北宣二里馬廟村之東一里許兩座三間

開

雷王祖廟

在縣北宣二里思宜村東北隅兩座三間開有

右廊

大王寺

在縣北宣二里武靖村之東兩座三間開

關帝廟

在縣北宣二里吉嶺村兩座三間開

訪以上冊

觀音廟

在縣北宣二里羅坪村

訪舊冊及

三官寺

在縣北宣二里羅行寺

并舊志城廟

永興寺

在縣北宣二里上甘村

並舊志城廟

馬侯廟

在紫山隘口內數里

志佚

忠義祠

在縣北宣二里新墟光緒癸巳北河三里公建

志府

三界廟

在縣北宣二里彩邊村兩座三間開

又有一在

大宣墟卽新墟三座三間開右有廊

冊訪

盤古廟

在縣北宣二里界洞村之西南半里許兩座三間

開

冊訪

又一在孔村兩座三間左右有廊

金仙寺

在縣北宣二里羅旺寨村邊兩座三間開左右有

廊爲里內永安甲歲時會祭之所建於明萬歷年間有古鐘

可認始在中寺嶺後合華封洲之雷王三界二廟遷建於此

分而爲二金仙其左雷王其右三界附焉嘉慶九年重修洪

在り県元名三

桂平縣志卷十六

紀地

亭閣

凡亭閣樓內塔坊表皆在樓內

官橋亭 在城西桂山下官橋之上民國三年知事蔣航建
乳泉亭 在西山乳泉舊龍王堂戲臺遺址民國六年兩廣
巡閱使陸榮廷倡建以邑紳崔瑛董其事越年亭成八年水
上警察廳長黃肇熙縣長鄧沁等於亭後復建一亭未定名
茶亭 在城西木魚嶺東麓往西山路經此

思盤風雨亭 在宣二里思盤渡口南北各有一座附近村
墟捐貲建造並置有產業每屆夏熱即以亭在北岸者施茶

行人樂之

橫崖茶亭 在宣二里彩村羅啓唐妻曾氏出貲建

此夏施茶在

潯橋風雨亭 在宣二里潯橋頭附近村人建

風雨亭 在宣一里江口墟舊墟路邊由各村捐建並有常

欸爲每年施茶之用

以上訪冊

藏書樓 在潯陽書院光緒間潯州知府玉祥奉馬丕瑤令

建上藏四部各書無慮數萬卷以供士子稽古之用刻有書目備攷每年由府出資委員管理樓下設廳欸客廳左右設房各一以作看書所及壬寅年知府張祖祺以潯陽書院開師範講習社撤去樓下廳房以作講堂樓上拆去中間閣板

留靠壁四旁設欄杆仍置書其上及癸卯復以潯陽書院開中學預科以監學兼管書籍丙午年潯郡中學堂建築落成廼遷書樓於堂之前進左樓上之室名藏書室今書籍猶存但經兵燹兼有乘隙而竊者失去過半矣

觀風樓 在城南門上按孫志云在東門上通志引金志云南樓一曰觀風樓舊有獲銅鼓於白石山者置樓中今失去考一統志亦云樓在南門上且金志據方輿勝覽引宋廖德明南樓詩證之明謂今觀風樓即古南樓也而孫志乃云在城東門上豈東城上別有一樓名觀風者耶抑東之爲字實有舛誤耶不敢臆斷以俟知者說見夏府志亦本魏篤府志

而來按舊志云銅鼓置清風樓與此異

平遠樓 在城北門上

志府

思古樓 在東門上久毀宣統二年知縣劉錫綸撥款重修仿西洋式上置椅座可以宴會不久亦廢毀兵爲之也

清風樓 在城北魁星樓右祀北帝乾隆知府胡南藩重修創建無攷南藩有詩石刻曹秀先書

捲雨樓 在城西門上清潘頤有捲雨樓記詳紀文

喜雨樓 在府署知府胡南藩建有碑詳紀文

志府

來薰樓 在府署知府固魯鏗建

妙虛樓 在西山洗石菴右左與半青閣對峙樓邊萬樹拂

窓前面遠照雙江西山建置以此爲最適人意

人羣進步樓 在軍陵里覃放墟保衛團局光緒壬寅年里紳程式周建登樓遠眺縣西北諸山歷歷在目有司下鄉每於憇息召集紳耆以訪問風俗處理要務

開天天樓 在軍陵里高等小學堂禮堂上取莊子開天之天不開人之天意義之樓四旁開窓窗外有木欄干以供遠眺樓中間開板下立 孔子聖像光緒乙丙間興學堂時建

半青閣 在西山洗石菴左舊志云下有垂柳一株道光癸卯知府張灝額爲半青閣取杜詩高柳半天青意也今柳樹

已不見

文昌閣 在宣一里護村建於道光年間知府孫世昌題聯
文成錦句歸天籙氣溢珠光貫斗杓題額曰星輝六府

宣江文閣 在大宣一里三合嘴嘉慶元年建二年成五年
安神費金二千高三級分五層上立斗魁次文帝武帝又
次爲財神有香火田碑記云嘉慶二十年十二月初四日買
受古程洞插花田契糧米二升價銀九十三兩遞年租穀七
百五十斤全日買受三家洞插花田一契糧米二升差銀四
錢六分七厘價銀一百五十兩遞年租穀一千五百斤稅入
宣二里文閣戶全日買受江頭村外墟路東北邊田一坵價

銀十兩遞年租錢一千二百文銘曰每每良田或取或與福田無多永不易主義種禮耕介我稷黍以薦馨香神實監汝

鉅志井
訪冊

東塔 在城東八里屬軍陵里白沙隔岸與賓山對峙塔上有上塔脚村下有下塔脚村明知縣劉萬安建僅成二級而卒邑人立遺愛碑於其中崇禎間御史李仲熊知府葛元正爲增九級塔始成後頂頽更修以黔鬱會流之處不可無此砥柱也舊志以東塔迴瀾爲八景之一黃體正有重修潯州東塔引詳紀文

西河文塔 在吉二里迴瀾廟旁高三級

高塘村文塔 在上秀里高塘創建於乾隆年間重修于宣
統元年

提風塔 在厚祿里羅叢山二程夫子講堂靈源洞之前右
半里許清光緒十四年戊子創建歲貢生嚴拔凡有序詳紀
文

朝陽文塔 在厚祿里厚祿村右四里許光緒元年建民國
三年圮

三合水塔 在宣一里三合水村現半圮

陳村文塔 在宣一里陳村現半圮

以上俱
訪冊

批鱗坊 在廂內邑人爲明御史劉臺建

陳中立坊 在四穿樓爲明嘉靖舉人陳中立建

按坊之原名無攷今因名而名

節孝坊 在□□□明萬歷中爲甘垣然妻李氏建

文通載志引

節孝坊 在慶祝街雍正六年爲生員黃毓英妻謝氏建

節孝坊 在縣前街乾隆三年爲覃愷聘妻辛氏建

節孝坊 在慶祝街乾隆十年爲李參桂妻覃氏建

節孝坊 在□□□乾隆二十一年爲羅正洪妻麥氏建

節孝坊 在□□□道光元年爲葉樂淵妻曹氏建

節孝坊 在□□□道光六年爲張可則妻陳氏建

節孝坊 在社坡墟道光十六年爲璉妻甘氏建

節孝坊 在慶祝街光緒十二年翰林院編修賴鶴年爲祖母陳氏建

節孝坊 在慶祝街光緒十九年翰林院編修賴鶴年爲母廖氏建

節孝總坊 在西門城外

貞壽坊 在慶祝街乾隆十七年爲黃夢熊妻楊氏建

節孝坊 在軍陵里覃放墟道光甲辰爲蒙廷顯妻溫氏建


昇平人瑞坊 邑人邱誕彥姜里人生於雍正五年丁未卒

於道光八年戊子壽一百零二歲子六人孫十九人曾孫十

四人元孫二人五代同堂御賜昇平人瑞坊額

百歲坊 在宣二里邑人鍾君寵五代同堂壽逾百歲乾隆
五十年御賜詩建坊

以上各坊俱錄府志其中有存者有圯者有不知其地在
何處以事關昔人節行志書旨在揚善故始欲以廢圯者
列於古蹟恐失作書本旨因盡錄於此



桂平縣志卷十七

紀地

橋樑

附石路

興隆橋

在南門外獠墟

志傳

卽今會館街

接龍橋

在南門外倚城枕江康熙間陳林德及趙曾二氏

相繼修理知府阿琳有記詳紀文舊名迎恩橋李彬記謂創

自有明風水家以爲補龍之缺因名接龍嘉慶二十五年知

府宋邦英與衆重修志傳橋以石砌兩旁設石欄欄柱頭圓故

俗名人頭橋

永和里橋亦接龍

清平橋

知府張瓊記畧云橋在府關驛東正統丙寅都指

揮使黃瑛建成化戊戌范公鏞提右江邱至潯謀建復功未就適有憲長之擢庚子余調守潯公檄余終其事壬寅歲命耆老徐某輩董役時分守潯梧參將歐公磐亦與力而功於是乎成又云聞諸父老昔者江流無渡軍民皆循江遵郭而行今則往來稱便矣况潯郡控斷藤峽之口峒寨蠻賊淵藪前人嚴武備以禦之修文事以革之俾犬羊化爲赤子甲冑變爲衣冠如江之清如砥之平此橋之所以志與志新

按省志府志皆載有清平橋而舊志云按其地疑即接龍橋久而難攷矣

三駁橋

在城西火神廟後

志舊

按火神廟今圯橋去城二里

許

陸塘橋 在西關三里許

按府志云一統志祿塘橋去府城十五里明成化間建疑卽陸塘之訛而里數偶誤耳舊縣志云府志載祿塘橋在城南十五里爲明成化間建意別爲一橋歟兩者相歧今攷陸祿綠三字體異音同必爲一橋無疑至里數不同則以舊志府志記叙多彷彿固不止此橋爲然道路不通人鮮出入秉筆者以耳爲目錯誤時有固不足異耳

官橋 在城西二里自西門出城上西山必經之路水自馬來山發源過此再經三剝橋入黔江橋用石造清宣統年間

流水冲圯民國三年知事蔣航重修體制比舊增廣旁有亭

豎碑橋長約三丈餘

龜志并
訪冊

楊江橋

在縣西三里疑即府志長庚橋

志併

按府志載楊江橋城西三里同治六年馮善繼重修又據通志圖書集成載長庚橋在府城西三里許橋名兩出而地方與里數相同今查城西三里有陽江許嘉慶乙卯年重修自城通蒙墟路蓋長揚聲近楊陽聲同江庚土讀聲同知其爲一橋也

碧灘橋

在城北三十里

脚石橋

在永和里水從藍山入黔江

志併

澁洞橋

在永里佛子村右

志舊

駟馬橋

省志謂城南七里明正統間建

志舊

一統志同

志府

接龍橋

在縣西南十四里永和里喜村南二里許

南津石橋

在西南十五里永和里梁莫村東里許光緒三

年丁丑歲建長約六丈廣一丈現圯未修

訪以冊上

都涿河橋

在縣西二十里永和里西大山之麓長約二十

五丈廣一丈乾隆乙未建道光二十年邑紳徐襄邦附貢侯

作屏例貢高士楷監生周希濂等重修橋水出大冲口路上

通貴武下達縣城民國元年重修

訪冊志并

蓬浪石橋 在縣西二十里永和里崩橋村旁現圯未修

萬福橋 在縣西南三十八里永和上秀二里交界長約七丈廣約一丈上通麻洞羅秀下逮官江墟道光間創建

以上附城及永和里各橋

龍門橋 在趙里羅容村

二度橋 在趙里蒙墟東二里許砌方石磚清同治五年鼎建長一丈五尺濶五尺上通官橋石龍墟下通桂平城

大甫橋 在趙里林村南東里許砌方石長一丈二尺廣六尺清乾隆間建道光二十九年重建上通官橋石龍墟下通蒙墟桂平城

西隆橋 在趙里西隆村旁砌方石長一丈廣五尺鼎建無

考清光緒乙酉年重修上通官橋石龍墟下通蒙墟縣城

以上趙里各橋

洪橋 在縣西七十里屬厚祿創建無攷清嘉慶十年重建恩貢生楊開伯有記畧言萃塘面孔道也桂貴往來所必經東里許有橋曰洪橋其來舊矣予自幼過此習見兩木橫擔僅可容足馬跡車轍悉沒陷於泥中予屢欲集合同志擴而新之未果歲乙丑同學蔣君等慨然首倡置簿簽題共得白金若干于是鳩工輦石大拓基址創建石橋一座高八尺有奇面鋪平石濶一丈一尺長五丈四尺經營數月而告工竣云光緒十五年重建西北通大墟鎮龍嶺尾等墟東通白沙

墟

冊訪

六八橋 一名大橋在縣西六十五里厚祿里白沙墟北里許用方石砌之長六丈三尺廣九尺鼎建無考清道光七年重修北通蒙墟官橋等墟西通石龍鎮龍等墟

上涌橋 在縣西六十五里厚祿里白沙墟西里許砌用石長三丈五尺廣五尺清道光七年鼎建西北通鎮龍及桂貴間大墟嶺尾等墟

迢嶺橋 一名新橋在縣西七十里厚祿里尋貴村北三里許砌用石長六丈廣九尺五寸西通桂貴間大墟嶺尾等墟東通白沙墟道光十年恩貢生陸安智重修迢嶺橋記畧云

本村迢嶺新橋爲上下通由之路其橋自明萬歷二十一年
鼎建重修於本朝乾隆五十一年所以利濟行人由來已久
迄今年歲久遠磚石傾圮跋涉維艱歲在辛卯衆議修整一
倡百諾踴躍捐貲鳩工伐石卜吉重修閱十有一月而工竣
江表橋 亦名長塘江橋在縣西七十五里厚祿里顧胡二
村東二里許砌用石長五丈廣八尺鼎建無考清康熙三十
三年重修道光二十八年重建東通白沙墟西通嶺尾大墟
江根橋 亦名長塘江橋在縣西八十里厚祿里胡村南里
許用方石砌長三丈六尺廣七尺明隆慶年間鼎建清康熙
二十七年重建厥後傾圮民國元年重建北通嶺尾鎮龍等

墟南通大灣塘墟

民樂橋 在縣西七十五里厚祿里雙井村北五里許用石

砌成長四丈廣四尺鼎建無攷道光年間重建光緒八年重

修東通鎮龍墟北通石龍墟西通桂貴大墟

以上訪冊

小石橋

在厚祿里雙井村

志

民安橋

在縣西一百里厚祿里安担村北三里許清道光

二十一年生員何義溥鼎建用石砌長五丈八尺廣九尺爲

安担村人所建橋甚鞏固七十餘年未經重修東通白沙墟

北通嶺尾墟西通桂貴界萬蓋墟南通大灣塘墟

大陂橋

在縣西七十五里厚祿里雙井村西南里許砌用

方石長十七丈兩端廣二尺五寸中間長二丈廣五尺鼎建無攷清雍正十一年重修桂貴通衢舊志載雙井小石橋卽此

和橋 在縣西五十里厚祿里滿塘村東三里許砌用磚石長三丈廣四尺五寸鼎建重修均無考

獨樓橋 在縣西四十五里厚祿里良美村北五里許舊爲石橋久圯未修今設渡船爲桂貴通衢樓又作流舊志云城西六十里一統志云在南俱誤

以上
訪冊
志

以上厚祿里各橋

仁壽橋 在甫里

受祿橋 在甫里

興福橋 在甫里

府以志上

仁壽橋 在縣西五十里甫里官橋墟旁清乾隆戊寅年創建嘉慶己卯同治甲戌均重修砌用石長五丈二尺廣一丈二尺高約二丈餘同治重建時知縣陳如金爲序勸捐並爲碑記序其爲末

銅柱橋 在縣西六十里甫里銅柱村旁創建無考清光緒丙午重建砌用石長四丈八尺廣一丈二尺高二尺

佛子橋 在縣西六十里甫里河塞村旁鼎建無考清光緒辛丑重建砌以方石長一丈二尺廣四尺

白馬橋 在縣西七十里甫里長排村旁砌用方石長四丈八尺廣九尺舊志誤載入武平里

以上甫里各橋

白馬橋 在武平里石龍墟

志舊

石鞏橋 在武平里石龍墟

志舊

石鞏橋 一名拱福橋在縣西九十里武平里橫冲村南里許砌用方石長二丈五尺廣九尺鼎建無考清康熙二十四年重修乾隆四十九年重建光緒二十七年重修西通龍山南通石龍墟大墟

迎陽橋 在縣西九十里武平里石龍墟東里許砌用石長

一丈四尺廣一丈鼎建無考清光緒二十三年重修桂貴通衢

福壽橋 一名大橋在縣西九十里武平里石龍墟中砌用方石長四丈一尺廣一丈桂貴通衢 攷碑文橋乃明天啓年間武平里平安村陳明威一人捐貲創建至清道光十九年重建亦陳姓出力不募異姓之財相傳明威當日有一女適貴縣因歸寧值大雨山水暴漲難以厲涉請于明威遂建此橋迄今三百餘年凡有所修築均陳姓自爲之不審明威昔年有何設誓或貽囑也

訪以上冊

以上武平里各橋

石鏡橋

在軍陵里石鏡河路通吉大二里

舊志

長六丈廣九

尺清乾隆四十二年建同治四年民國壬子年均重修

舊志并訪冊

子母橋

又名正主橋在軍陵里覃放墟西自南江下渡循

石路七里許即至橋往覃放社坡穆樂各墟以至平南路必

經此道光二十一年里人蒙廷輝梁其楚等募建石路長八

里亦同時捐砌

舊志并補訪志

橋與路費千金左右

往年石賸故費少如此今非倍其數不可矣

石窰橋

在軍陵里石橋村右有水發源簇嶺流至石轄過

三合經橋入鬱江自覃放墟至石橋入永和與中秀里必經

之路

補訪

官河橋

在軍陵里官河村西北一名長歌河橋或云程哥

河橋清初村人程宗紀始自粵東來漁隱於此故名長程聲轉歌哥同音理或然也自覃放墟上灘頭入永和里亦經過此橋清光緒間村人程建鉉倡修長十一丈廣八尺砌用石

韋村橋 在軍陵里路通吉大一里

志舊

三合橋 在軍陵里覃放墟南四里

石轄橋 在軍陵里三合橋西南

楞腰橋 在軍陵里灘頭村

志舊

牛甘橋 在軍陵里高嶺村

志舊

河二格橋 在軍陵里高嶺村

志舊

河村橋 在軍陵里高嶺村此村三橋皆通下秀里

志舊

黃吼祖橋 在軍陵里河口村志舊石鏡河自此入江

仙壽橋 在軍陵里鍾村志舊

長坑橋 在軍陵里官河橋之南受諸田浸溢之水流入官

河橋以逮子母橋訪補

頭祖橋 在軍陵里旱洞村志舊

河基橋 在軍陵里河基村長三丈廣七尺砌用石

三駁橋 在軍陵里下渡頭村長五丈廣九尺砌用石

梁莫橋 在軍陵里中村長九丈廣七尺清同治間梁濟周

倡修砌用石舊志名楓木橋

萬福橋 在軍陵里石橋村長九丈廣七尺清乾隆間林保

華倡建砌用石

甘村橋 在軍陵里甘村長十丈廣八尺砌用石

長塘橋 在軍陵里 長六丈廣九尺砌用石 訪以冊上

以上軍陵里各橋

伏化橋 府志云在城東三十里省志云三十五里 志舊

按此橋在何里省府縣志俱不載以里數攷之當在吉一

里今吉一里有伏化村 唐之皇化縣亦在吉里左
右伏化之名疑從此生

溯江石橋 在吉大一里近龍塘村 志舊

合盛橋 在吉大一里 志舊

清楞橋 在吉大一里長六七丈有奇止一石近龍塘村 志舊

乾洲橋

在吉大一里水流至龍步村龍福橋入平南界

志舊

龍福橋

在吉大一里路入平南界

福壽橋

在吉大一里又名嶺尾橋在嶺尾河平南監生鄭

崇傑建

志府

功德橋

在吉大一里

志府

新隆橋

在吉大一里洋嶺嘴又有一在石嘴峽

志府

穆樂橋

在吉大一里

志府

石欖橋

在吉大一里

志府

百花橋

在吉大一里

志府

新興橋

在吉大一里同治間陳瑤創建

志府

龍步橋 在吉大一里穆樂墟鴨公村明萬歷間建上通南甯下達梧州爲陸行要道天雨泥濘行人却步道光二年巡檢張玉率覃懷等捐修將舊署基址賃租生息爲永遠修補計四年大水決塌五年復率監生羅俊等募修十里長途石平如板行者利之

志附

大安橋 在吉一里大河口村長三丈六尺廣三尺六寸清光緒五年黃士榮創建用石

寺背橋 在吉一里寺背村西南長六丈廣五尺用石

福壽橋 在吉一里嶺尾村東長五丈餘廣六尺清光緒間鄭姓自修用石今已小壞

新興橋 在吉一里尋眉村北長五丈八尺清光緒間重建用石

五仙橋 在吉一里獨壽村東長十餘丈廣丈餘清光緒間從上流移建于此用石

東安橋 在吉一里社坡墟東長十一丈廣七尺用石樸實精緻工作爲縣東諸橋冠

訪以上册

乾洲橋 在吉大里水流至龍步村龍福橋入平南界

志舊

洋安橋 舊名楊安橋在縣東區四十里吉一里馬皮墟南半里探花村右橫臥蕩溪中流橋長三丈餘兩柱三度每度三樑皆以石造成上通社坡油蔴下通馬皮江口爲車馬往

來之衝清嘉慶二十三年里人楊廷機等創建故名後人以
其近水改楊爲洋道光二十一年大水冲塌石料蕩然無存
復由鄧四序覃佐錦黃永彰等集資重建光緒二十六年又
被水冲崩曾翌揚張啓基黃士權等捐資重修

福隆橋 在縣治東四十里吉一里馬皮墟西南半里松柏
村右橫臥蕩溪中流長三丈餘廣三尺餘兩柱三度每度三
梁皆以石造近通馬皮竹社穆樂覃放蒙墟遠通大墟賓陽
平南爲東西牛販出入要徑前同治十年馬皮墟商李巨昌
里紳張啓基陳榮光等倡建楊建元有序畧云我馬皮墟邊
福隆橋久經風雨業已崩摧憫泳游之爲苦觀揭厲之維艱

然工費浩繁集腋可以成裘所幸諸君發心倡首樂助輸將
向之橫木而爲約今則聚石以爲橋庶幾雁齒臨流恒排次
序于河上虹形駕水永便往來于橋中光緒二十六年因潦
冲崩張啓基覃以長黃祥雲等募資重修請舉人黃熊祥序
云夫霸橋治于滋水秦穆藉以顯霸功道橋達于羌陲充國
因以修邊政自古橋梁之造皆國工修之倘有橋壞而致覆
車未嘗不以爲刺使之過也乃今者王道榛蕪而杠梁興廢
之故司空旣不時修長史亦無過問間有病涉者尤幸民權
振奮稍得合羣力以襄美舉耳吾鄉馬皮墟旁有福隆橋者
上通盧墟南寧下達平南梧州誠陸路中一大通衢也乃創

自同治年間逾數十年水漬沙摧倏然傾圮行旅往來苦無所訴今同鄉張明字覃善堂黃景山等觸目而心憫之倡捐修築各善士亦樂以圖成共捐得銀六百六十一兩正除叙福酒資外尙存有銀四百六十兩擇吉于光緒二十六年九月二十三日鳩工購石閱百餘日而橋成向之苦于病涉者至今而有蕩蕩平平之慶功成告竣芳名勒石而襄序于余余旣悲王政之不行而尤喜民權之得振也

功德橋 在縣治東四十里吉一里馬皮墟西半里金嶺村背橫臥蕩溪中流橋長三丈廣五尺皆以石造成西通石嘴桂平北江東通馬皮竹社穆樂平南爲商賈輻輳之通途清

乾隆四十九年創建嘉慶光緒十二年生員黃英文等捐資
小修二十六年復集資大修

利濟橋 在縣東四十里吉二里馬皮墟東方四里社嶺村
左橫臥蕩溪上游橋長三丈廣三尺兩柱三度每度三樑皆
以石造成內通砦背蘇茅坪一帶山村外通馬皮大湟江各
市清同治七年里人曾三多堂曾兆麟等創建

石規橋

在吉二里

黃志

黎山橋

在吉二里黎山村長五丈廣七尺砌用石

定安橋

在吉二里木橋頭村長四丈廣七尺砌用石

石規橋

在吉二里蓮塘村邊長八丈廣七尺砌用石現已

半圮

上冲橋 在吉二里長冲村長三丈廣七尺清宣統間重修
砌用石

大山橋 在吉二里大山村長四丈廣六尺砌用石

彩村橋 在吉二里彩村長三丈廣六尺砌用石

碑塘橋 在吉二里碑塘村長四丈廣五尺砌用石

以上吉一吉二里各橋

水碓石橋 在上秀里南喬村

大關磚橋 在上秀里南喬村

木園橋 在上秀里南喬

以上俱舊志

拾門磚橋 在石門村

志舊

屬上秀里

良殿磚橋

在良殿村

志舊

屬上秀里

華祝橋

在上秀里祝華村旁長四丈廣一丈四尺高三丈

餘清嘉慶五年建砌用石經久未修碑序略云華祝江源發自雲合曲折入洋江會流鬱水斯津也南北通衢潯鬱要道歲羅昏溺病涉之苦有心者創建木橋日遠傾頽我等做徒枉輿梁之意創立石橋貽諸久遠撰序姓名無攷

萬福橋 在上秀里米步河道光二十六年南喬村監生黃餽祖倡建光緒十二年小修長六丈許廣一丈三尺高三丈用石砌距城三十里許通官江爲西南各出入要道副榜李

治報有橋序舉人謝濟民有勸指引俱詳紀文

謝
士
中
進

大字橋 在上秀里下灣墟旁里許清道光二十六年建橋
東大嶺南高塘北由灣大布西浪灘諸村潦水咸注於此爲
潯鬱通衢庠生梁雄才有序詳紀文

均到橋 在上秀里山門村旁長三丈濶九尺高二丈清嘉
慶間恩貢生黃悅棣倡建石砌工堅經久未修

鎮龍橋 在上秀里北馬村旁清道光十九年蔣巨泰黃鎮
昌倡建橋長三丈餘廣九尺高一丈七尺全橋用磚

鎮江橋 在上秀里鄧村旁長四丈廣一丈三尺五寸高二
丈二尺砌用石清光緒十三年廩生陳錫麟倡建

訪
冊
上

以上上秀里各橋

舊墟橋 在中秀里道光間黃神金重建

沙田河橋 在中秀里

光臨橋 在中秀里

高橋 在中秀里下都里亦有橋與此同名

府以上
志

集福橋 在中秀里澁山村左清咸豐十年楊向榮倡建光緒三十一年耀村黃仁徵重修廣五尺長三丈五尺

旺堂石橋 在中秀里旺堂村邊沙田河附貢生黃普元獨自捐建費千金爲耀村通白石要道

順道河磚橋 在中秀里順道河村旁黃普元捐建通耀村

白石山路

官班石橋

在中秀里榕塘村附近廣八尺長約十丈清道

光間建

秀才石橋

在中秀里長約三丈廣一丈二尺清道光二年

建爲麻垌至桂平城必經之路

訪以上冊

黃河石橋

在中秀里北流村長三丈五尺廣一丈三尺清

乾隆五年建道光間周士魁重建麻垌至桂平城必經之路

下河石橋

在中秀里灑山河面長約四丈五尺廣九尺道

光間黃應中倡建光緒二十三年監生楊俊重建

訪以上冊 志

務石橋

在中秀里石井村橋面石梁七條長一丈五尺廣

七尺厚一尺二寸創建無考清光緒甲辰重修東通白石清風西通官江社步南通蘇垌大洋

洞心石橋

在中秀里蕉木河長二丈七尺廣五尺清乾隆癸卯年創建南達蘇垌北通覃放墟

大梁橋

在中秀里上通蘇垌下通油蘇並垌社坡

木架橋

在中秀里上通蘇垌下通滋垌

以上中秀里各橋

鎮河橋

在下秀里咸豐間創建

志府

福蘭石橋

在下秀里距碩田南塘二村里許廣五尺長九

尺清光緒間建

南塘河口石橋 在下秀里距南關橋約三里許桂平平南

二邑交界白沙江中廣七尺長約二丈許爲蘇垌福壽交通

路

以上俱
冊訪

石骨橋 在下秀里木骨橋村廣五尺長四丈餘爲油麻勒

竹富藏大安各市必經之路冊訪進士馮舜生有重修橋序云

桂平下秀里一冬石骨橋其水爲西河上源其橋爲平桂兩

邑來往要津非徒杠輿梁決不能濟無待煩言溯前清中葉

地方人士仗各處樂善君子協力建造通道多年中間損壞

小補者兩次矣去年大水橋頭塌陷兩翼冲齧若不亟謀興

修恐夏雨湍激勢必崩頽非臨河返駕卽過涉滅頂欲行不

得進退維谷興言及此忍坐視哉不得已再籌善法謀諸紳商學界解囊捐助襄集大工修築鞏固繼前人之美無所謂創亦無所謂因蓋與造化爭此砥柱功耳是役也革釀飲費分毫皆歸實用蒙義士慷慨燦列芳名事竣泐石不沒盛德鎮南石橋 在下秀里油麻墟旁廣六七尺長十丈工程浩大爲全里諸橋冠清光緒間里紳謝濟勳倡建橋成費三千金有奇

冊訪

萬山石橋 在下秀里硤山寺邊長三丈廣五尺清光緒三十二年移造工費千金上通勒竹油麻下達富藏大安
河木橋 在下秀里上河村廣三尺長三丈餘爲勒竹墟往

社坡及桂平城大道每年河水隨漲隨修

龍秀石橋 在下秀里佛堂河村邊闊四尺長三丈餘爲油

麻來縣城必經之路清同治間謝傑佐倡建費二千餘金而
橋成光緒十六年暨三十二年迭被大水冲壞謝濟泰等迭

次重修

錄并訪冊志

自樂磚橋 在下秀里謝村穿空河清光緒戊寅謝傑佐暨
村人捐建

廻龍石橋 在下秀里陳冲村清道光年間村人建

南關石橋 在下秀里南塘村里許爲里中九冬十冬通白

沙江要道橋廣六尺長丈餘

滿河石橋 在下秀里嶺尾坡下河廣四尺長二丈清道光年間建爲勒竹往富藏要津

山口石橋 在下秀里碩田村上流廣五尺長丈許爲油麻六陳通衢

上垌石橋 在下秀里碩田村百步外廣五尺長盈丈清光

緒間重修

府以上俱志

以上下秀里各橋

深湔橋 當湔鬱通衢向用木道光五年易以磚在都里

西湔橋 在深湔橋南路通大灣新甯東津嘉慶二十二年

建

木松橋

在上都里周實村路通大灣墟

舊以志上

新橋

在上都里路通大洋墟

志舊

平博橋

在上都里新村嘉慶二十一年建

志舊

雙橋

在上都里上歐村路通鬱林蒲塘司

志舊

華興橋

在周實村南十餘里嘉興五年易以石

志府

德津橋

在上都里路通下灣墟

志舊

大陂橋

在上都里新甯村

志舊

佛子橋

在天堂村通大洋墟

志府

天堂村在上都里

定子橋

在大莫村通大洋墟

志府

大莫村在上都里

大洋橋 又名樂洋橋在上都里大洋墟旁同治十二年邑人李勉賢捐金二千倡修越年落成知府魏篤撰橋引詳紀文橋分五拱兩旁石欄橋頭建風雨亭橋長二十丈廣一丈六尺全以石構成費銀二萬餘兩民國六年重修復於橋尾再建一亭路通鬱林

府志并訪冊

羅播村各橋 西有大橋通大洋汎南有平路橋至大山橋

通鬱林北底墟

志併

冬村橋 在中都里八伯村

志併

廣濟橋 在中都里木根墟旁清乾隆五十九年建橋三拱俱用石結兩岸馬頭橋門約高一丈七尺廣二丈二尺橋脚

五尺石入土六尺橋壁厚六尺脊厚三尺橋面廣一丈四尺長十五丈有奇庠生李遇舒有誌詳紀文同治己巳宣統庚戌均重修

少洋橋 在中都里橋頭黎村旁長約四丈廣八尺石爲之
崩建于清同治三年

永福橋 在中都里永華墟旁長約十丈廣一丈二尺橋上兩旁作石欄首尾建風雨亭乃里人李光垣首捐鉅款建築料均用石舉人梁萬年撰橋序略云永華墟旁之河水其源出於黃嶺山過木根市聚都合西岸諸村支流奔騰而來其下流直通大洋江自咸豐初年始成此永華市搭木以濟行

人斯途也上通大洋蒲塘鬱林下達下灣官江潯城而附近
永華諸村尤來往所必經焉最堪虞者河水春夏澎湃加以
風雨橋木飄搖足履者抱失墜之憂目覩者乏援拯之術特
才力有限終無裨于生民幸戚屬李君粲堂慷慨爲量愷惻
存心與夫好義諸公議換建石橋分發緣部募化邦人喜釀
金之義士不吝其財樂助粟之信緣每逾其量越十餘月而
告竣形同新月勢等長虹任熙穰之奔逐聽車馬之驟馳榜
其名曰永福誠以人之福依橋之福與天地而俱永也茲值
功成衆緣請碑文于余余以爲河寬約十餘丈地勢所難爲
石運諸數十里人力所難爲且竭心思竭耳目動以經年計

時事又難爲而粲堂翁登高一呼貴宗族與好義諸公翕然相應成斯美舉於所難爲者而能爲之其補天地之缺陷利行旅之往來豈淺鮮哉

以助冊上

以上中都里各橋

高橋

在下都里道光二十年修中秀里亦有此橋名

本册志

淑河水橋

在下都里嶺頭坡淑河之濱

進士刑部主事

朱方輝撰序云白江沙溯六陳而上三十里至桂平下都里界有淑河口廣三丈六尺向有木橋以利行人上通麻垌下通六陳爲桂南二邑往來咽喉橋圯已數年往來者遇潦至往往遭滅頂之凶淑河灘近歲溺沒者數人矣壬辰秋其里

人莫學海抵余館舍言欲捐資修復且籌經久計冀造橋有資則置薄產以脩後修之費但苦力寡須四方好善君子解囊相助乃克有成欲得片言以期取信言之縷縷情甚惋摯余聞之惻然乃爲之引序如此并捐薄資愧余囊澀未能多助學海其持歸告諸父老誠心勸捐倘人同余者諒不以余言爲迂也學海又曰事成當以斯言勒諸碑余則謂碑不碑無論也果能置產永垂久遠則斯橋爲不朽過斯橋者亦知斯橋之功德爲不朽何必拘拘以碑言

朱方顯爲平南名下士

木蕉磚橋 在下都里埤頭村外爲麻垌入中和通衢於

清中葉

被祝磚橋 在下都里文山村南路通秀一秀二里

旺里石橋 在下都里旺里村外廣數尺長二丈餘清光緒

二十九年勅建

以上俱
訪冊

以上下都里各橋

萬年橋 在秀一里馬塘堡地方長十餘丈高十丈有奇清

道光間姚勝時募捐建造費銀達三千餘兩

涼亭橋 在秀一里馬塘堡地方清光緒中重修

新橋 在秀一里馬塘堡地方清光緒中重修

母猪橋 在秀一里六石堡地方清光緒初黎肇乾募捐重

修

以上秀一里各橋

樟村鞏橋 在崇姜里

黑石鞏橋 在崇姜里

牛欄橋 在崇姜里

石蓬橋 在崇姜里

都耶江橋 在崇姜里

高要橋 在崇姜里駱根村

鯽江橋 在崇姜里上荖村

石辣橋 在崇姜里和社村

文通橋 在崇姜里和社村

典橋 在崇姜里蓮塘村

思恩橋 在崇姜里朱村

狼狗橋 在崇姜里零村

俱以上
街五橋
志

冲塘橋 在崇姜里南涿墟用石砌長十餘丈廣丈餘爲桂

北通衢

塞江橋 在崇姜里下荖村用石砌之長十丈廣丈餘

訪以
冊上

以上崇姜里各橋

方石橋 在大宣一里三合嘴村後爲江口墟新墟兩里通

行要路舊架木爲之深坑陡岸行有戒心道光六年大滄江

巡檢張瑜率宣一二里紳士與廣東商馮壽桂募建

志舊

石版橋

在大宣一里

府志

萬江坑橋

在宣一里盤石村用石砌之長十五丈廣一丈

清光緒三十三年黃芝南溫佐廷梁日輝等倡建費三千餘

元未竟厥功民國五年王立仁自捐數千金倡修橋遂成

安龍橋

在宣一里龍門頭用石砌長二丈餘廣一丈清乾

隆間建民國初年重修

通濟橋

在宣一里新羅村用石砌長二丈餘廣七尺里紳

李春輝倡建

永寧橋

在宣一里新羅村用石砌長二丈餘濶八尺清宣

統二年李樹熙陳受階等倡建

以上供
採訪冊

大河橋

在江口墟通五洞朋化各處道光二十五年建

志舊

甲洲橋

在大宣一里通隍江咸豐五年官軍與洪秀全戰

敗績在此

志府

以上宣一里各橋

螞蝗橋

在大宣二里新墟北里許羅蛟水由此出橋創建

無考清嘉慶己卯庚辰間建石齒架木爲梁光緒戊子橋圯

易以石梁費二千金邑紳黃榜書記詳記文

訪冊

按舊志云買蝗橋在宣二里坡頭村南邑林肖崖倡修始

用木架後諸生林本仁易石置田以備培修原名螞蝗以

道光癸巳患蝗合里捐買於此故易名與訪冊稍異

興安橋 在燈盞村邊長約五丈廣約五尺料用磚石光緒初年何紹矩傅煒堂何炳昭等倡建民國二年李榮椿何顯光等重修

三龍江橋 在大宣二里舊志通新墟創建無攷橋長四丈廣五尺

丁黎石橋 在丁黎村邊長約二丈餘廣二尺光緒初年鍾丕祖出貲建

大河橋 在界垌村東北半里許清道光三十年建長四丈廣六尺

永安橋 在黎江村西北隅清嘉慶間建濶五尺長三丈五

尺光緒元年重修

訪以上冊

登瓊橋 在大宣二里

志府 通新墟

三江橋 在大宣二里中要過武宣衝要

志府

古黨橋 通新墟

志府

步安橋 舊名步危架木爲之艱脆不安故名在大宣二里
小樟村里餘爲永和大宣通道道光九年江口巡檢張瑜率
商人傅文欽里人羅大組募建易之以石而行旅坦然矣

志舊

以上宣二里各橋

附石路

錄長至八里以上者不及八里而用財至千金以上者亦錄之

西山石路 在城西門外創設不知何時路故平廣因經過

田畝被農人脩塍遂漸鑿小石條逼仄行者苦之民國六年兩廣巡閱使陸榮廷到縣巡遊捐金倡議修補西山亭閣廟宇并諭修斯路以水上警察廳廳長黃肇熙董成其事廣拓舊址兩旁卵石爲基高數尺內平敷砂土廣丈許以長方舊石貼貫中間經桂山踰官橋上木魚嶺曲赴鯨魚坑下小石橋任輿馬往來無閃躲之苦現復加工從洗石菴至乳泉亭上接觀音巖石路舊日無石者增之原有石者改正之若竟厥功則杭州西湖之磨盤嶺石路可與抗衡矣

覃放墟石路 見前軍陵里子母橋

護村石路 在宣一里自護村至大黃江墟長十一里許宣

里土鬆質厚而乏於石故衣租食稅之家不可屈指而道路每苦泥濘尤以斯路爲甚天雨趁墟失足塗淖中時有所見民國五年村人蒙悅心羅一峯王立仁等倡修敷以長方石條各命子弟監工成事費二千餘金里人樂之

盤石村石路 今廣東督軍莫榮新出貲造築由村至大黃江墟所經之路亦向苦濘濕今始稱便

補錄

旺里大橋 在縣南下都里麻洞墟旁旺里河爲麻洞往羅秀通衢創建未攷清光緒二十九年邑紳雲南補用知縣梁英明倡捐重建廣丈餘長六丈有奇工程頗鉅

桂平縣志卷十八

紀地

物產上

物產之重遠古已然自秦漢前經傳之文有記各物所產之地者禹貢職方是也有記各物生變之時者堯典月令夏小正是也有論各物生命之應者大戴記易本命篇是也有寫物之性情者詩三百篇是也有定物與物相配之用者小戴記內則是也戰國間屈原宋玉之賦咸體物而瀏亮知爾時考察必有專家及乎漢世爾雅說文諸書

爾雅爲漢世古學家所輯而託之周公其實非也

於鳥獸虫魚草木之屬莫不分別部居剖析徵細詩賦家如

司馬相如揚雄之倫淵雅希於屈宋遺文可攷也至於張華博物陸璣疏詩彥若狀草木於南方景純述山川之怪異崔豹古今之注賈總齊民之術又其後焉者矣夫孔子之教曰近取諸身遠取諸物繁見易辭曾子傳之則曰致知在格物孟子傳之則曰明於庶物故六藝之作咸綜斯旨志者史之分部史者六經之支流苟有述作必依歸孔氏無違多識之訓況今學校教授博物立爲專科將欲就地研求舍邑志奚據而往日撰者固語焉不詳或非珍異特產不書又不知所以切問而近思也今故博采兼收以動植別爲兩大綱辨其形性問其所出古今方言異同涉於物名者並爲攷證焉

動物

凡禽獸鱗介蟲族俱名動物西學分爲有脊與無脊兩大類有脊者禽獸鱗介無脊者蟲夫物固當有脊特如植物之花有現有不見而已西說未可遽從也故今用中說

禽之屬

翡翠 說文翡赤羽雀也出鬱林翠青羽雀也出鬱林考桂平漢屬鬱林說文爲漢許慎作據其言知二鳥爲平產物今俗名翠爲青翠雀身色青有奇采名翡爲珊瑚鵑色紅似珊瑚

瑚與說文合

翠又名半天約
翡又名師父鵑

舊志失載

杜鵑

又名杜宇又名子雋又名子規又名鷓鴣

鳥

陳子昂詩

悲

鳴

悲

也耳是又名思歸本邑多有舊志云二三月間晝夜啼所謂不如歸去者其音宛然惟尾聲多二字杜鵑啼血杜鵑花亦紅如血且二三月間開故名

錦雞 即雉雞或名野雞又名蛇雞

斑鳩 毛詩翩翩者雛說文曰祝鳩也卽此物爾雅曰夫不郭注今鴉鳩也段氏玉裁云鴉鳩今俗呼爲勃姑鴉語之轉由段氏說推則斑鴉亦爲語之轉

布穀 詩鴉鳩毛傳作結鞠爾雅曰鴉鳩鴉字異音同方言作結誥擊穀郭氏云今之布穀也江東呼爲穫穀按今之郭公也以穀雨後鳴古名今名皆象似其音左傳曰鴉鳩氏

司空也召南序云德如鳩鳩曹風傳云鳩鳩之養其子朝從上下莫從下上平均如一月令仲春鷹化爲鳩鄭云鳩博穀也季春鳴鳩拂其羽鄭云鳩鳴飛旦翼相擊趨農急也鄭意鳴鳩即博穀鳩鳩猶鳴鳩也

氏以上參攷段

今按邑內催耕鳥亦有結話擊穀之音

鷓鴣 詩衛風吁嗟鳩兮無食桑葚卽此物爾雅作鷓鴣本草作鷓鴣形似山雀而小尾短色青黑

白鷓 卽鷓鴣鷓白聲近說文鷓鴣屬段云鳩之可畜於家狀全與勃姑同按桂平所見鷓鴣形比勃姑稍大

鷹 說文作雍爾雅作爽鳩鷹爲籀文桂平之鷹能搏食生

蛇但此種少見

鵠 說文名雉亦名鵠爾雅作鶡鶡古音淫淫鵠聲近段氏云雉離也今江蘇俗呼鵠鷹盤旋空中攫雞子食之按舊志云鵠名鵠鷹盡其伎倆不過搏鷄所謂草枯鷹眼疾者無聞焉云云蓋未知鷹與鵠之別也

貓頭鷹 說文名忌欺又名舊留爾雅作怪鴟舍人曰怪鴟鵠鷓也說文舊或從鳥休聲蓋鵠舊聲轉留鷓形近故舊留或爲鵠鷓莊子又作鴟鵠此物晝伏夜遊聞其聲者以爲不吉

了哥 說文名鵠鷓段注云今之八哥也左傳鸚鵡來巢鵠

公羊作鸛此物剪舌而教以人言亦能道其數字

據舊志修

祕勞 說文作鴝夏小正作百鷓月令鴝始鳴注作博勞詩

作鳴鴝

月見七

箋作伯勞古今音相近也左傳作伯趙禽經伯

勞似鷓鴣喙黑易通卦驗博勞夏至應陰而鳴冬至而止左傳伯趙氏司至者也貴縣志云此鳥多集歧路小樹見之則鳴

鷓鴣 此物鄰縣皆有而不及桂平之多肉味鮮嫩食家以

爲上品

鷓鴣 喙曲如鈎食魚漁家養之以取魚

麻雀 說文云雀依人小鳥也段注今俗云麻雀者是也禮

器象之曰爵爵雀同音月令雀入大水化爲蛤高注呂覽曰
賓壽老爵也棲宿于人家堂宇故謂之賓爵此物桂平最多
鴉 有白頸黑頸二種白頸者爲羅鴉黑頸者爲烏鴉

鷓鴣 詩有懸鷓兮卽此物詩言鷓者有二曰鷓之奔奔鷓

當鷓有懸鷓號卽鷓鷓

據段文注

長尾鷓 身小尾長色或赤或白其來成羣蓋亦雉之屬西
山時見之

火炭雀 全身脊黑腹白大如鷓鷓

禾雀 早晚兩造稻花發時此雀卽來千百成羣頗爲農家
之患每鳴槍逐之或以禾稈結束成人形着以衣帽插田旁

則雀不敢近 按廣東有禾雀有禾花雀禾雀比禾花雀大
禾花雀本黃魚所變其說遍童孺桂平禾雀或名禾花雀非
實也

雞母雀 大四五兩鳴于春季聲如母雞故名其羽可治耳
淫

五色禾鵠 大如足拇重僅錢餘色青黃相間鳴聲悅耳二
三月間各村旁有之

登高雀 又名頂高雀以其飛甚高故名其性靈敏能學作
鷓鴣雛雞等聲富室子弟常畜

白眼鳶 形大如五色禾鵠腹白背帶竹青色正二月間時

作鳴聲性易馴養放之不去

獸之屬

虎 俗名大蟲形似貓而大皮黃紋黑桂平山多故虎產不
少以其骨浸酒可治風濕其牙以醋磨取其屑可治瘋犬噬
口其腸晒乾遇孕婦腹痛束之可愈又能下胎其作用途見
於本草綱目故山居者每以虎爲奇貨可居多以獵虎爲業
往往父子兄弟習與虎戰鬥以鐵傘禦以火槍或斫以利斧
善其術者二三人可取一虎否則人數雖衆時被虎傷或有
以咒術擒之者其法甚秘又有於山中設陷阱以小動物餌
而取之者虎雖勇智不敵人也虎力直往而不能紆走避者

曲行可免患虎性畏火夜行山路見持火炬則虎遠奔

馬面虎 此物虎身而頭面如馬比貓頭虎尤爲猛擊見人卽噬邑中有之而少見

肉翅虎 赤雅云肉翅虎出石抱山晨伏宵出其飛也獾常向鬼門關食人爲獾射殺予得見之比凡虎小翅如蝙蝠眼閃閃如陰燐渾身虎紋飾其皮以辟百鬼余詩附見朝登綠珠渡暮宿鬼門關合浦懸明月長藤引百蠻金蠶驚客夢肉翅飽人還以此聞征鐸悽悽思故山粵述云潯州府貴縣山中出飛虎云間歲一見或攫人首啄食其腦余於潯守處見其皮長尺餘如黃犬形前二足皮特豐濶如翅然其斑紋不

似山君一云湖南山中人多縋附崖谷采取木耳或遇飛虎
縋即斷蓋其翅甚利雖然不聞食人

據府志

豹 狀似虎而小白面圓頭其紋如金錢虎生三子則有一
豹豹小時必隨母行母率子渡河則先嚙豹往以免虎子傷
噬次嚙虎往則又嚙豹回原岸俟嚙第二虎子過河乃復回
嚙豹往焉虎雖動物用心亦苦矣

虎狸 俗名揸雞虎形似虎而喜攫雞故名性溫能壯元氣
五節狸 尾毛雜間狸種此爲最大味臊

九間狸 咀銛而長尾紋有九節故名味香美

菓子狸 形似九間狸手足如人狸咀稍鈍喜食生果故名

味尤美

按府志及貴縣志以九節菓子爲一物不合

香狸 又名靈狸又名七間狸一體自爲陰陽故又名不求人

按段成式言香狸有四外腎則自牝牡者或卽此也

白額狸 或言玉面狸喜食生菓此狸之最賤者

按菓子狸喜食生果白額狸亦喜食生果貴縣志遂以菓子狸爲白額狸其實二物也

黃京 鹿之屬或名黃麋桂平多有之味鮮美

崖羊 蹄角俱長性能走險人與虎狼所不能到之處此物

能到之夜以兩角掛石崖而臥他物不能侵噬

按本草有山羊又名野羊又名羴羊注云羴羊似吳羊而大角角墮者能涉峻坂羌夷以爲翔又云山羊似羚羊色青角有掛痕者爲羚羊無者爲山羊然則崖羊其卽羚羊耶

石羊 亦似崖羊而走險不逮今年有獵者籠一蹄於寶興館求售毛色青綠而微有小點其卽石羊耶而頭無角蓋其小而未長者也

己時年
在

糖牛 府志云漢布山縣糖牛與蛇同穴牛嗜鹽俚人以皮裹手塗鹽入穴牛果舐之偶出穴不得入取其角爲器一日

糖牛

花綿 谷 糖

糖牛角若瓊玖用以爲甲鳩箭蛇瘡如涼雨之

洒荷葉

雅赤

舊稱地產糖牛角牛性嗜鹽其角如玉今無是非

無也卽白水牛自潯至諸谿峒所在有之今之明角是也所云與蛇同穴者當時以之充貢厲民求爲蠲免不得不危言

以動上耳

志舊

糖牛以蛇同穴土人以皮裹手鹽塗於上入穴

探之牛舐其鹽誘執而截其角琢以爲器珍貴勝玉市有燒成僞爲者頗相似極易辨

粵西 偶記 文內注
舊是 府志 非縣志

野鹿 時有鬻於市者其茸可以和藥其肉可以充庖但不

如北茸之美

志 據 舊

野豬 紫荆山內野豬成羣踐食芋薯土人苦之然亦或往

或來非常在於一處

志據

箭豬

古名狷周身有箭如鵝毛管而銳其兩端山居常夜

出以喙掘取薯芋食之遇捕則放其箭以刺人山民往往拾

得長箭四五寸以插鬚代簪頭

貴縣志

鞋匠取作軟針

猴 石山中多有之人家有畜者忌以水養飲水則身偉大

人不能敵

猿

猿性與猴性異猴貪而猿廉猴暴而猿仁故有猴之處

必無猿有猿之處必無猴山上有過嶺難者猿輒來援

鱗之屬

鱒鯉

鱒說文作鱒出北河大者重百餘斤長八九尺或一

丈肉韌似牛肉

胡魚 一名大頭魚其頭大而性懶他省謂之慵愚又名大頭鱸毛詩齊風敝笱在梁篇箋云鱣似魴而弱鱗陸疏云鱣似魴而頭大其頭尤大而肥者徐州人謂之鯪或謂之鱣幽州人謂之鴉鷗或謂之胡鱣據此則鱣鱣本一物而胡魚頭大與陸疏所言鱣之形狀相似又與幽州人謂之胡鱣相合則胡魚卽爲鱣亦卽爲鱣又廣雅云鱣鯪也與徐州人云鯪或謂之鱣則胡魚亦鯪屬

鱣魚 巨口細鱗而味美但頭頗大故舊志誤以大頭魚爲鱣魚然攷之大頭魚卽爲鱣魚鱣卽爲鱣前辨旣明而陸疏

本草綱目卷之八
云鱣魚之不美者故俚語曰網魚得鱣不如吮茹今鱣魚美味自然與鱣不同亦卽與大頭魚不同蓋舊志未攷

鮫魚 毛詩名鱧疏云鱧一名鮫是也郭璞注爾雅則以鱣爲鮫鮫身圓肉厚而明與本草所言合桂地有青鮫白鮫二種白者味勝食魚生者喜用之

鯉魚 毛詩名鱣衛風鱣鮪潑潑傳云鱣鯉也周頌云有鱣有鮪箋云鱣大鯉也是也然國風又云豈其食魚必河之鯉周頌又云鱣鱮鯉則詩亦分鱣鯉爲二物以郭箋定之則鯉大者爲鱣小者爲鯉

鮪魚 鮪俗作鯽然鯽寔爲鱣此爲墨魚與鮪不同

文見說

爾

雅云鯖身小而楸廣雅鯖鮓也皆同此物而異名鯖魚本邑有名兔魚者梁洪霖云以其背隆曲似兔伏故名又有稱糶米魚者不知何義魚形似鯉色黑體促腹大脊隆今人以爲常饌

三鰲魚 粵東江南人名鯖魚而三鰲之名其來亦甚古攷邵晉誦爾雅義疏於鰲鮓下引全祖望說云卽粵鯖魚也諺云三鰲不上銅鼓灘謂粵鯖不過潯州也按鰲與鯖古音相通鯖音近鮓全說得之此魚之來以三四月間性喜浮網入水數寸卽得廣東曹白鹹魚以此魚醃製

鮫魚 此魚照俗稱有八種（一）爲赤眼鮫說文鱒赤目魚

也卽此種似鮫而鱗細出江中(二)花頸鮫鱗有黑點而目不赤者名花頸鮫(三)竹劈鮫又名薄刀又名雞籠劈劈俗讀妍聲轉也(四)青竹鮫形與鯉略同(五)張子鮫形與鮫魚略同重不過數兩(六)砧板鮫(七)翹鼻鮫其鼻翹(八)沙鰕鮫春夏不見秋冬出現河邊及沙洲間身比泥鰕略小多聚成羣此皆形異而名同是否確爲鮫之一類於古籍無攷姑依俗名著錄去爾 按第一種赤眼鮫產自清泓者最佳清泓見山川體比他處所產稍肥短大者重至五觔肉細膩甘鮮與浩溪鱸魚齊名

鰕魚 本草李時珍說以鰕魚爲鰕魚卽詩鰕笱在梁其魚

魴鰈之鰈其說云鰈魚體似鯨而腹平頭似鮫而口大頰似
鮎面色黃鱗似鱗而稍細大者三四十斤善吞陷故名鰈魚
又名鮎魚鰈者敢也鮎者陷也性崛強春夏潦漲隨水所之
或入窞坑漁者從坑以椿截之潦退魚出見椿卽惜退數丈
掉頭向椿疾趨以頭碰椿頭破身死不悔又喜獨行啖魚無
厭然每遊至水盡路窮將退出時則羣魚必隨其後藉其在
前衝陷障礙以同出險故俗名水老虎重者三四十觔與本
草言合

長嘴鰈 又名長頭鰈此魚於古書無攷正字通以爲鰈魚
然攷字林云鰈頭中有石一名石首與此不同當非一物此

魚體圓厚而長似鰻魚腹稍起扁頷長喙細鱗腹白背微黃
性好噉魚

鰻魚 又名沙扁魚說文鰻魚也鰻或作鰻出本邑江上有
池塘亦有之

鯰魚 形似塘蝨而身大有齧口有鬚

骨魚 頭鈍耳細角鬚俱廉銳堅如鐵形色同鯰魚而稍小

廉魚 似鯰魚而小色斑黑中雜金黃色多齧大者重二觔
許

鱖魚 又名沙漣魚大口細鱗與玉篇廣韻言合產自浩溪
者最佳

浩溪見
山川

色斑紫肉嫩美與清泓鮫魚齊名

花魚 肉細嫩比黔骨爲美生小河石坎中身長色黑有斑點亦喜食魚池塘有此魚必去之惡其爲羣魚之害也又名生魚

赤星魚 尾有紅點如星故名

七星魚 說文名鱗胡氏毛詩後箋云鱗卽今所謂烏頭魚有七星者一名鱧邑內有之但甚少

泥鰍 說文作鰓爾雅鰓鰓注云今泥鰓正韻鰓音鰕泥鰕生下田淺渚中似鰻而身短首銳而色黃黑有漿濡滑難握穴泥中與他魚爲牝牡

嘉魚 體圓多脂九十月間始出桂海蟲魚志嘉魚狀如小

青多脂味極腴美

據府志

銀魚

出縣北南溧思盤江穴中色白而小似北方麵條魚

府志

鱸魚

說文作鱠有黃白二種粵東白鱠有大如碗者桂平

則有大如臂者亦有之黃者出二三月間清明時節以此爲

最佳饌

塘角魚

一名塘蝨色黑無鱗頭有兩角甚銳刺人殊痛

印魚

產綠水潭身有紋如印

府志

狗魚

狀若蛤蚧而尾禿以其四足而獸身也故名曰狗大

可三四尺小亦數寸味極佳爲鮓可以餉遠產瑤地山澗間

晝潛水中夜則上樹食果實性兼水陸能滋補大黃思旺兩
墟多有售者嶺表異錄云義全嶺之西南靈水溪內皆修尾
四足丹其腹若守宮游泳自若漁人不敢捕之疑卽是物
金魚 以供玩好初生色黑尾極大漸而黃黃如金

志蘇

志府

虫之屬

蛤蚧 形似田雞而有尾尾力大能補氣

蟾蜍 說文虫部蝮蝮諸以腹鳴者黽部蝮蝮諸也其
鳴詹諸其皮蝮蝮其行蝮蝮皆指此物蝮蝮毛詩作戚施爾
雅作蝮蝮蝮蝮諸蝮蝮卽蝮蝮一語之轉此物能除瘡癩之毒
能噬蜈蚣

蝦蟆 俗名三角拐背有黑點身小能跳接百虫作呷呷聲
舉動極急蟾蜍身大背黑無點多痲磊不能跳不解作聲行
動遲緩絕然二物

青竹蛙 俗名青竹拐形似蝦蟆皮色青而有縹伏於草木
葉中人不見

田蛙 一名蛤蛙或讀作雞故又名田雞形似蟾蜍而皮黑
腹白味鮮其胃尤脆而有味

牛牯蛤 似蛤而小背有白線自首貫尾治小兒脾胃病可
用之又有一種背無白線者俗名蛤仔兒此皆蛙屬
鹽蛇 當作蠃蛇說文在壁曰蠃蛇在草曰蜴易或謂之守

宮又名蝶蚯此物爲夜光蛆食品見夜光蛆來則張口迎之
蛆自口而入不知者以爲蠓蜒之食蛆也久之蛆自蠓蜒口
出取蠓蜒剖之而腸府盡矣關尹子虫螂蛆食蛇蛇食蛙蛙
食螂蛆互相食也動物情狀固有非博物家所能盡者豈惟
夜光蛆之食蠓蜒而已

草龍 色黃身大如鹽蛇長一二寸尾長四五寸有四足象
畫眉者以之

蛇 此類亦繁祇舉其著者言之有全身黃黑相間者爲金
包鉄又名金角帶又名瓜蛇有全身黑白相間者爲銀包鉄
有皮似紅鱗者名籐箕筴又名紅鱗草毒有飛行如梭穿林

越樹捕食鳥雛者名過樹龍又名黃梢蛇有性兇而毒見人卽伸頸高立張其牙喙大如飯匙逐人欲噬或遠噴毒氣使他物不敢近者爲飯匙頭有身青而大如母指耳聾不聞聲音常卷少伸夜則在路博食耗子者爲青竹標又名土錦蛇身長尺許大如小指色如山中捻子夜橫路上者名捻子掌自頭至尾排列三線或黃或白者爲三索線有全身色烏者爲烏肉蛇骨與肉俱黑者爲黑骨蛇大者如水桶小者如大碗身有斑點長二三丈短或丈餘伏于山谷之中見婦人或吞噬或擒而辱之者爲蚺蛇蚺蛇膽能治黃痺浮腫酸濕各病而不甚毒毒者金包鉄銀包鉄爲甚被咬者不可移步但

移三步則毒隨血行須臾遍全身入心卽死不可藥次爲捻子掌受毒傳三時死次爲飯匙頭次爲青竹標次爲籬箕筴受毒對時卽死又有一蛇身具四足身長五寸者名五寸錦被咬者毒傳一日亦死其餘黑骨烏肉皆無甚毒又有背黑而斑腹紅者爲湓蛇身有花如女子所織之帶者名花帶蛇又名草花蛇皆無甚毒可無論焉蛇愈毒而愈能治病屢經試驗凡風濕寒脾骨節疼痛各症他藥不能效者蛇能醫之故近來業捕蛇者日衆而蛇類漸少好而知其惡憎而知其美於物固有然矣

附府志蝮蛇胆記 赤雅云蝮蛇尾有鈎口無齒其聲甚

怪似貓非貓似虎非虎擊之則鳴猶龜焉灼之則鳴也九
十丈者吞赤蟻六十丈者吞象三十丈至九丈者吞豺狼
虎與鹿豕人吞之法以尾鈎卷定以氣衝死濡濕乃吞吞
畢懸于樹上絞至糜爛骨角皆從皮出望之若神龍蛻骨
耳又云蚺蛇三胆一附于肝者止痛一水胆白漿止瀉一
胆隨身擊其處則胆隨至名護身膽最佳睚辟邪殺鬼佩
之吉祥肉辟風寒皮過三十丈者曰龍皮一端千金波斯
市之爲鼓聲振百里雄視萬里舊唐書文帝紀文宗太和
二年帝與侍講學士許康佐等語及蚺蛇膽生剖其腹爲
之惻然乃語度支曰每年供進蚺蛇膽四兩桂州一兩賀

州一兩泉州一兩宜於數內減三兩桂賀泉三州輪次歲貢一兩

蚯蚓 卽廣東人所稱黃蟻說文蠹蟻也爲粵人稱蟻所本或作蚓段注蚓俗曰曲蟥漢巴郡有胸忍縣以此虫得名桂平或名土蟻又名土龍復名泥紐

馬蝗 一名水蛭池澤處處有之入人肌肉蝨血誤吞則生子人腹中噉臟血飲黃土水數升可解

蟻 其種有黃絲蟻色黃走馬蟻色黑大水蟻身長七八分有翅能飛見則大雨來

白蟻 生于卑濕其侶甚衆凡物皆啜書籍衣服頃刻而盡

畜竹絲鷄則能免其患或多畜白鴿可治之

蜈蚣 生於老屋棟梁密處其齒有毒噬之甚痛以耳中油醫之最便且驗以醬敷或以紙作撚薰之或捕蜘蛛陷其毒痛立止爾雅云蒺藜螂蛆注似蝗而大腹長角能食蛇腦卽此物廣雅螂蛆蜈蚣也關尹子三極篇云螂蛆食蛇蛇食蛙蛙食螂蛆互相食也問之老農說皆如此

夜光蛆 又名放光蛆多足似蜈蚣日夜緣牆壁而行身有光火色雜紅綠以手觸之成粉粉著處生光逾時不滅廣東名夜光虫

土狗 說文名螺蛄莊子作惠蛄孟子蠅蚋蛄啜之之蛄亦

此物此物能治蛇多棲于蛇穴見邵晉涵爾雅正義

地龜虫 他省名地鼈虫大如豆以手觸之則足卷于腹墜地與泥混博物者以爲變形類詩豳風東山篇伊威在室卽此物

蜻蜓 說文名蜻蛉桂平有紅黃黑三種紅者尾大身小黑者尾長身大黃者身尾與紅者同

斑貓 貓當作蚤此物又名豆角虫以食豆角故名大如手指身長圓翅堅如甲闔則蓋其全身色黃有黑點其足六搗之出汁能壞皮膚治頑癬者用之

蟻 有禾花蟻大風蟻油蟻三種以大風蟻爲最大有一種

聲如鳥如蟬者西山樹上夕陽掛枝時常聞之

蜂 蜂有九種一屋蜂名黃蜂窠屋常見二地貫蜂

疑卽爾雅
之十蜂

造巢於地穴之下大如小指色黑腰間黃三雞籠蜂形如地
貫蜂惟造巢在草樹之上而不在地四草鞋蜂形小而色斑
性兇悍五火筒蜂色黃大如箸以巢形如火筒故名六烏蜂
造巢生子于竹筒之內又名筒虫爲藥肆用品身黑如墨大
如指七天燈蜂造巢于高樹之上下垂如雀籠燈故名大如
中指色黑並白八地龍蜂形似蜜而小亦巢于地見人不螫
九沙牛蜂造巢於低樹或荒山草坡中身黃如沙牛性刁悍
見人或牛過則疾飛來螫之

此畜外
者有不
少蜜蜂

蜘蛛 又名磚周磚蜘蛛聲近也有長脚短脚之別短脚者形扁身小色白或有斑者大略過于蠅結繭於壁大如銅錢以藏其身並生育焉時出窻戶几硯間伺蠅伏搏之鄉人名蜘蛛兒城廂名壁虎以其走于壁也又名蠅虎以其噬蠅也長脚有腹大者結網空中排列縱橫玲瓏齊整巧匠不過結繭大如錢輒如綿皮肉小傷者取其繭貼之能止血脚長身小者或名蟻子詩幽風蠨蛸在戶卽此物結網間架隨意不似腹大者之有條不紊有蠅飛過則伸其長足牽網絲以卷之蠅不能動乃噉焉

蟬 蟬類難攷舊志云夏間鳴蟬一種各處皆有而境內之

蟬有獨善者由低而高此停彼接嚶嚶清晝作金石聲追想
前遊如桂林石山之秋蟬長江落日之亂蟬西風烟柳之風
蟬皆不如此地之蟬云此以聲而見稱者又潯州府志云綵
金蟬類螢火而遍身金身背負圓片如玻璃產桂林按此虫
潯州時見之生豆葉上身四足如龜形其背圓如鏡卽其翅
也此以形之美而見稱者故並錄之

線火虫 春二月間見之古籍名螢爲腐草所化其腹盖有
磷質故能生光白日不光者光爲太陽所掩耳詩幽風東山
篇熠燿宵行毛傳熠燿磷火也磷火螢虫也可爲正解朱子
以熠燿如蠶其喉有光似指夜光蛆與毛傳殊當從毛

線火一
名天火

胡蝶 蝶亦名蛺蝶爲蝓蜥鳥蠋等羽化而成有四翅甚大形色不一或白或黃或五色按虫類之由蜴形而化蛹由蛹而爲有羽之虫者不一如蛾如蠶如胡蝶如蟬皆是

龍蝨 出吉一里大者如拇小者如指體色黑微黃翼邊緣金者佳性滋陰愈溺患秋冬水乾輒飛聚山塘藪澤多水草處

介之屬

龜 境內罕覩

鼈 各處皆有吉一里沙坡河最多

鼉魚 形似鼈而小背有駝峰畜水缸中取其吐涎服之治

陰虛病

山瑞 瑞當作崇俗以崇爲不祥而避之形如鼈而甲緣有晶點盤旋能滋補

螺 說文作羸羸有二種一生于水者卽今人取食之螺桂平此類有二種在水田生者爲田螺在河水沙石中者爲石螺田螺甲薄而體大石螺甲堅而體小田螺肉鮮石螺肉實二生于陸上者卽今之蝸牛蝸亦螺也周禮儀禮羸醢內則作蝸醢羸螺同聲螺蝸疊韻薛綜東京賦注曰蝸者螺也崔豹古今注蝸陵螺程氏瑤田釋虫小記曰蝸牛蝸謂其所居之房卽螺也與羸通又謂之蠶故集韻以蠶羸蝸四文爲一

字並指其殼而名之爾雅蝓贏蝓蝓背附其殼故曰蝓贏有首尾能出殼行蝓蝓然故曰蝓蝓郭氏注之曰卽蝓牛是也由是言之蝓蝓贏本一物異文蝓與蝓古人皆爲食品今人謂水中可食者爲蝓陸生不可食爲蝓周漢間無此分別也桂平之蝓與他處所見者無別惟府志引嶠南鎮記云潯署頗有園池花樹偶見花根上一物蠕動就視之大蝓牛戴殼而行可容半升許云則其特殊者矣

鼻涕虫 卽蝓蝓又作延游蝓牛之無甲者

蟻蟻 似蟹甲旁無刺生田中能害苗稍大者去甲以油炸之或以火炙熟可作小兒食品

蚌

聲

去

以說文考之蚌爲蜃屬蜃爲大蛤則蚌亦蛤屬也

桂平之蚌有重至八九兩者出泥河中

蟾蜍

聲

去

此爲蛤之屬說文蛤有四種一曰蜃爲大蛤雉

入水所化蚌其屬也二曰厲十載雀所化又謂之牡厲三海蛤百歲燕所化四名魁蛤老服翼所化也段氏注云服翼編也方言釋魚魁陸注曰本草云魁狀如海蛤圓而厚外有理縱橫卽今之蚶也按宋人謂之瓦屋子今浙人食之亦名瓦隴子桂平所產不知於四者誰屬惟以段注圓厚外有理縱橫之狀求之則爲魁蛤之屬矣

蜆 似蚌而身圓小俗名掩兒亦蛤屬